

4102
18/765

شیخ و تصفی

سواطع

رسمی، ادبی برطانم مسودات ایله بعض مقالات
واشعاری حاویدر

عارفی نظارت ایله سنک رخصتیه طبع اولمشور

استانبول

عالم مطبعه سی — احمد احسان و شرکاسی

۱۳۱۱

صاحب و ناشری : شمس کتابخانه سی

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY


PL	Vasfi, 'Ali
180	Levami'
V37	
1889	

شیخ وصفی


Vasfī, 'ALĪ

Levāmi

لوامع




«مکتب نواب» ده بر سنه ظرفنده طلبه کرامه
استکتاب ایدیلن تبریک و سائره دائر بعض مسوداتی
حاویدر .




برنجی جزء

مرکز توزیعی : مجموعه معلم اداره خانه سی



معارف نظارت جلیله سنک رخصتبله طبع اولمشدر



استانبول

(آرتین آصادوریان) شرکت مرتبیه مطبعه سی — باب عالی جاده سنده نومرو ۵۲



۱۳۰۷


PL

۱۸۰

✓ ۳۷

۱۸۸۹





هر کون جهان عثمانیده برر صورتله جلوه کر
ساحه ظهور واون اوچنجی عصر هجری ایچون
مدار افتخار نامحصور اولان بدایع معارف محضا
خليفة بی مدانی عبد الحمید خان ثانی افندمن
حضرتلرینک همم متوالیه ترقی پرورانهلری آثار
برکزیده سندن اولدینگی وارسته بیاندر، آفتاب عالم
آراکی عیاندر .

بویله برشهریار حصافت شعار وتاجدار عدالت
کردارک عصر معارف حصر خسروانه لرینه ادراک

ایتدیکمزدن طولایی حسیات شکر گذارانہ مزک
کمالیله درجه سنی تعیینده السنۃ ادبا هم حالت لالدر،
زیرا بو بر امر محالدر.

مع مافیہ ہر صنف بندکان ایفای وظیفۂ عبو۔
دیتده علی قدر الامکان قصور ایتماکہ چالشدقلری
کبی فقیرده کیجه کوندز دعای فیض انتمای
امیر المؤمنین ایله دمساز اولورم، بروجہ آتی نغمہ۔
طراز اولورم:

منظرہ مدہ لمعۃ صبح سعادت برق اورر
شش جہتدن پرتو فیاض قدرت برق اورر

کائناتہ دیدۃ امعائلہ ایله بر نظر
متصل ذراتده فیض هویت برق اورر

جنت آباد صفا اولمش کلستان جہان
هرچیچکده بشقہ بررنک طراوت برق اورر

بحرہ عکس ایتدجہ زرتار شعاع آفتاب
بربرین تعقیب ایدن موج لطافت برق اورر

حاصلی دارالسرور اولمش سرای کائنات
هرکسک وجهنده آثار مسرت برق اورر

بن نصل شاد اولمہیم خندان کوروبده عالمی
ازدیاد شوقدن چشمان امت برق اورر

قطب عالم اولدینگی کوندن بری عبد الحمید
اعین امتده اشواق جلادت برق اورر

اول شہک ذاتیلہ رونق بولدی تخت سلطنت
سایہ شاهانہ سنده شان ملت برق اورر

ملتجادر در کہ حشمتیناھی عالمہ
طاق دیوانندہ طغرای عدالت برق اورر

ظلمی محوایتدی جهانندن سطوت شاهانہ سی
نچہ عدلنڈہ شمشیر شریعت برق اورر

طولدی رعد صیت احسانیلہ عالم سرتسر
آسمان بارکاهنده سماحت برق اورر

موج اورر آفاق دولتدہ لوای شوکتی
ہامہ سندنہ پرتو تاج خلافت برق اورر

منجلی محراب وجہندہ فیوضات خدا
کعبۂ قلبندہ مشکات ولایت برق اورر

رہنمادر زمرۂ اسلامہ رأی روشنی
سایہ سندنہ شاہراہ استقامت برق اورر

جبرئیل عقل حیراندر علو فکرینہ
چشم حقینندہ انوار جلالت برق اورر

خسروان دہر ایدر دربانغیلہ افتخار
جہۂ پاکندہ آثار نجابت برق اورر

ملتی اعلاہ کافیدر سمو ہمتی
سینہ سندنہ جوہر کنج حیت برق اورر

دہرہ اولدجہ ارادات کزینی منتشر
سوبسو احکان قرآن آیت برق اورر

شبہ سز عصرک نجی اللہیدر اول شہریار
کشتی دولتدہ فانوس سلامت برق اورر

ایلدی عصر هایوننده خامه م کسب فیض
سوزلرمده پرتو حسن طبیعت برق اورر

نکته سنجان لؤ لؤ اندیشه مک حیرانیدر
بحر اشعارمده امواج سلاست برق اورر

نور معنی عکس ایدوب آب روان طبعمه
کلشن نظمده ازهار فصاحت برق اورر

مشعل فکرمله روشندر کوکل کاشانه سی
بیت پرنورمده مرآت بلاغت برق اورر

صفوت افکارمه برهان دکلی سوزلرم
باغ دلده سلسبیل شاعریت برق اورر

برغزل انشاد قیل ای شاعر روشن کهر
غیری دلخواه کجه الهام طبیعت برق اورر

«طور دلده شهر جبریل حکمت برق اورر
باق جهانہ نور جوال حقیقت برق اورر

جلوه کردر عارفه هر یرده دیدار خدا
مسجد و بتخانه ده مصباح وحدت برق اورر

بر زمان رندان دھڑ کوکلنہ کیرمز نفاق
بزم میدہ جام زرین محبت برق اورر


ایلمز اہل بصیرت مسلك حقن عدول
ھر جھٹدن شعلہ نجم ہدایت برق اورر

شاعرك درحمتلہ مرصعدر دلی
سینہ سندنہ کوھر فكر صداقت برق اورر»

پادشاهم شاد قیل لطفكلہ وصفی بندہ کی
ھر زمان کوکلندنہ امید عنایت برق اورر

آفتاب طلعتك قیلسون منور عالمی
تا کہ موجوداتندہ نور مشیت برق اورر

عرشہ چقدقجہ دعای ازدیاد دولتك
جانب حقن همان حکم اجابت برق اورر



— ❧ عرض شکران ❧ —

مکتب نواب کبی اہمیتی فوق العادہ سی
اولان بردار الکمالہ انشا معلمی بولنمقلغم عاجز۔
لری ایچون بر شرفدرکہ بونک کوکامدہ جلوہ کر
اولان حسیات مفتخرانہ سی: «جناب احکم الحاکم
کمین سایۂ تعالیٰ وایۂ شاہانہ دہ مقام معالیٰ فتوایہ
رونق انداز اولان ذات محاسن صفاتی کمال اجلال
ایلہ کامین بیورسون» درود مسعودیلہ اعلا ایدرم۔
زیرا بو شرفہ سایۂ حضرت مشیختیناھیدہ
مظہر اولدیفمدن روز و شب ادعیۂ خیریہ لریلہ
تزین لسان مصادقت وجیبۂ ذمت عبودیتدر:

روز و شب حکمتسرای عالمه
لمعه پاش اولدقجه خورشید و قمر
صدر عزتده خداوند جهان
ایلسون مفتی الانامی کامور




— ❧ افاده مخصوصه ❧ —

بوسنه مکتب نو ابده طلبه یه عاجزانه استکتاب
ایتدیکم مسوداتک — هر نه قدر دکرلری یوقسه ده —
مومالیه مدن بعضاری طبع و نشرینی التماس ایتدیلر.
التماس واقع آرزوی کترانه مه ده موافق
دوشدیکندن مسودات مذکورده نك ساحه انتشاره
وضعی خصوصنه دکر سز لکاری مانع اوله مدی .
بونارک بعد الاصلاح طبع و نشری وارد خاطر
اولدیه ده هیچ بریسنه قلم طوقندیر میوب اولدقلری

کبی بیرا قدم . زیرا حین مطالعه ده دکر سز لکاری
برقات دها توضیح ایدرسه بیرتوب آتمق لازم
کله جک !

بوکا ایسه بر درلو کوکلم راضی اوله میه جفندن
همان الده ایدیلن مسوداتک الوامع نای آتنده
طبع ونشرینه قرار ویردم . وما توفیق الا بالله .

شیخ وصفی



فضیلتو اقدام حضرتلری

الطاف علیه حضرت ولی النعمی جملة جمیله سندن
اوله رق عهده استیبال فاضلانهرینه مرکز نیابت شرعیه
سنگ تفویض بیورلدیغی خبر مسرت آوری سامعه پیرای
کمتری اولدقده لندن کلدیکی قدر شریعت غرایه خدمت
ایتمکه چالیشانلرک ایکی عالمده حامیسی ینه شریعت غرا
اوله جغی محقق بولندیغی ملاحظه ایله بر عارف معروفک
آثار بر کزیده سندن اولان:

« هرکیم که او شرعه خدمت ایلر »

« دارینده کسب حرمت ایلر »

نشیده دیندارانه سنی زیور زبان اخلاص ایلدم.

ذات فضائل سمالترینک بین الافاضل مسلم اولان
اهلیت نادره واستقامت فاخره لری ایلریده بویله نیجه قیمت
شناسانه التفاتلره نائلیتله بتون بتون حائز مرتبه امتیاز
وامائل یننده بر قاق قات دهها سرفراز اوله جققلرینی

تأمین ایتکده اولسی ایسه آریجه صفا بخش درون
اولمقده در .

همان جناب رب العالمین خلیفه روی زمین امیر-
المؤمنین پادشاهمزد افندمز حضرتلرینی پک چوق زمان
تخت عالی بخت عثمانیده مکین وذات سامیلری کبی لیاقت
کامله اصحابی سایه شاهانه لرنده دمامد مظهر حسن نظر
ولی النعمی ایدرک کامبین بیورسون دعای واجب الا-
داسنه تردیفاً ایفای رسم تبریکه جرأت وتوجهات عالیله
لرینک حق عاجزانه مده بقا وتزایدینی استدعایه مبادرت
ایلرم .



— ۲ —

فضیلتلو افندم حضرتلری
علوم عالیله وآیه ایلله تزیین ذات وصفات ایدن
علمای ذی شانک وباخصوص احکام جلیله شرعییه
اجرایه واسطه اولان نواب فضائل نشانک سایه شاهانه مده
دائماً توجهات مخصوصه حضرت ولی النعمییه مظهریتله
کامران اوله کلدکلرینه افندمز کبی کالات علمیه لری مسلم

افاضل اولان بر ذات صاحب فضائله مرکز نیابت
شرعیه سنک احاله بیورلمسی بر برهاندرد .
بو توجیه وجیهک پیام مسرت اثری واصل کوش
کمتری اولور اولماز :

ایدنلر مسلکنده استقامت
اولورلر مظهر لطف عالی
ایدرلر دمبدم بین الامائل
جهانده فیض باریله تعالی

قطعه سنی زیور لسان صادق البیان ایلدم .
جناب آفریدکار آسمان وزمین نائب مناب فخر-
المرسلین پادشاهمز افدمز حضرتلرینی حشره قدر سریر-
آرای خلافت وباجمله ارباب صداقت ولیاقتی الطاف جلیله
شهریاریلرینه نائلیتله وایه مند سعادت بیورسون دعای
واجب الاداسنه تردیفاً ایفای رسم تبریکه اجتناسار وحسن
نظر فاضلانله لرینک حق داعیانهمده دوام وتزایدینی
استدعایه ابتدار ایلرم .

— ۳ —

معروض داعی دیرینه لیدرکه

الطاف مخصوصه حضرت مشیختن اهلیری جمله
 جلیله سندن اوله رق امور شرعیه سنک فصل وحسمی
 عهدہ عاجزانہ من غیر استحقاق تفویض بیوریان
 فلان قضایہ فی ۱۵ جمادی الاولی سنہ ۳۰۷ تاریخیه
 واصل اولوب مصالح اہالی بی برہنج شرع شریف
 رؤیتہ مباشرت و شہریار مراحم کردار تاجدار والاتباز
 سوکیلی پادشاہمز افندمز حضرتلرینک استجلاب دعوات
 خیرہ لرینہ مبادرت ایتدیکمی خاندای کالات احتوای
 دولترلینہ عرضہ مسارعت و بووسیہ ایله داعی دیرینہ لری
 ایچون ناقابل شکران بر نعمت بی امتنان اولان توجہات
 فیض غایات فتو اپناہیلرینک حق کمترا نہ مدہ حسن دوامی
 استدعاہہ مجاسرت ایلرم.

— ۴ —

معروض داعی دیرینہ لیدرکہ

نیابت شرعیہ سی مودوع عهدہ کمترا نہم اولان فلان

قضایه فی ۲۲ جمادی الآخره سنه ۳۰۷ تاریخیه مواصلت
 ومستعیناً بالله مصالح عبادى شریعت غرایه توفیقاً فصل
 وحسمه مباشرت ایتدیکمی خالکپای عدالت پیرای مفتی-
 الانامیلرینه عرض و انبا وتوجهات فیض غایات حضرت
 ولی النعمیلرینک حق نامستحق عاجزانهمده بقا وتزایدینی
 الطاف مخصوصه بنده پروریلرینه اعتماداً استدعا ایلرم-
 هر حالده امر وفرمان حضرت ولی الامرکدر.

۔

— ۵ —

معروض داعی دیرینه لریدرکه

صیت فضیلتی سامعه پیرای جهان اولان افدمز کبی
 برنحریر بی اقرانک عهدۀ ایستیهالریینه مشیخت اسلامیه نک
 تودیی خبری واصل کوش کتری اولنجه باب فتوايه
 ذات نادر الصفات فاضلانله لری کبی حلیۀ استقامتله ممتاز
 بر وجود صداقت نمودک رونق بخش اولملری بالجمله
 داعیان دولت کبی بوداعی دیرینه لرینکده صورت فوق-
 العاده مسروریتی موجب اولدی.

همان جناب رب العالمین امام المسلمین خلیفۀ عدالت

آیین پادشاهمز افندمن حضرتلرینی الی آخر الایام کمال
عزتله تخت دولتده مکین و سایهٔ مراحم وایهٔ شاهانه لرنده
ذات ولی النعمیلرینی خدمات مبروره ابرازینه موفقیتله
کامبین بیورسون دعای واجب الاداسنه تردیفاً ایفای
فریضهٔ تبریکه مسارعت وبو وسیلهٔ جمیله ایله حق عاجزا-
نهمده دائماً مبذول بیوره کلدکلی توجیحات فیض آیات
فتوایهیلرینک بقا و تزیادینی استدعا یه مبادرت ایلرم .

— ۶ —

معروض داعی دیرینه لردرکه

مشیخت اسلامیهنک الطاف جهان مطلق حضرت
پادشاهیدن اوله رق عهدهٔ استیباللرینه تودیعی خبر مسرت
پروری سامعه نواز احقری اولور اولماز :

ویردی شرف مشیخته بر ذات کیم بوکون
ایلر فضیلتیهله جهان خلقی افتخار

اول ذات بی نظیره ایدوب عرض اختصاص
ای خامه قیل فریضهٔ تبریکه ابتدار

قطعه سیله عرض عبودیته ابتدار ایلدم .

شهریار مراحم پرور و تاجدار مکارم کستر پادشاهمنز
افندمن حضرتلرینک دأما ارباب اهلیت و صداقتی مراتب
عالیه اصعاد و عواطف مخصوصه خسروانه لریله دلشاد
بیور مقده اولدقلرینه هر کون برر صورته عیون آرای
جهان اولان براهین جلیله دن بری ده افندمن کبی کالات
علمیلری مسلم افاضل اولان بر ذات مستجمع الفضائلک
شرفبخش باب قنوی اولملریدر .

جناب رب الارباب پادشاه معالی نصاب شهنشاه عالی-
جناب افندمن حضرتلرینی صباح حشره قدر کال عمر
واجلال ایله سریر سلطنتده دائم و ذات مفتی الانامیلرینی
ابراز حسن خدمته موفقیته مقام مشیخته قائم بیورسون
دعای مفروض الاداسنه تردیفاً حق کمترا نه مده حسن
نظر فیض اثر حضرت ولی النعمیلرینک از دیادینی کال
افتخار ایله استدعایه ابتدار ایلدم .



— V —

معروض داعی دیرینه لریدر که
ادراکیله مباهی بولسدیغمز بو عصر جلیل معارفه

بحق رونق بخش اولوب اجراآت شاهانه لریله بتون
دنیا بی عرض شکرانه مجبور ایدن آل عثمانک ممتازی
سوکیلی پادشاهمنز عبدالحمیدخان غازی افندمنز حضرتلری
امور معظمه حکومتی ید مؤید ملوکانه لرینه آلدق لری
کوندن بری دین و دولتک شانی اعلا و تبعه صادق لری
آب حیات احسان ایله اروا و ناقابل شکران عواطف
بی امتنان خسروانه لریله ارباب لیاقت قدرینی دوبالا بیور
مقدمه اولدق لری کبی بوکرده اهلیت باهره لری مسلم یار
واغیار واستقامت زاهره لری معلوم کبار و صغار اولان
افندمنز کبی برذات معارف سماء عهد استیالارینه مسند
مشیخت اسلامینک احاله سیله عموم داعیان دولتی
مستغرق دریای مسرت بیورمشلردر .

همان جناب یزدان بیچون قلوب زاکیه محمدیون نور
ایمان ایله مشحون اولدقجه اوپادشاه فاروقجاشی مقام معالی
خلافتده فرغانفرما وذات حضرت ولی النعیلرینی دائماً
مسند مشیخته دیانت نما بیورسون درود مسعودینه اردافاً
ایفای فریضه تبریکه مسرعت وحق عبیدانه مده حسن
نظر حضرت فتواپناهیلرینک بقاسنی استرحامه مبادرت
ایلرم .

— ۸ —

سماحتلو افندم حضرتلری

کوکلدہ کی طرف سامیء سمو حیلرینہ اختصاص تام — کہ
مقارن اخلاص بردوامدر — آره صیرہ تجدید انتسابی
ایجاب ایلمکده اولدیغندن کوزل کوزل وسیلہ لر بولدقہ
وجائبدن بیلدیکم بو وظیفہ نك ایفاسنه شتاب ایتمکدن کری
طوره مدیغم کبی بوکرده دخی:

«غرہ روزہ یی کوردم فلکک بامنده»

مضمونی اوزره رؤیت هلال رمضان ایله تنویر باصرہ
ابتهاج ایتدیکم می متعاقب قلب شعله مزاج بر شوق دیکرله
هم حالت سراج وهاج اولق جهتيله بوشهر شریف مسرت
ردیفک حق عالی سماحتناهیارنده قدر کیجه سی قدر متیمن
وکوکب اقباللرینک پرتو عالمکیر شریعت غر ایله یوما فیوما
روشن اولسی دعاسنی خالصانه یاد وبووجه ایله فؤاد
صفوت معتادی برقات دها شاد ایلدم .

حضرت خالق الایام والشهور سایه هایون جناب
ملوکانده بویله نیجه مبارک کونلرک ادراکیله افندمزی
قرین سرور نامحصور بیورسون .

استانبولدن آلمقده اولدیغم تبشیراته نظر آ حلول عید
 سعیددن مقدم منزلت عالیہ خداوندیلری برقات دهااعلا
 بیوریلہ جنی کمال مسرتلہ آ کلاشلہ مقده اولدیغدن آنجق
 باب معالی مابلرینہ منسویتلہ مفتخر بولسان داعی
 کینہلرینک اوتہدن بری محفوظم اولان امید قوینک
 بالطبع اعتلا ایتکده اولدیغنی شمدیلک ختمہ کلام اولمق
 اوزره عرض و بیانہ جرأت ایلرم .

— ۹ —

معروض داعی دیرینہ لریدرک

مسند جلیل مشیختک الطاف مخصوصہ حضرت
 پادشاهیدن اولہرق افندمن کی جلائل فضائل ایله ممتاز
 بر علامہ بی انبازک عہدہ استیالترینہ تودیع بیورلیدی
 کمال فخر و مسار ایله استخبار اولندقدہ کوکمدہ لمعہ نثار
 اولمغہ باشلایان نور سرور داعی دیرینہ لریخی قطعہ آتیہ
 ایله ادای فریضہ تبریکہ مجبور ایلدی :

مفتی الانام اولنجہ اول فضل یکانہ

کلدی جہانیانہ شوق جدید الحق

بو مصرعی او قورلر بالمله اهل دانش
جاه جلیل فتوی ذاتیه بولدی رونق

نصل مجبور اولیدیم که ذات نادر الصفات نحریرانه لری
کبی شرف بخش مرتبه کمال اولان بر فاضل بی همالک مقام
فتوایه سایه انداز اجلال اولملری عموم داعیان دولت
ایچون مستلزم شکران عظیم بر لطف جلیل رب کریمدره
همان جناب حکیم مطلق پادشاه اشفق خلیفه بالحق
ولی نعمت بی منتز افندمن حضرتلرینی مقام مقدس
خلافتده کمال عافیت واجلال ایله دائم وذات ولی النعمیلرینی
سایه فیض وایه ملوکانه لرندده آمال عالیه خسروانه لرینه
موافق خدمات جلیلهیه موفقیتله شریعت غرای احمدیه
خادم بیورسون دعای مفروض الاداسنه تردیفاً حق
عبیدانه مده توجهات شرف غایات فتواینها لیرینک دوام
از دیادینی استرحام ایلرم .

۰۰

— ۱۰ —

معروض داعی دیرینه لریدرکه

دائماً مابه الافتخارم اولان حسن نظر فیض اثر

جناب ولی النعمیلرینک ادای شکرانیله تزیین لسان صادق-
 البیان ایتمکده اولدیغم کبی وسائل جمیله دوشدکجه ده عتبه
 دولترینه عرض عبودیته شتایی وهر حالده تجدید انتسابی
 بروظیفه مقدسه بیلدیکم جهته هلال رمضان مصادف نظر
 عبدنا توان اولور اولماز، شهریار مرحمت شعار وتاجدار
 معدلت کردار افندمن حضرتدلرینک دعای دوام سلطنت
 خسروانه لرینه تردیفاً بقای عمر و اقبال فتو پناهیلری
 نیازی رفع بارگاه احدیت ایلدیکسک عرض و بیانی
 تأیید رشته رقیته بر ذریعه حسنه اتخاذ ایدرک تبریک
 ماه صیام مفخرت انجامه اجتناسار وحق کترانه مده رایکان
 بیوریلان الطاف مخصوصه دولترینک بقا و تریادی
 استرحامنه ابتدار ایلرم .

— ۱۱ —

معروض داعی دیرینه لریدرکه

آستان دولترینه عرض عبودیته وسیله جوی ایکن
 انفلاق صباح عید عیون آرای اهل توحید اولنجه کمال
 شوقدن مداومی بولندیغم دعای دوام عمر و اقبال

مشيخپناهيلريني آواز بلند ايله تکرار ايلدم .
 نصل تکرار ايتيم که هيچ بر دگرم يوق ايکن همت
 جهان قيمت بنده پروريلريله غبطه بخشاي امانل اولان
 بر موقعده بولنيوزم .

وظائف مقدسه دن اولان عرض عبوديته بويله
 بروسيلاه مسعوده نك مشرق آراي ظهور اولسي
 عاجزلريني مستغرق نور سرور ايلدي .

بناءً عليه مراسم شكر گذارينك اك كوزلرندن اولان
 ايفاي فريضه رسم تبريکه مسارعت و جناب حق دن بويله
 نيجه نيجه ايام مبارکيه ادراك بيورملري نيازينه مبادرت
 ايتديکمك عرض و بيانيله خاك پای مکارم احتواي مفتي -
 الاناميلرينه ناصيه ساي اخلاص اوله رقيقانه مدار افتخارم
 اولان توجهات حضرت ولي النعميلرينك بقاسني استرحام
 ايلرم .

۰۰

— ۱۲ —

ولي نعمتم افندم !

امتحانلر من رجب شريفك يکرمي بشنجي کوني

ختم بولدی . بوسنه امتحانده ایراد اولنان اسئلهیه موافق جوابلر ویره رک صنفک برنجیسی اولدیغمی تبشیر ایدرم . بوايسه يالکز سعيمك ثمره سی اولیوب دعای خیرکزك آثار جلیله سندن بولندیغنده ذره قدر شبهه اتمم .

ارباب سعی وغیرت هر زمان بین الاقران کسب فیض و رفعت ایدر . سعی وغیره همت پدرانده منظم اولورسه بر موقع عالییه اعتلا اولنه جفی شبهه دن وارستدر .

ان شاء الله کله جک سنه خروج امتحانده (ثالثه) یی قازانمق اوزره چالیشه جغم . دعا کز برکاتیه موفق ده اوله جغمی امید ایدیورم .

مساعده بیورسد کز استانبولک رمضانی کورمک اوزره بوسنه درسعادته قالمق آرزوسنده بولنیورم . یوکا جسارتم حق کمترا نه مده مبذول بیوره کلدی ککز مساعده پدرانده کزه استناد منددر .

هر حالده محتاجی بولندیغم حسن نظرکزك دوام تزیادینی استرحام ایلرم . باقی

— ۱۳ —

سماحتلو افندم حضرتلری

افندمز کی انسانیت کلمه مقدسه سنده مندیج اولان
مزیات عالیله ممتاز بر ذات بی انبازک حمایه سمو حیلرنده
بولندیغمندن طولایی نه قدر افتخار ایتسه هم آزدرد.

خاک پای جبهه پیرای منعمانه لرینه اولان انتساب
عبیدانه مک آثار عالیه سندن متحصل اشواق خالصانه نک
استیلای فیض بخشاشی آلتنده بولنان بر وجدان خالص -
البنیان ایلله هر بار ادعیه خیریه لرینی تکرار ایتمکده ایکن
صبح سعادت شو ال افق شادیدن عرض جمال ایدنجه
خاصه مقدسه صیام ایلله پاک بر قلب تابناک ایلله ذات کرم -
کستریلرینک تمادی عافیت و اقباللری دعاسنی همان رفع
بارگاه احدیت و بوضو رتله تزین لسان عبودیت ایلدیکمی
حضور فیض نشور ولی نعمتیلرینه عرضه مسارعت و بونی
تأیید رشته رقیته بر ذریعه حسنه اتخاذ ایدم رک:

«عیدست دارد هر کسی عزم تماشای دکر»

«مارا نباشد غیر تو درد دل تمنای دکر»

منطوقنجه حق كمترا نه مددكي حسن توجه ساميلرينك
بقاسی استرحامنه مبادرت ايلرم.

۰۰

— ۱۴ —

معروض داعی دیرینه لریدرکه

باب دولتساب حضرت ولی النعمیلرینه اولان اتساب
عیدانه ملک مقتضیاتندن اوله رق آستان کرم کستریلرینه
کمال اخلاص ایله عرض اختصاصه مسارعت و بو وسیله
مستحسنه ایله مترتب ذمت عبودیتیم اولان وظیفه شکر
گذارییه مبادرت ایتک ایچون وسائل جمیلده جاز چشم
ایله نکران ایکن شرف حلول سال جدید شوق بخش
قلوب اهل توحید اولنجه:

کونلرک آیلر قدر افزون اولوب

آیلرک ییللر قدر اولسون فزون

بویله بیک سال نوه ادراک ایدوب

سور صفا دولته سن ای ذوفنون

قطعه سی پیرایش لسان داعیانهم اولدی.

همان مداومی بولندیغ دعای حضرت پادشاهی به تردیفاً
ادعیه خیریّه جناب فتوانهایلرینی تکرار ایله:

«آیاغک طوپراغن کرکوهر مقصود بیلمزسه م»

«بو دریای حوادثه وجودم نابید اولسون»

بیتی منطوقنجه خالک پای جبهه پیرای مفتی الانامیلرینه
عرض عبودیتله ایفای فریفته تبریکه اجتسار و :

«گاه کاهی گوشه چشمکه قیلمازسه ک نظر»

«باقی بی چاره نک احوالی دیگر کون اولور»

بیتنی کویا اوله رق مدار افتخارم اولان حسن نظر فیض-
اثر مشیختنهایلرینک حق داعیانهمده مبذول بیورلمسی
تمنیات مخصوصه سیله ختم کفتار ایلم .



— ۱۵ —

سماحتلو افندم حضرتلری

من غیرحد نائی بولندیغ قضانک آب وهواسی غایت فنا
اولمغله کلدیکم کوندن بری خسته لکدن باش آله مدیغم کبی
اهالیسنک ایلری کلنلری ده ایقاع فسادی کندیلرینه

اكانجه اتخا ايدەكلدكلرندن بونلرك احوال غير مرضيه.
لرندن متحصل اضطرابات وجدانيه خستهلكمى تشديد
ايدىيور .

مملكتك آب و هواسنه وجودم متحمل اولمش اوليدى
بو يادكارلرى سايه شريعت احمديه ده اصلاحه چاليشيردم .
نه چاره كه وجودم متحمل دكل .

بناءً عليه استغفايه مجبور اولدم . استغفاى داعيانه م
مقام معلاى مشيختدن قبول بيوريلورسه متشكر اولورم .
بر لطف عاجز نوازانه اولمق وبورادن نقل ايدملك
اوزره مناسب بر قضا نيابتى ايله قايريله جق اولورسه م
عبدكمتلرى عائله بندكانه مله برابر يكدن احيا بيورلمش
اولورز .

جناب خالق بى انباز سايه تعالى وايه مفتى الاناميده
ذات سموحيلرينى كال عمر واقبال ايله بين الامائل ممتاز
بيورسون دعاسيله ختم كلام وحق عبيدانه مده مبذول
بيوريان همم كرمكاريلرينه بر الاحقه فائقه اولمق اوزره
مسئول داعيانه مك اسعافى خصوصنه صرف همت بيور .
ملرينى استدعا ايله حسن توجه منعمانه لرينك دوام
وتزايديني استرحام ايلرم .

— ۱۶ —

سماحتلو افندم حضرتلری

بو هفته پوسته سیاه ورود ایدن طریق غزته سنک
توجیہات قسمندہ سینہ سموحیلری بر قطعہ کومش
امتیاز مدالیہ سیاه تزین بیورلمش اولدینی فقرہ شوق -
آوری مصادف نظر کتری اولنجہ کمال سرورمدن :

صدق ایله خدمت ایدنلر دولته بی اشتباه
شهریارک التفاتیلہ اولورلر سرفراز

عمر و اقبالک فزون اولسون شه عالمپناه
سینہ اخلاصک طاقدی نشان امتیاز

قطعہ سنی کویا اولدم .

افندمزک احسان پادشاه قدر دانه مظهریتلری عبد
عاجزلری کبی بتون داعیان دولتی شاد ایلدی .

همان جناب فیاض مطلق، خلیفہ موفق، امیر المؤمنین
ولی نعمت بی منتمز پادشاهمز افندمز حضرتلرینی دائماً
علوشان و اقباله قرین وذات سموحیلرینی سایہ احسان -
وایہ حضرت ملوکانه لرندہ کامبین بیورسون دعای واجب -

الاداسنه اردافاً ایفای فریضه رسم تبریکه آغاز و حق
کترانه مدده تنزلاً رایکان بیوریان التفات بنده نوازیارینک
بقا و ازدیادینی خال پای جبهه پیرای سامیلرندن کمال خلوص
قلب ایله نیاز ایلرم.



— ۱۷ —

معروض داعی دیرینه لریدرکه

نیابتی عهده کترانه مه تفویض بیوریان فلان قضایه
کلدیکم کوندن بری دعوات مفروضه خیریه لرینی استجابه
غیرت ایتکده ایسمده عائله بندگانم قضای مذکورک
آب و هواسیله امتزاج ایدمه دکلرندن کلبه عاجزانه بر
خسته خانه شکلی آلمشدرکه بی چاره لری ذهنی تشویش
ایتکده اولان بو حالی امور قضاده مغایر دخواه عالی
برحرکتمده بولمقلغمه سبب اولوردیه فوق العاده مضطرب
اولیورم.

بو اضطراب عاجز لرینی زیاده سیله بی تاب ایتکده
اولدیغندن عائله بندگانمک دوچار اولدقلری حال اسف
اشتماله نهایت ویرلمسی و کترلرینکده شو مضیق اضطرابدن

خلاص ایدلکلکم تبدیله مکانه وابسته بولندیجی جهته
 فلان قضا نا بی فلان افندی داعیلری مراجعت مستمدانه مه
 موافقه بجایش قضایه راضی اولدیغدن افندی مومالیه
 داعیلری ایله اجرای بجایشمز خصوصنه مساعدۀ
 دولترینک ارزان بیورلمسنى مرحمت مسلمۀ جناب فتوا-
 بناعیلرینه صیغنه رق استرحام ودائما آرایش لسان داعیانهم
 اولان دعای دوام عافیت واجلاللریله ختم کلام ایلرم .

— ۱۸ —

معروض داعی دیرینه لیردرکه

موکول عهدۀ داعیانهم اولان امور قضایی حسن
 تسویه صرف مقدرت وبوصورتله استجلاب دعوات
 خیریه لرینه وقف غیرت ایدهرک سایۀ سہم پایۀ مفتی الانامیلرندہ
 شریعت مطہرہ بہ خدمتله امرار وقت وساعت ایتکدہ ایم .
 ہلہ صلوات مفروضہ عقبندہ مترتب ذمت عبودیتم
 اولان دعای تہمدی عافیت واجلاللرینی زیور زبان اخلاص
 وفرصت دوشوردکجہ بووظیفہ مقدسہ بہ تردیفاً خالک پای
 ناصیہ پیرای دولترینہ عرض اختصاص ایدہ کلدیکم کبی

بوکرده مربوطاً تقدیم پیشکاد دقیقاً کتاه فتواپناهیاری
 قیلان ضبط ورقه‌سندده کی دعوائی فصل وحسمه صالح
 کتب فقهیه ده برنقل واضح بولدمدیقم جهته حاندن عاجز
 اولدیقم دعوائی مباحوث عنایات ایضاح بیورلمسی استرحامی
 تأیید اتسابه بروسیله اتخاذ ایدرنک ملتجای کبار وصغار
 اولان ذات فضائل سمت مشکلی براندازانه لایینه مراجعت
 وبوبابده کی استرحام کترانده مک استعافی خصوصنی استدعایه
 جرأتله برابر حق داعیانه مده حسن توجه حضرت
 ولی السعیدلرینک کما کان مبدول بیورلمسی تمیینه محاسرت
 ایلرم. هر حالده امر وفرمان حضرت ولی الامر کدر.

— ۱۹ —

معروض داعی دیرینه لریدرکه

نیابتی عهدۀ کترانده تقویض بیوریان فلان قضایه
 کلدیکم کوندن بری سلف بندکانده فلان قندی داعیدرینک
 حرکات کاهلانده سی تیجه سی اولدیرق ییغیلوب قلمش اولان
 ایشلرک حسن تسویه سنه غیرت وهر حالده مغایر دلخواه
 عالی حرکات غیر مشروعدن مجانبته سایه عدالت وایه

مشیخپناهیلرنده استجلاب دعوات حضرت پادشاهی به
صرف قدرت ایتکدهیم.

نائب عنوان محترمی آلتنده بولنانلرک موقعاً هر درلو
شوائب مادیه و معنویه دن متجانب اولملری لازم کلیرکن
سلف داعیانهم بو لزومی تقدیر ایدمه دیکی جهتله مصالح
عبادی رؤیتده کاهلانه طاوراندیغی شیویه طورسون
ایتام صندوقندن اختلاس ایلدیکی یکریمی بیک غروش،
جیب ارتکابنده قالمش اولدیغندن مبلغ مذکورک افندی
موما الیه دن استرداد ایدلمسی خصوصنه مساعدۀ اصابت-
عاده مفتی الانامیلرینک ارزان بیورلمسنی استرحام
ویکانه باعث فیض و افتخارم اولان پرتو حسن نظر
کرامت اثر ولی النعمیلرینک هامۀ عاجزانه تمادی انعطافی
کمال افتقار ایله نیاز ایدرک روز و شب آرایش لسان
داعیانهم اولان :

باب احسانک ایا مرجع کل

ملتجای ضعفادر الحق

یاشا عالمده سعادتله یاشا

عمر و اقبالکی افزون ایدمحق

قطعه سیاه ختم کلام ایلرم . هر حالده امر و فرمان حضرت
من له الامر کدر .

۲۰

— ۲۰ —

سماحتلو افندم حضرتلری

فی ۱۵ رجب سنه ۳۰۶ تاریخلی امرنامه سمو حیلری
واصل دست عاجزانهم و مال عالیسی معلوم داعیانهم
اولدی .

عاجزلرینک شمدییه قدر منهج استقامتدن سرمو
انحراف ایتدیکم من غیر حد نیابتنده بولندیف قضا
اهالی معتبره سی طرفلرندن حق نامستحق بندکانه مده
مقام مشیخت عظمایه تقدیم قیلان حسن حد مضبوطریله
ثابتدر .

اگرچه فلان افندی . فلان آغا ایله بیلرندک تگون
ایتمکده اولان دعوانک سورنجسده بیر اقلیدیفنی باتلغراف
خاله پای عدالت پیرای حضرت ولی النعمییه بیلدرمش
ایسده سائر ایشلرده اولدیفنی کبی سلف داعیانهمک
زمانندن منتقل دعوای مذکورده دخی ذره قدر تکاسل

اولمديغنه و افندی موما اليهك بويله بر شکایتده بولمسی
 مجرد ادعای واهیسنی قازانمق فکر فاسدیله نه یاپه جغنی
 شاشیردیغندن ایلری کلدیکنه بتون اهالی قضا شاهددر.
 امرنامه سامیلری پیرایش هاهمه تکریم اولمازدن ایکی
 کون اول دعوی مذکوره نظر تدقیقیدن کچیریلوب
 بر موجب شرع شریف فصل و حسم اولندیغنی عرضه
 مبادرت و حسن نظر فیض اثر منعمانه لرینک بقاسنی
 استدعایه جرأت ایلرم. هر حالده امر و فرمان افندمر
 حضرتلرینکدر.



— ۲۱ —

معروض داعی دیرینه لریدرکه

پازده خول اولان بالجمله در ماندکانک و باخصوص
 داعی کمتلری کبی عجزه بندکانک مرحمت عالم پسندانلرندن
 بشقه بر التیجا کاهی اولمديغندن صیقیلدجه خالک پای عیون-
 آرای شیخ الاسلامیلرینه ناصیه سایی عبودیت اوله رق-
 عرض حاله شتابان وهمان احسان کونا کون دولترینه
 مظهریتله کامران اوله کلک لری مشهود باصره عالمیاند.

بناءً علیه مستغرق اولدیغم دیون بی شمار، ذات ستوده-
 صفات ولی النعمیلرینی تصدیعه اجبار ایتمکله انقضاسنه
 اوچ ماه قالمش اولان مدت نیابت ناچیزانه مک تمیدی
 خصوصنه مساعده جلیله مشیختپناهیلرینک بی دریغ
 بیورلمسنى کمال افتقار ایله استدعا وهر حالدہ تشکرندن
 عاجز اولدیغم الطاف متوالیه فتوایناهیلرینه بر ضمیمه
 مستحسنه اولمق اوزره مسئول عاجزانه مک اسعاف
 بیورلمسنى نخبه آمال داعیانهم اولان بقای انظار محاسن-
 دثار کره کاریلری نیازینه تردیفاً تمنا ایلرم. هر حالدہ
 امرو فرمان حضرت ولی الامر کدر.

— ۲۲ —

معروض داعی دیریندلیدرکه

پایمال طالع وارون اولان بی چارکانه مرحمت مسلمهلری
 مفتوح الباب برملجایکانه اولدیغی مسلم اناهم بر قضیه
 مالا کلامدر.

هله خالزپای جبهه پیرای ولی النعمیلرینه اختصاصلری
 وباخصوص داعی کمتلری کبی چراغ خاصلری اولان

بندکان صداقت نشانك باشلری صیقیدقجه دارالامان
 دولترلینه التجایه شتاب وهمان صحابت فتواینهایلرینه
 نائلیتله دفع اضطراب ایده کلدکلری معلوم شیخ وشابدزم
 بناءً علیه صراف نابکاره اولان دیون بی شمار عبد
 احقرلرینی هر صورته یزار وهر نه قدر ذات ستوده صفات
 مشیختپناهیلرینی تصدیع ایتکی وجهاً من الوجوه جائز
 کورمز سمدده آستان سهاحتلرینه عرض حاله اجبار
 ایتکده اولایغندن شیمه کریمه عجزه پروریلرینه صیغینه رق
 انقضاسنه بر قاق ماه قالمش اولان مدت نیابت عاجزانه مک
 تمیدی خصوصنی استدعايه مسارعت و حال فحرت اشتماله
 مرحمةً مسئؤل داعیانهمک اسعافی استرحامنه مجاسرت
 ایلرم. هر حالده امر وفرمان حضرت ولی الامر کدرم.

۰۰

— ۲۳ —

معروض داعی دیرینه لریدرکه

کالات باهره لری مغبوط یار و اغیار اولان اصحاب
 حصافت، حل اشکال ایچون ذات معالی سمات مشکل-
 براندازانه لرینه مراجعتله مشکات فضیلتلرندن اقتباس

نور معرفت اید کلدکلی حالد عاجزلی کبی بی وایکانک
مشکلاته تصادف ایتدجک آستان فتواپناهیلرینه استکنه
مسئله ضمنتده ناصیه سای استرحام اوله جقلری طبعیدر.
بناءً علیه صورتی مربوطاً خلایای عدالت احتوای
شیخ الاسلامیلرینه تقدیم قیلنن ضبط ورقه سنده کی
دعوانک کتب فقهیه ده فصل وحسمنه یاردم ایدر برنقل
مناسب بوله مدینه کبی مفتی افندی داعیلری ده دعوای
مبحوث عنهاده مدعی علیه حاجی اوغلی رمضان آغایه
آچیقدن آچیفه طرفدارلق ایتکده اولدیغدن مقام
معلا می شیختدن بوبابده استفتایه مجبور اولدم.

دعوای مبحوث عنهانک حل بیورلمسی ایچون لازم
کلنلره امر ویریلدرنک جوابنک سرعت اشعاری خصوصنه
مساعده جلیله شیختپناهیلرینک رایکان بیورلمسی
استرحامنه اجتناسار و هر حالد مدار فیضم اولان انظار
محاسن آثار حضرت ولی النعمیلرینک کماکان حق کترانه مده
دوام ابدالی نیازینه ایتدار ایلرم. اول بابده امر و فرمان
حضرت ولی الامر کدر.

— ٢٤ —

معروض داعی دیرینه لریدرکه

باعث حسن توجه نحریرانه لری اوله جق بر مزیم
و آستان فلک بنیان دولترینه خصوصیتیم یوق ایکن ایکی
سنددن زیاده کوشه مذلتده پامال خیت اولوب قالمش
وهله زمان منکویتیمک ایام اخیره سندده بقال، قصاب
دینلن انصافسزلرک هجوم ناموس شکنانه لریله بوکالمش
اولدیم مسموع عالی کر مکاریلری اولنجه عهدده کترانه مه
معدن قضاسی نیابتی احسان ایله گرفتار اولدیم قید
ضرورتدن آزاد و جوهر التفات عجزه پروریلریله دل
غمیدده می مسرت آباد بیورملری ناقابل شکران بر لطف
فیض اقتراندر.

بناءً علیه الکریمی وظیفدم باعث فیضم اولان بو
لطف بی هال مشیختپناهیلرینی عمرم اولدقجه اونو تمیوب
مقام عبودیتده ثبات و بین الاقران تمیزمه بر برات سعادت
عنوان اولان التفات کرامت غایات فتواپناهیلریله مباحات
ایتمکدر.

جناب ذوالجلال ذات خجسته صفات شیخ الاسلام

میلرینی مقام مشیخته کمال عاقبتله سایه انداز اجلال
 بیورسون درود مسعودینه تردیفاً محل مأموریت کترانه م
 اولان قضای مذکوره فی ۷ شعبان سنه ۳۰۶ تاریخیه
 مواصلت وبحول الله تعالی مصالح عبادی رؤیته مباشرت
 ایلدیکمی خاک پای فیض بخشای ولی النعمیلرینه عرض
 و انبا و حق عیدانه مده تمادی انظار شفقت آثار بنده
 نوازانلرینی تمنا ایلرم.

— ۲۶ —

معروض داعی دیرینه لریدرکه

خاک پای افخمیلرینه وضع جبین عبودیت ایتدیکم
 کوندن بری ذات خجسته صفات ولی النعمیلرندن کور -
 دیکم الطاف فیض اتصاف فتواپناهیلرینک تشکرات
 لازمه سنی احسن وجودایله ادادن عجزم بدیداردر. فقط
 لسانم روز و شب ادعیه خیریه لریله سبحه شماردر.
 افندمز کبی افتخار افضل بر وجود ذی فضائلک
 سایه تعالی وایه مفتی الانامیلرنده بولمق پک بیوک دولتدر.
 چونکه باعث فیض و رفعتدر.

مسلم یار و اغیار اولان مرحمت دولترلی بی چارکان
ایچون نامتاهیدر، حمایه مشیختنهایرنده بولتمقله دل
و جانم مباهیدر.

باب دولتمآب شیخ الاسلامیلری هر حالده جای
پناهیدر، یکانه امیدکاهیدر.

بناءً علیه دوچار اولدیغم حال فحرت اشتماله مرحمه
انقضاسنه ایکی بحق ماه قالمش اولان مدت نیابت کترانه مک
تمدیدنی خصوصنی استدعایه مسارعت و مسئول عاجزانه مک
اسعاف بیورلمسنی استرحام ایله مدار مباحاتم اولان
توجهات مراحم غایات بنده پروریلرینک حق عیدانه مدد
بقا و ازدیادی نیازینه مبادرت ایلرم .

° °

— ۲۶ —

معروض داعی دیرینه لریدرکه

مقام مشیخت، ذات محاسن صفات نحریرانه لریله
شرفیاب اوله لی بنده دیرینه لری کبی بتون خدمه شریعت
سایه تعالی وایه مفتی الانامیلرنده اقتدارلری نسبتنده

کسب فیض و رفعت و دائماً الطاف ولی التعمیلارینه مظهریتیه
مسروراً امرار وقت وساعت ایتکده درلر .

کبار وصغار بونک حق تشکرینی لایقیه ادادن عاجز
اولوب فقط حضرت حکیم بیچون افندمزی الی آخر-
الایام مسند فتواده کمال عافیتیه صلابتمون بیورسون
دعاسنه مواظبتیه دمکذار و عاجزلری دخی پیرایه لسانه
اولان :

حضرت مفتی الانامی حشرده دیک

ایله یارب صدر دولته مکین

ذاتی اکداردن حفظ ایلوب

قیل کمال عافیتیه کامبین

قطعه سیله سبجه شمار لیل ونهار ایکن جناب دولتمآب
شیخ الاسلامیلرینک کیفسز لکلیری خبر تاسف اثری
واصل صماخ احقری اولنجه دوچار آلام وهمان اعاده
عافیتلری ایچون درگاه قاضی الحاجاته دست کشای استرحام
اولدم .

هله برقاق کوندن صکره کالیه اعاده عافیت والتفات

مخصوص پادشاهییه نائلیتیه برقات دهاکسب علو حیثیت

بیوردقلری مژدهٔ مسرت کستری ابتهاج بخش دل کتری
اولغله سجدهٔ شکرانه وضع جبین و فرط شوقدن
اجرای شهر آیین ایلدم .

جناب پروردکار آفتاب شریعت محمدیه مفارق امتده
شعشعه بار اولدقده وجود پرسود دولترلینی استقام صوریه
ومعنویه دن مصون وسینهٔ بی کیندلرینی انوار نور سرور
ایله مشحون بیورسون درودینی تکرار و :

« ای از تو بلند قدر کاشانهٔ ما »

« آباد بدولت تو ویرانهٔ ما »

« از سایهٔ دولت کنون می خواهم »

« هم سایهٔ آسمان شود خانهٔ ما »

ترانه سیله حق عیدانه مده انعطاف انظار فیض مدار
کر مکاریلرینک ازدیاد ابدالی نیازینه اجتسار ایلرم .

— ۲۷ —

سماحتلو افندم حضرتلری

روز و شب مترتب ذمت عبودیتم اولان دعای دوام

وازدیاد عمر و اقبال دینی ادا ایله مفتخر و تجدید انتساب
 ایچون چوقدن بری بر ذریعه حسنه ظهورینه کمال تهالکله
 منتظر اولدیغ حالده جلائل عوطف حضرت پادشاهیدن
 اولدوق عهده استیمال نحریر اندلرینه روم ایلی پایه سی
 احسان بیورلدیغی پیام نشاط آوری انبساط بخش صماخ
 مکتبی اولنجه کاشانه قلم انوار ابتهاج ایله طولدی . فرط
 شوقدن :

خامدم ایده من مرتبه فضلکی تقدیر
 محسود افاضلسین ایا فخر کمالات
 فضلك یتشیر قدریکی اعلایه جهانده
 هر رتبه ایدر ذات شریفکله مباحات
 قطعه سی زیور لسانم اولدی .

یقینده حسرة العلما اولان مقام معلا ی فتوا یه سایده
 انداز شرف اولدقلرینی کوردورکینه بویله تأیید رشته
 عبودیتیه موفق اولمقلغمی جناب فیاض مطلقدن تمنی ایله :

«بی لطف تو من قرار نتوانم کرد»
 «احسان ترا شمار نتوانم کرد»

« کر برتن من زبان شود هر مویی »
« يك شكر تو از هزار نتوانم کرد »

رباعیسی منظوم قنچه‌ادای تشکر نندن عاجز اولدیغم وهر حالده
محتاجی بولندیغم حسن نظر فیض اثر سمو حیلرینک حق
کمترا نه‌مده بقا و ترایدیخی شیمه کریمه بنده پروریلرینه
استناداً نیاز ایلرم، خامه داعیانه می :

« بارگاه نه‌قبا ب آسمان طوردقچه طور »

بصراعیله دمساز ایلرم .

”

— ۲۸ —

افندمن !

فی ۱۱ ذی الحجه سنه ۳۰۷ تاریخلی و دادنامه برادره -
نه‌کز انمله پیرای عاجزانه‌م اولنجده سونینجمدن :

التفاتک خاطر ناشادمی شاد ایلدی

مصراعنی اوقویه‌رق رقصان اولمغه باشلادم .
بورایه کالیدیکسک بشنچی کونی التفاتنامه مخصوصکزه

دسترس اولمقلغم نه درجه لرده مسروریتمی موجب اولدیغنی
 لایقیله تصویر ایتک اقتدار خاهه مک قات قات فوقنده دره
 بونی رسمی بر التفاتنه دیه تلقی ایتیوب حتمده
 دائما اظهار بیورمقدمه اولدیغکز محبت خالصانه نک احکام
 جلیله سندن منبعث بر برات اخوت اولمق اوزره قبول
 ایدرک حرز جان ایله جکده ذره قدر شبهه بیورمیه
 جفکزی بیلدیکم ایچون بو بایده ایراد براهینه حاجت
 کورده مم .

سزدن مجبول اولدیغکز خصائل بر کزیده انسانیتکارانه
 جمله جمیله سندن اولدق کورمکده اولدیغ التفات دلو ازانه
 بنده کزی هر بار عرض شکرانه مجبور ایتکده اولدیغی
 حالد بو بایده واقع اولان قصوره مسامحه ایله نظر
 بیورلدیغنی کوردکه بختیارلغمک درجه سنی تقدیر
 ایدم میورم .

بوورقه جوابیده می شوائب اغراضدن پاک بروجدان
 تابناک محصولی اولمق اوزره قبول بیورمکزی رجا
 و بزم فلان افندییه سلامیزی تبلیغه تنزل بیورمکزی
 نیاز ایله :

« از ما سلام و از تو تغافل زحد گذشت »
 « کوی تغافلست جواب سلام ما »

دیدیر مامسنی افندیء مو مالا یهدن تمنا ایلرم. باقی اخوت .



— ۲۹ —

سماحتلو افندم حضرتلری

جهانی اجرا آت مستحسنه لر یله حیرتده بیراقان شهر یاز
 دیندار تاجدار معالی کردار افندمز حضرتلری فلان
 افدینک وقوع وفاتنه مبنی منحل اولان فتوی امینلکی
 مسند منیفک بین الافاضل جلائل فضائل ایله ممتاز
 بر فقیه بی انبازه احالہ سی لزومنی تقدیر ایله جناب فقاہت-
 مآب سمو حیلری کبی آفتاب اشتہار بر نحریر حکم-
 مشوارک عہدہ استیہال لرینہ امانت مشار الیہایی تفویض
 بیوردقلری خبر مسرت کستری سامعہ نواز کمتری اولور
 اولماز . کوکلمده مثال سراج و ہاج لمعان ایتکہ باشلایان
 انوار ابتہاج کوزلر مہ انعکاس ایله پرتو افشان اولدی.

نصل اولسون که بو توجیه وجیه امیر المؤمنین خلیفه
روی زمین ولی نعمت بی امتنا منر پادشاه ذی شانز
افند منر حضرتلرینک شریعت غرایه اولان حرمت
مخصوصه شاهانلرینک درجات عالیه سی تعیین ایتک ایچون
برهان جلیدر.

زیرا افند منر کی فضیلت باهره لری:

«نسب اضاء عموده فی رفعة»

«کالبدر فیه ترفع و ضیاء»

«وشمائل شهد العداة بفضلها»

«والفضل ماشهدت به الاعداء»

قطعه سی منطوقه منجه مسلم یار و اغیار و استقامت زاهره لری:

معلوم پادشاه جهان استقامتک

مصر اعنجه مدرکه پیرای اولو الابصار اولان بر ذات
خجسته صفاتک فتوی امینلکی کی الهمم بر وظیفه
مقدسه نك عهدہ عرفان پناهی لرینه تودیعی مسلمانلرجه
موجب شکران عظیم اولمشدر.

همان جناب منزل القرآن شریعت احمدیه حرمتیه
 افندمزی الی آخر الایام کمال عافیت و اجلال الیه سریر-
 آرای شان بیورسون درود مسعودینه تردیفاً من غیر
 حد ایفای رسم تبریکه ابتدار و خالک پای بنده پیرای
 نحریرانه لرینه اولان اختصاص داعیانهمه استناداً حق
 عاجزانه مده حسن انظار فیوضات مدار کرمکاریلرینک
 بقا و ازدیادی استرحامنه اجتسار ایلرم.

— ۳۰ —

سماحتلو افندم حضر تلی

روز و شب ولی نعمتک دعای افزایش عمر و اقباله
 مداومت و فرصت دوشوردجه تأیید رابطه خصوصیتیه
 مسارعت قاعده دیرینه عبودیت اقتضای عالیشان اولمغه
 هر بار آرایش لسان افتخارم ادعیه خیریه لرینی تکرار الیه
 برابر احکام رشته رقت ایچون بروسيله جمیله مهالکانه
 انتظار ایتمکده ایدم.

امام الحرمین سید الکونین افندمن حضر تلیرینک

شب ولادت سنیدلری مشرق آرای جهان و کعبه وجدانده
 مصابیح اخلاص اشعد فشان اولدیغنی کورنجه سجده
 شکرانه وضع جبین نیاز و جناب قاضی الحاجاتدن
 افندمری الی یوم القیام صحن سرای عافیتده کمال اجلال
 ایلله مستدام بیورملری درود مسعودینه آغاز ایلدیکمی
 حضور فیض نشور ادیبانه لرینه عرض و انبا و ایفای
 فریضه تبریکه اجترایدوب حق عاجزانهمده کماکان
 توجهات جهان درجات سمو حیلرینک رایکان بیورلمسی
 استرحامی باینده تمیق رقیمه عبودیته ابتدار قیلندی .

— ۳۱ —

ای باد صبا یوف سکا اسماع ایدمه مر سه
 فریادمی اول یار قدیمه بو سفرده

برادر عزیزم افندم

مکاتبه آیین حکمت قرینی بین الصغار و الکبار مرعی-
 الاجرا بر قاعده محبت مدار اولدیغنی بیلدیکلری بیلدیکم
 جهتله بورایه کلهلی اوچ مکتوب کوندردیکم حالدده هنوز

بر جوابنامه ادیبانه کزى آله مایشم فوق العاده محزونیتى موجب اولدى .

شمدى به قدر بر التفاتنامه کزده دسترس اوله میشمى
ذات عالیگزك قاعده مبحوث عنایه حاشا عدم رعایتکزه
دکل، داعیکزه بیه مدیکم بر شیدن طولایى کوجنمش
اولدیغکزه حمل ایتدیکم جهتله متأثر اولدم.

عجبا قصورم عفو اولنماز بر قباحتمیدرکه حقوق
قدیمیه رعایه اولسون بر جوابنامه ارسالنه تنزل بیورلیور؟
عفو اولمیه حق کستاخلقده بولندیغمی درخاطر ایدمه
میورم. قلبمده پک قیمتدار بیلدیکم حرمت مخصوصه -
کزدن بشقه بر شی اولمدیغی جهتله هر نه قصور ایتدمه
لطفاً عفو بیورمکزی خاصهً تمنی ایدرم.

عفو ایله معامله شعائر انسانیتک ال مقبوللرندن بو-
لندیغنه بونجه آثار مقبوله شهادت ایتکده اولدیغندن،
ذاتکز ایسه بویله بر صفت مدوحه یی حائز بولندیغکزدن
حقمده روا کوردیککز معامله یی جزای کافی عد ایله بو
فریادنامه مقابله لطفکارانده بولنمکزی حمیت برادرانه -
کزدن بکلرم. . . .

— ۳۲ —

معروض داعی دیرینه لریدرکه
 سلف عاجزی خلاف رضای آلهی و مغایر دلخواه
 پادشاهی حرکت هر حالده موجب ندامت اوله جغنی دوه
 شونمیدرنه اموال ایتامدن . . . غروش اختلاس ایتدیگی
 صندوق حساباتی حین تدقیقده بیدار اولدیغندن
 و نخبه افکار رحمانه لری حقوق ایتامک محافظه سنه
 مصروف اولدیغی آشکار بولندیغندن مبلغ مذکور
 افندی مومالیهدن استردادیه بو طرفه ارسالی لازم
 کلنلره فرمان و بو اختلاس ایله امر تعیشلری سکتهدار
 اولان ایتامک آبادی قلوب منکسرده سی خصوصه مساه
 عدّه جلیله مشیختپناهیلرینک رایکان بیورلسی باینده
 امر و فرمان حضرت ولی الامر کدر.

— ۳۳ —

معروض داعی دیرینه لریدرکه
 فلان قضا نیابتدن انفصالم ایکی بحق سنه اولوب هر

نه قدر آلتی آی مقدم فلان قضا نیابتی حسب الاصول
تکلیف اولندیسهده فامیلیام جاریه لری اووقت اسیرفراش
بولمغله قضای مذکوری قبولدن استنکاف ایتمکده مجبور
اولدم .

مؤخرآ بی چاره اعاده صحت ایتدیکندن بعض قضائر
نیابتنه طالب اولدمسدهده اولجه بو قضائر بشقه لینه وعد
اولنوب داعی کترلینه هواسی وخامتنه مشهور اولان
فلان قضا تکلیف ایدلدی.

هنوز کسب عافیت ایتمش بر بی چاره یی اورایه آلوب
کوتورمک موافق عقل وحکمت اولهمیه جغندن و بوراده
بر کیمسه ام اولدیغی جهتنه مزبوره یی بیراقوب کیتمکده
اویهمیه جغندن مذکور قضایی قبول ایدهمیه جکمی بالیان
کرفتار اولدیغیم حال پرملاله مرحه مناسب بر قضا نیابتی
احسانیه احیا بیورلمقلمغی تمنا ایتدمسدهده مسئل عاجزانه
نهمک اسعافی خصوصنه هر نه دن ایسه سلف فتواپناهی لری
مساعده بیورمدیلر .

عبد احقر لری کبی بر فلک زده یه عطف نظر مروت
وایدیلن استرحاماته حواله سمع مرحمت بیورلمدیغی
کورنجه سحاب ادبار آتنده قالمش اولان آفتاب طالعک

بر کون اولوبده بو ظلمت نحوستدن قورتيله رق برج
سعادتدن عرض دیدار ایدمه جکفی بیلدیکم جهته او روز
مسعدت افروزه انتظاردن بشقه چاردهم قالمیوب مهاجرات
بالایه چارناچار کوکس کر مکه قرار ویردم.

بو حال ایله وادی خجرتده مایوسانه تکیا و دوشمش
اولدیم بو کریوه فلاکتدن قورتلمک طریقی جست وجو
ایتمکده ایکن هله افندمز کی عجز پرور بر ذات فضائل
کسرتک مقام معالی مشیختی تشریف لری پامل ضرورت
اولان کوکمه امید بخش سعادت اولدیغدن چارده ساز
بی چارکان اولان مرحمت مسله ولی النعمیلرینه صغینه رق
حالمه مناسب بر قضا نیابتیه قایرملقم خصوصنه مساعدت
حکمت عاده جناب شیخ الاسلاملرینک ارزان بیورلمسنی
کمال افتقار ایله استدعا و مسئل عاجزانمه اسعافی بالنده
دریغ عاطفت بیورنامه سنی تمنا ایلرم. هر حالده امر و فرمان
حضرت ولی الامر کدر.

— ۳۴ —

دولتو افندم حضرتلری
حصافت آصفانه لری تسلیم کرده عقلا و لیاقت ادبیه

نەلری زبازد فضلا اولان ذات ستوده صفات دولتلری
کبی بر وزیر فلاطون تدبیرک عهده استیمالرینه از میر
ولایتی والیلکی تفویض بیورلدینی کمال شوق ایله استخبار
ومرکز ولایتی تشریفلری استبشار اولندی .

بویله بر موقع مهمده جهان مدینتی تنویر ایتمکده
اولان ترقیات حاضره نك اسباب حصوله من کل الوجوه
آشنا جناب دولتمآب حکیمانهلری کبی بروالی معارف
پیرانک بولنملری دین و دولتجه فوائد عظیمه یی موجب
اولغله اهالی ولایت تشریف دولتلیله نه قدر اظهار
مسرت ایتسه لر بجادر .

ذات حکمت سمات داورا کرملرینک ولایت مشاره
الیهایه شرفبخش اجلال اولملرینی مستلزم شکران بر نعمت
بی امتنان عدايله ایفای رسم تبریکه اجترأ وداعی کمتلرینی
تنزلاً بنده لکه قبول ایله کامیاب بیورملرینی تمنا و سایه
ترقی وایه شاهانده خدمات جلیله یه موفقیتلری دعای
واجب الاداسنی رفع بارگاه کبریا ایلرم .

— ۳۵ —

معروض داعی دیرینہ لریدرکہ

مقارن فضیلت اولان صداقت هر حالده موجب فیض
ورفعتدر. بوقضیه بی اثباته دائر برچوق ادله وارد خاطر
ایسده انه شعشعه لی برهانی افندمرک سینه پر سکینه لرینه
تعلیق بیورلدیغی کمال افتخار ایله استخبار اولنان امتیاز
نشان ذی شانیدر.

مالکز بر پادشاه مرحمت پیرایه کیم
ذکر وفکری ازدیان شان ملتدر همان
داعیان دولتی لطفیله شاد ایلر بتون
مقصدی شرع شریفه حسن خدمتدر همان

قطعه سنک ماصدقی اولان شهریار حمید الخصال . تاجدار
بی مال افندمر حضر تلرینک ذات حکمت سمات مشیختنله
هیلری کبی باعث افتخار اکابر بروجود صداقت مائری
توجهات عالم پسندانلرینه مظهر بیورملری بتون خدمه
شریعت ایچون موجب شکر بی پایان بر نعمت سعادت
اقتراندر .

جناب واهب الآمال ذات خجسته صفات مفتی۔
 الانامیلرینی صباح حشره قدر مسند مشیخته سایه انداز
 اجلال و پادشاه قدردان و شهنشاه معدلت عنوان افدمن
 حضرتلرینک بویله شانلی شانلی الطاف جلیله ملوکانهلرینه
 مظهریتله مسرور البال بیورسون دعاسیله تزیین لسان
 اخلاص و ایفای فریضه رسم تبریک وسیله سیله تجدید
 رابطه اختصاص ایتکه موفق اولدیغمدن طولایی اعلان
 افتخار و باعث فیضم اولان بقای توجهات جهان درجات
 ولی النعمیلری استرحامنه اجتسار ایلرم.

— ۳۶ —

سماحتلو افدم حضرتلری .

التفات خاطر نو ازانهلری پیرایه قلوب بندکان و بین۔
 الاقران افتخاره شایان اولمغله بوکره مفتی افدی داعیلرینه
 ارسال بیوریلان لطفنامه سموحیلرنده کمتلرینی یاد و سلام
 مسرت پیام منعمانهلریله دل ویرانمی آباد بیورملری
 شکرانی غیر قابل بر لطف بی معادلدر.

عاجزلری کبی بر بی چاره دی فراموش ایتیوب آره

صیرد تعظیفات کریمانه لریله مسرور و توجهات رحیمانه لریله
 رهین فیض نامحصور بیورملری ذات فضائل سمات ادیبانه
 ندرینک نه درجده لرده عجزه پرور بروجود مرحمت کستر
 اولدقلرینی کوسستر که بوحال مدار افتخار ارباب کمال
 اولان جناب فضیلتساب حکیمانه لرینک مجبول اولدقلری
 اخلاق حمیده و اطوار پسندیده لرندن بریسیدر.

سمای مفکرده ده پرتوانداز اولان بارقه حس شکر -
 کذاری بی حقیقه تصویر اقتدار خامه مک فوقنده اولدیغی
 آزاده تحریر بولمغله بوبابده کی قصوره نظر بیورناماسنی
 اقدامزک شیمه کریمه عفو پروریلرینه استناداً تمنا وورد
 زبانه اولان بقا و تزیاید عافیت و اقباللری دعاسنی تکرار
 ایله تمادی حسن نظر فیض اثر مشفقانه لری استرحامنه
 اجترایلم.

— ۳۷ —

سماحتلو افدم حضرتلری
 ذات رحیمانه لری کبی برنحریر فضیلت سمیرک عهده
 استیمال سامیلرینه مجلس ایتم ریاست جلیله سنک توجیه

بیورلدینی مژده انبساط بخشاسی واصل صماخ احقری
و بو مژده نك سهای سامعهده برق انداز اولان لمعات
سرور افزاسی منور دل کمتی اولدی.

بتون داعیان دولت افندمزکی ذوات فضائل سها نك
التفات مخصوص پادشاه فاروقجاهمه ظاهر اولدقلرینی کور-
دجه سرتاپا مستغرق دریای مسرت اولوب روز و شب
درود مسعدت نمود حضرت امیر المؤمننه جان و دلدن
وقف انقاس حیات و بویله بر عصر معدلت حصره ادراک
ایتدکلرندن ناشی جهانیا نه قارشی عرض مباحات ایله
وظیفه شکر کذارینی ایفا ایتمه چالیشورلر.

جناب خداوند بی زوال سنایه عدالت سرمایه
تاجداریده الی آخر الایام ذات ریاستپناهیلرینی صدر-
آرای اقبال بیورسون دعای فیض پیراسنه تردیفاً ایفای
وجیه رسم تهنیه ابتدار و اوتهدن بری حق نامستحق
داعیا نه مده ابذل بیوریلان انظار محاسن دنثار منعمانه لرینک
ازدیادی استرحامنه اجتناسار اولندی.

— ۳۸ —

سماحتلو افندم حضرتلری

بوکره لمصاححه (عثمانجق) ی تشریف بیورمهش اولان
 فلان بک بنددلیله آرسالنه تنزل بیوریان سلام سامیلرینی
 آلدیغم کبی حس عبودیتله مزوج بر سرور خالصانه
 برق خاطف کبی آفاق دلدہ لمعانه باشلادی .
 کوکلی استیلا ایدن لمعات شادی کمال شوق ایله
 مصراع آتی بی انشاده بادی اولدی :

« این خانه از سلام تودار السلام شد »

حق عیدانه مده دائما مبذول بیوریان توجهات
 عالی جنابانه بین الامثال تمیزمه بر نشانه اولوب بونک
 تشکری کمالیه ادادن عجزم بدیدار اولدیغی مستغنی بیان
 وذات کریمانه لرینک ایسه کمتلری کبی بی وایه لرک وظیفه
 عبودیتده کی قصور لرینه مسامحه کارانه نظر وافضال فیض .
 اشتهال منعسانه لرینه مظهر بیورمقدده اولدقلری مشهود
 باصره جهانیا ندر .

مترتب عهده عاجزانده اولان جناب واهب العطایا

سایه عالیرینی فرق داعیانندن جدا بیورمسون دعاسنی
رفع قبولکاه مستعان ایتکده اولدیغمی وحسن توجه
سموخیلرنده پک کوزل یاشامقده بولندیغمی خالپای
معالی پیرای مشفقانهلرینه عرض و بیان ایلرم .

— ۳۹ —

دولتلو ایتلو افندم حضرتلری

خصافت موشکافانهلری تبعه شاهانهلرینک استکمال
سعادتیه متوغل و همت مشکل براندازانهلری ممالک
ملوکانهلرینک استحصال اسباب سلامتیه مشغول
اولان شهریار عمر کردار، تاجدار اسکندر اقتدار
افندمن حضرتلری عواطف جلیله خسروانهلری
جمله جمیله سندن اولهرق عهد دولترلرینه ادرنه ولایتی
کبی اهمیت فوق العاده سی بدیدار اولان بر موقع نزاکت
مدارک والیلکنی احسان و جناب دولتمآب اسیلانهلرینک
مرکز ولایتی تشریفایله حل و عقد اموره وقف نظر
امعان بیوردقلری مژده شوق آوری سامعه پیرای کتری
اولدی.

ذات حکمت سمات بی مدانیلری کبی واقف دقایق
 کتاب مدنیت و عارف حقایق امور مملکت اولان برداور
 ترقی پرورد چیره دستی حکیمانه لرینه ولایت مشارالیه بانک
 تودییی مستلزم محمّدت بر نعمتدره.

جناب حمیت نصاب خداوند اگر میلری کبی بنده.
 پرورد لکله مشتهر بر وزیر معالی مائثرک چوقدن بری
 خال پای نظره پیرای آصفانه لرینه عرض عبودیت ایچون
 بر ذریعه حسنیه منتظر ایکن اوایله بر وسیله آرزوی
 داعیانهم وجه ایله ظهور و کوکی مستغرق دریای سرور
 ایتدیکندن ایفای فریضه تبریکه شتاب و هر حالد مو.
 فقیات ولایت پناهیلریله ازدیاد عمر و اجلاللری دعاسنی
 رفع بارگاه رب الارباب ایلیه رک حضور فیض نشور
 دولتلرینه تقدیم عریضیه ابتدار و محتاجی بولندیغ انظار
 محاسن آثار کرم کستریلرینک بی دریغ بیورلمسی نیازینه
 اجتسار قیلندی.

— ۴۰ —

فضیلتو اقدام

بورایه کلهلی اوچ مکتوبکزی آلدیغ حالد ایشلرک

کثرتندن خالی بروقت بولوبده شمدییه قدر برمکتوب
 یازده میشمند طولای مؤاخذات محفانهیه هدف ایدلمکلم
 لازم کلیرکن بوسفرکی لطفنامه کرده دخی التفات دنوازانہ
 ایله تطیب خاطر عاجزییه سوق خامه بلاغت بیورشکر
 مجرد مجبول اولدیغکر شیمه اخوت پروری اقتضای
 عالیندندر.

شناکاریکزر شمدییه قدر برمکتوب یازده میشم دکل
 عذر مباحوث عنیه، اعدار مشروعهیه مستند اولسه بیله
 مؤاخذات برادرانه کردن قورتمقلغم ایچون اخوت نقطه
 نظر نجه احتجاجه صالح برسند قوی عد اولنده ماز .
 سرد ایدده جکم عذر لر حق داعیانہ مدده حسن توجه کزده
 مظهر اولدیغم کوندن بری مبذول بیورده کلدیککر التفات
 عالیجنابانه قارشی پک اهمیتسنر قاله جغی جهتمله اعتراف
 قصور دن بشقه چاردهم قالمیوب هر نه دیمش اولسدم قانون
 حقوق پرورییه تطابق ایدده میه جکی آشکار و شفقت دینلن
 خاصه لطیفه نك بی چارده لر حقنده پر تو بار اولان احکام منجیه
 سندن مخلص کزده استفادهیه قالدیشه جغم بدیدار بولندیغندن
 شیمه مشفقانه کزده التجا وبو بایده کی قصور لر مک عفوینی
 رجا ایله بر طاقم بی مغزانک مصاحب لر ندن یزار اولان

کوکلی التفاتنامه لار ارسالیله مسرور بیورمکزی خاصه
تمنا ایلرم. باقی اخوت.

— ٤١ —

مکرم تلو افندی

حق داعیانهمده ابراز بیورمقدمه اولدیغکز اخوت
خالصانهیه اغتراراً ذات عالیگذدن برشی رجاسنده بولنه جیم.
بورجامی منفعت مدیه ومغنویه کزده ذره قدر خلل کدمنک
شرطیه قبول بیورمکزی تمنی ایدرم.

رجا ایده جکم شی ایسه یول مصارفی طرف
عاجزانه مدن تسویه اولمق اوزره بولندیغسر قضانک
بحایشنی تکلیفدن عبارتدر. تکلیف مذکوره مجبوریم
بولدیغ قضانک هواسی فنا اولماقلا برابر برانز سرد
اولسندن تولد ایتشدرد.

بویله سردجه هوالی بریرده بولمغه وجودم متحمل
اولمش اولیدی ملککت انتظامنه. اهالیسنک اخلاق حمیده
ایله متصف بولمسنه نظراً مقام مشیخته استرحانه لار
تقدیمیه استحصال تمدید مدته چرده جو اولورده.

بولنديغم قضانك هواسى فنا، اھاليسى مفسدتما اولمش
 اولیدی اولسه مده خاك پايكزه بويله برتکليفده بولمازدم .
 بوسوزمى اثبات ايچون ایراد براهينه لزوم کورميه -
 جککزی بيليرم .

تکليف عاجزى يه موافقت ايدوب ايتيمه جککزی
 ايلک پوسته ايله ارسالنه همت بيوره جگنر جوابنامه کردن
 استخبار ایده جکمی امید ایدرم . باقى اخوت

*
* *

— ۴۲ —

فضيلتلو افندم حضرتلری

نيابتی عهدۀ فاضلانہ لرینہ تفویض بیوریلان فلان
 ولایتی تشریف بیوردقلری خبر مسرت آوری بو هفته
 پوسته سیله وارد اولان ولایت غزته سنده مصادف نظر
 کمتری اولدی .

ذات کریمانہ لری کبی نادرالوجود برنحریر صلابت نمودک
 مرکز نیابتنه شرفبخش کمال اولملری اھالیء ولایتجه پک
 قیمتدار بر نعمت مفخرت مداردر .

هله داعیلری کبی آثار برکزیده فقیهانلرندن پک
 چوق استفاضه ایدن بر عاجزک استبشار قدوم عالیریه
 مستغرق دریای سرور اوله جفی نزد والالرنده بدیدارد.
 ایفای رسم تبریکی وسیله اتخاذ ایدرک خاک پای
 فضیلت پیرای بی مدانیلرینه عرض عبودیته اجتسار ونظم
 آتی ایله حق استادانه لرنده کی حسیات تلمیذانه می اظهار
 ایلرم :

ای فاضل بی همال ملت
 ذاتک ایله فخر ایدر فضیلت
 اسرار علومه آشناسین
 ارباب کاله پیشواسین
 بالجمله فحواله چار ناچار
 رجحانکی عالم ایلر اقرار
 سرلوحه خیل عارفانسن
 بر ذات شریف نکته دانسن
 ذاتک کی کلدی یکانه
 بر اهل کرم بو خاکدانه

سن مظهر فیض شرع حقسین
 هر درلو مدایحه احقسین
 طور دجه جهان جناب مولی
 اجلالکی ایلسون دو بالا

*
* *

— ٤٣ —

معروض داعی دیرینه لریدرکه

محکمه باش کاتبی اولان یادکار بورا ارباب فسادیه
 هم افکار اولدیغندن کلن نائبلری تهدیدات کونا کون ایله
 حرکات ناجاسنه عطف نظر مساحیه مجبور وبوصورتله
 شریعت نامنه تدویر دولاب تزویره صرف مقصور
 ایده کلدیکی بعض اصحاب حمیت طرفلرندن استخبار
 وشرندن امین اولمیوب متیظانه حرکت ایتکلکم اخطار
 اولمغله بر یاندن موما الیهک خط حرکتیه وقف انظار
 دقت، بر یاندن ده بوبابده قناعت کامله حاصل اولمق ایچون
 تحقیقات لازمه اجراسنه بذل مقدرت ایتکدن کری
 طور مدم .

بو باده کی تیجہ تحقیقات داعیانہ می مشہودات متبصرانہ می
تأیید ایلدیکندن دفعات ایله کنڈیسنه مغایر رضای الہی
ومخالف دلخواہ پادشاهی حرکت دارینده موجب ندامت
اوله جغنی لسان مناسب ایله در میان وبو حال ایله محکمه ده
بقاسنک قطعاً او یہ میہ جغنی خالصانہ بیان ایتد مسدده
مومالیہ اصلاً متنبہ اولیوب فرصت بولدقچہ حرکات
واقعہ سنده دوام وکترلرینی یلکن آلتہ آلمق ایچون
همپاریلہ سعی تام ایلور .

یارواغیاره قارشی بویله برکیمسنک محکمہ شرعیہ ده
بولنسی جائز اوله میہ جغنی بدیہی بولندیغندن مومالیہ
ایشدن ال چکدیرلمسی خصوصنه مساعدہ جلیاہ
فتواپناہیلرینک ارزان بیورلمسی بایندہ امر و فرمان
حضرت ولی الامر کدر .

۰۰

— ۴۴ —

فضیلتلو افندم حضرتلری

ذات عالیلری کبی بر نحریر حکمت سمیرک قونیه

نیابتسه شرفبخش کمال اولملری داعیلری کبی خاندان
معالی عنوان فاضلانهرینه منسوبیتله مفتخر بالجمله بندکان
صداقت مائری سرمست جام سرور و مرکز ولایتی
تشریفارینک کوکلده حاصل ایتدیکی شوق بی همال کمال
خلوص بال ایله :

ای سریر آرای علم و معرفت

فخر ایدر ذاتکله ارباب کمال

پایه اقبالکی کوندن کونه

ایلسون برتر جناب ذوالجلال

قطعه سنی انشاده مجبور ایلدی .

بویله وسائل مسرت نشور ساحه پیرای ظهور
اولدقچه خالکپای سامیلرینه عرض اخلاص آیین بهین
اختصاص مقتضیاتندن اولغله مرکز ولایتی تشریفارینی
تبریکه مسارعت وحق عییدانه مده هیچ برزمان دریغ
بیورلمیان انظار فیض مدار کریمانه لرینک دوام ازدیاد
ابدالنی استرحام ایله تجدید رابطه انتسابه مجاسرت
ایلرم .

— ۴۵ —

معروض داعی دیرینہ لریدرکہ

نیابتی مودوع عہدہ عاجزانہم اولان قضائک
محکمہ سی اوطورلماز درجہ دہ مشرف خراب اولدیغندن
بر مجلسدہ دنیا و آخرتدہ یکانہ باعث سلامت و سعادت مز اولان
شریعت غرای احمدیہ منسوب بر محکم یار و اغیارہ
قارشی بویله بر حال اسف اشتہالدہ بولمسنہ هیچ بر صاحب
وجدان راضی اولمہ جغنی لسان مناسب ایله بیان
ایتمشدم .

محضاً افند مزک حسن توجهات فیض غایات ولی النعمیلری
ثمرہ باہرہ سی اولہ رق بوسوزم حیتسندان اہالی یہ لزومندن
زیادہ تاثیر ایتمش اولدیغندن اعطای اعانہ خصوصندہ
مسابقہ قالمیشہ رق بذل مقدور وقائم مقام قضا فلان بک
بندہ لری دہ معاونات لازمہ دہ سعی موفور ایتمکله اسکی
محکمہ کلیاً ہدم اولنوب مفتی افندی داعیلریلہ اہالی
معتبردن فلان اوغلی فلان و فلان اوغلی فلان آغارک تحت
نظار تندی اولہ رق یکیدن بر محکمہ انشاسنہ مباشرت و سایہ
عدالت وایہ حضرت پادشاہیدہ رھین حسن ختام اولوب

کچن بازار ايرتسی کونی رسم کشادی اجرا اولندرق
 مستعیناً بالله تعالی محکمۂ مذکوردهده فصل وحسم
 اموره مبادرت اولندیغنی خاکیای ناصیه پیرای مفتی-
 الانامیلرینه عرض وانبا و سرمایۂ مباحاتم اولان انظار
 محاسن دثار فتواینهایلرینک حق عیدانهده دوام ازدیاد
 ابتدالی خصوصنی تمنا ایلرم .

۰

— ۴۶ —

افندمز !

استانبولدن مفارقتکم سکنرنجی کونی بورایه واصل
 اوله بیلدم . یوللرده چکدیکم مشقتی بورانک صوک بهاری
 اونوتدیردی .

مملکت پک کوزل، لطافت موقعیهسنه حیران اولدم .
 یازیم ساعت مسافدهده کوزل بر مسیره وارکه لطافت-
 ناشناسلقه اتهام اتمهچکگز ییلشم اولسهم استانبولک
 سعد آبادینه مرحجدر دیر ایدم .

بو ترجیحیم، ترجیح بلا مرجح دکلدرد . سبب
 رجحاتی سویلرسم سزده مسیره مذکوره استانبولک

سعد آبادینه مرجح اولدیغنی تسلیمده تردد ایتمز سکر .

سعد آبادك لطافتنه دیه جك یوقسه ده لطافتی یالکز
فصل ربیعه مخصوص اولوب سائر زمانلرده طراوتدن
عاری اولدیغنی شویله طورسون فصل مذکورده ده
اوکوزلم موقعی محیط اولان چپلاق طاغیرك منظره سی
کوزه پك فنا صورتده چارپار .

اما اونزهتگاه عالینك شو صوڪ بهارده کوریلن
طراوتنه نظراً ایلاک بهارده «کلشن لطافت» اطلاقنه
شایان برووضه جنت نشان اوله جغنده شبهه یوقدر .

هله اطراف اربعه سنی محیط اولان جبال زمردین،
برقات ده منظره روح پرورینی تزیین ایده جکندن
اونزهتگاه عالینك تماشاسی ارباب طبیعتی جذبه دار شوق
ایدر .

پیشگاهنده بولنان وادییه طوغری شاعرانه تمهید
نظر اولنورسه حضرت معلمك :

«آقیور نور، کوردیکم دره دن»

«آب واشجاری برق برق اولمش»

زیر وبالاسی نوره غرق اولمش
وادی ایمن اولسون کورینن

قطعه سنک ماصدق اولدیغنده اشتباه ایدلر .
کچن کون اورایه او یغون برقاق احباب ایله کیدلش
ایدی . اولطیف محکم منظره سنه طویه مدم .

شاعر دکلسمده مطالعه اشعاری پک سورم . حافظه می
اسلافک شاعرانه ، عاشقانه ، حکیمانه آثار یله تزینیه
چالیشیرم . تنظیم اشعاردن عاجز اولدیغم حالدده موقعک
لطافتی کو کلمده بر انبساط تام پیدا ایتدیکندن قطعه
آتییه بالبداهه انشاد ایلدم :

نظره پیرادر بو جای دلکشا
سیر ایدک آثار قدرت برق اورر
جذبه دار ایلر کوکل اربابی
سرتسر نور لطافت برق اورر

اهالیسی بر آز وحشی کی کورینیورسده مسافر-
پرور لکری سزاوار تقدیردر .

بوراده پك كوزل وقت كچيريور سه مده محاضراته
دائر يانمده كتاب اولمديغندن كيجه لري بر آز جانم صيقيليور.
بوجان صيقتنديسني كيجه مصاحبه لري بر آز تعديل
ايدنيور .

مفتي افندي اهل دل بر پير روشن ضمير اولمديغندن
مصاحبه سندن مستفيد اوليورم . حاصلی هر جهته بورادن
خشنودم عزيزم . باقي اخوت .

۰۰

— ۴۷ —

سماحتلو افندم حضرتلري

في ۱۷ شوال ۳۰۷ تاريخي التفاتنامه سموحيلري
هامه پيراي كمتري اولدي ، خدا بيلير كوكم نور سرور
ايله طولدي .

حق عاجزانه مده مبذول بيوريلان توجهات بنده .
پرورانه موجب مباحثات جاودانه در ، بين الامثال تمیزه
برنشانه در .

عاجزلري ايچون الطاف منعمانه لرينك بيكده برينك

حق تشکری لایقیه ادا محالدر، زیرا بوباده عبدکترلی
هم حالت لالدر.

ترجمان وجدانم اولان :

افتخار ایلر کمالکله کمالات. جهان

بیک یاشا عالمده ای علامه عالی تبار

قلبی اگداردن محفوظ ایدوب کوندن کونه

قدریکی قیلسون دوبالا حضرت پروردگار

قطعه سی زیور لسان شکرانمدر، روز و شب وردزبانمدر.

آستان سعادتلی بنده لری کبی بی وایکانه دار-
الاماندر، برملجا بی امتناندر.

خال پای سامیلرینه انتسابم یکانه مدار افتخارمدر،
هرحاله سبب فیض و اعتبارمدر.

جناب خداوند بی زوال، ذات خجسته صفات

فاضلانهرینی خاندان عالیریله سایه شریعت غراده صدر-

آرای عافیت و اقبال بیورسون دعای مسعودینه تردیفاً

عقبه علیالرینه عرض شکرانه اخلاص تام ایله ابتدار ایلرم،

بو وسیله ایله تأیید رشته عبودیته موفقیتمدن طولایی

افتخار ایلرم.

— ۴۸ —

معروض داعی دیرینه لریدرکه

در دولت مدار فتوایناهیترین ناصیه ساری عبودیت
اولدینم کوندن بری حق کترانه مده رایکان بیوریلان
توجهات بنده نوازانهك حق تشکرینی ایفادن عاجز
ایسه مده دعای دوام عمر واجلال لرینه مداومتله تزیین
لسان صداقت ایتمکدن بر آن خالی اولمدینم کبی وسائل جمیله
دوشد کجده تجدید انتسابه مسارعتی آداب دیرینه رقیتدن
بیلدیکم جهته نور صباح عید اضحی نظره پیرای صفا
اولنجه الله اکبر آوازده سنه تردیفاً جناب جاعل النور
افندمری مقام مشیخته بویله نیجه نیجه اعیاد مبارکویه
ادراك ايله مسرور بیورسون دعای مفروض الاداسنی
صدبار کمال خلوص قلب ايله تکرار ایلدیکم عرض
وبیاننه مبادرت و خاکی پای مکارم احتسوی حضرت
ولی النعمیلرینه یوز سورمک ایچون بوور قیاردینی توکیل
ایله محتاجی بولندینم حسن توجه دولترلرینک دوام
وازدیادی استرحامنه مجاسرت ایلزم.

— ۴۹ —

معروض داعی دیرینہ لریدرکہ

بورایہ کلدیکم کوندن بری مفتی افندی داعیلرینک
حرکات واقعہ سی مغایر شرع شریف اولدیغندن افندی۔
مومالیہ مفتی نام محترمی آلتندہ بولسان ذواتک نمونہ
امثال اوله حق صورتده تزین ذات وصفات ایتوب ده
حرکات غیر مشروعه ده بولملری یار واغیاره قارشی
پک چرکین اوله جغنی درمیان ودارینده موجب مسئولیت
اوله حق احوال غیر مرضیه دن توقی ایلمسنی خالصانه
بیان ایتدمسده او پیر حریصه اصلا کارکر اولیوب بر
قاچ غروش درجیب ایتک سوداسیله مراجعت ایدنلره
متناقض المال فتوالر ویره رک مسلك ناهموارنده معنوهانه
رفتار وبو حال ناجاسیله حیتمندان اهالی بی پک متأسف
ایتدیکی شویله طورسون شریعت غرایه سنک انداز طعن
اولق ایچون سر رشته آرایان بر طاقم سفهایه مدار قیل
وقال اوله رق محکمه بی مشکلات جانکدازانه ده دوچار
ایتمکده بولندیغندن بونک بر چارده سنه باقیلمسی ایچون
خاک پای عدالت احتوای فتوایناهیلرینه مراجعت وحق

عبیدانه‌مده متوالی الظهور اولان التفات فیض غایت
ولی النعمیلرینک دوام و تزیادی استرحامنه مسارعت
اولندی . هر حالده امر و فرمان حضرت ولی الامر کدره .

»
»

— ۵۰ —

دولتو افندم حضرتلری

فکر معالی پروانه‌سی باعث اعتلای ملت و رأی
رزین خسروانه‌سی بادی ارتقای دولت اولان شهریار
صلاحت موفور ، تاجدار مرحمت نشور ولی نعمت
بی متمم پادشاهمز افندمز حضرتلری روز جلوس
معدلت افروز هایونلرندن بری از باب فضل و استقامتی
عواطف مالانهایه ملوکانه‌لریله مسرور و معظمت امور
سلطنت سنییه‌ی اهلنه تودیع ایله تبعه صادق شاهانه‌لرینی
عرض شکرانه مجبور ایده‌کلدکلری هر بار مشهود باصره
اولو الابصار اولوب بوکرده اهمیت فوق العاده‌سی
درکار اولان . . . نظارت جلیله‌سی کبی بر مقام عدالت
مداری ذات بی‌مدانیلری مثالی واقف حکمت حکومت

بر دستور ارسطو منزلتک عهدۀ آصفانه لرینه احاله ايله
 کار آشنایان جهانی منتدار بیور مشلردر.
 همان جناب احکم الحاکمین سایۀ سطوت وایۀ
 شاهانده ذات حصافت سمات دولترینی هر خصوصده
 توفیقات صمدانیه سنه قرین بیورسون دعای فیض انماسنه
 تردیفاً ایفای رسم تهنیه مشاربت و مجبول اولدقلری
 خصلت ممدوحه بنده پروریلرینه استناداً الطاف مخصوصه
 داورا کرملرینک استدعای ابذالی باینده تقدیم عریضه
 عاجزیه مبادرت اولندی.

*
* *

— ۵۱ —

افدمنز !

بورایه کلدی سلف عاجزانهمک زمانندن منتقل بر
 طاقم پروزلی ایشلرک تسویه سیله مشغل اولوب نفس
 آلمغه وقتم اولدیغندن ذات عالیترینه شمدیه قدر ایکی
 سطرلق برمکتوب یازدمدیغم جهته فوق العاده محجوبم.
 بوگونه قدر برمکتوب ارسال ایدم دیکمدن ناشی
 وفاسزلقله اتمام بیورلما مقلغمی نیاز و بوبابده کی قصورمک

غنو بیوریلہ جغنی بیلدیکم جہتلہ خامہ کترانہ می :

« العذر عند کرام الناس مقبول »

مصراعیلہ دمساز ایلرم .

ہاہ الحمدللہ اوپروزلو ایشلر تسویہ اولندی . داعیکز
بوکونکی ایش یارینہ قایرسہ زیددسیاہ مضطرب اولورم .
ایشلرمی ممکن اولدیغی قدر تداخلد بیراقیوب یوانہ
قویلمی یم .

ایشلرمی یتیرمدکجہ بشتہ برشیثہ بقیم . وظیفہ ہرشیان
مقدمدر . ایشم اولمدیغی زمانلر معشوقہ وجدانہ اولان
کتب محاضرہ بی بیہ نظر مطالعہ آمم . فقط کتب فقہیہ بی
اختلاس وقت ایتدکجہ اندن بیراقق ایستہم . طریق
قضادہ بولنانلر ایچون کتب فقہیہ بی نظر مطالعہ دن دور
طوتماق وجائب امور دندر . بعضلری مکتبدن چیقار
چیقماز بردها کتب مذکورہ بی نظر مطالعہ آلیورلر .
بولر ہیچ برزمان تفیض ایدہ میوب ہر وقت متضرر
اولورلر .

استانبول عالمی نصل ؛ بورادہ قیش فوق العادہ حکمنی
اجرا ایدیور . کیجہ لری نہ ایلہ وقت کچیریلیور ؛ فلان

افندی ایله برلشیلیورمی؟ او مبارکده بولندیغی مجلسلرده
 کیمسده سوز سویلتمک ایسته مز. دائما شعر دن دم اورر.
 واقعا شعره دائر مباحثه تنشيط قلوبه باعث اولور سده
 مومالیهده طادینی قاجیرر .

پوسته زمانی تقرب ایتماش اولیدی سوزی :

« اطباب در مکالمه دوست خوشترست »

مصر اعنجه بر آز دها اوزاده جقدم .

مکتوبمک جوابسنر بیر اقلمامسنی تمی ایدرم . باقی
 اخوت .

— ۵۲ —

فضیلت مندم افندم

باعث مباهاتم اولان فی ۱۷ رجب سنه ۳۰۶ تاریخی
 مکتوب عالیلرینی آلدیغم کبی مکتبه کچیردیکمز زمانلری
 تخطر ایله او قدر مسرور اولدم که :

« کچمش زمان اولور که خیالی جهان دکر »

مصرع برجسته‌سنی صدار لسان شوق ایله تکرار
ایلدیم .

اوان تحصیل هروجه ایله شایسته تجیل اولدیغندن
اوزمانلری یاد ایلدیجه کولکده اولیله بر نور انبساط
جلودکر اولورکه بونک بر لمعیسی مانند آفتاب عالم آرا
ظلام مختده قالمش اولان غمدهدلیری مستغرق انوار
صفا ایدر .

اونه سعادتلی کونلردی که ذات خلقت سمات ساهیلری
کبی حقوقی جهان دکر شرکای فضائل پیرا ایله حاکم
عنوان محترمی آلمق ایچون تکمل ایتکه سعی ایدیوردق!
او سعادتلی کونلرده کچیردیکمز دقیقه‌لر کتاب
مفکرده‌دهد برر صحیفه مقدسه تشکیل ایتشدزکه هر نه‌زمان
مراجعت ایدر سهیم مطالعه‌سندن ایتدیکم استفاده کولکی
علائق دنیویه‌دن آزاده ایلدیکندن فوق‌العاده گرفتار
آلام اولدیغم دملر یکانه التجا کاهم او صحائف شوق افزا
اولور .

مکتب عالنه دائر نه‌قدر سوز سویلسم او قدر شوقم
تزیاید ایدر . زیرا او عالمده ذات فضائل پروریلری کبی

ارباب وفانك حسن توجھلرینی قازاندم . بو ایسه بنجه
پك بیوك سعادتر .

اخوانك حسن توجھلرینی قازانماش اولیدم شمدی
بویله دنلوازانہ التفاتلره مظهر اولور میدم ؟

بو بابه کی حسیاتی لایقیله افاده دن عاجز اولدیغ
جهتله سوزی شمدیکی بولندیغ عالمه انتقال ایتدیرمه
مجبور اولدم .

بوراده مصاحبه سنه تنزل اولنه حق بر اهل دل
بولنه مدیغی کی تنزه ایدیله جك بر محل ده اولمدیغدن
کوکلی اکندر مک ایچون کتب ادبیه دن کوزل بر نزهتگاه
عالی بوله میورم . بو صورت داعیلر بنجه عین نعمت اولدیغدن
تنزه زمانلرینی کتب ادبیه مطالعه سیله کچیریورم .

هله ذات ادیبانه لری کی اخوان صداقت نشاندن
آره صیره آلمقده اولدیغ التفاتنامهلر کوکله بر شوق
جدید بخش ایتکده اولدیغدن بو بابه کی حسیات
شکر گزارانه مک درجه سنی تعیندن عاجزم .

اخوانك بنم کی بر عاجزی اونو تمیوبده بویله
التفاتنامهلر ارسال بیورملری موجب افتخار و باخصوص
جناب فضیلتما ب کریمانه لری کی اک سودیکم بر ذاتدن

آله جغم برات اخوت نزد كمرانه مده پك قيمتدار اولديغنه
دائر ايراد دلائله حاجت مس ايتمز ظن ايدرم .
تحسر عاليلرى :

«هردم دعائي مى كنم برخاكى مى مالم جين»
«بادوستانم جمع كن يا جامع المتفرقين»

ييتنى دائما ياد ايتديرييور !

بين الاخلا آيين بهين مكاتبه مرعى الاجرا اولدقجه
لطفنامه لرينه مظهر اوله جغمندن امينم . باقى اخوت .

— ۵۳ —

فضيلتاو افندم حضر تلرى

بو كره دلالت بنده پروريلرى ثمره باهره سى
اوله رق احسن اولنان رتبه نك تبريكى ضمننده تسطير
بيوريلان التفاتنامه عاليلرى هامة پيراي تكريم و خدا بيلير
جهانه مالك اولشم كجى موجب شادى عظيم اولدى .
حق كمرانه مده ابدا ل بيوريلان التفات كرمكاريلرى
دل ويرانمى آباد ورشك آوز امثال اولدجق صورتده
عاجز لرينى اسعاد ايلدى .

داعیلری کبی عجزدنک سرمایہ سی ده عجز اوله جغندن
وظیفه شکر کذاریده کوریلن قصورمک شیمه مدوحه
رحیماندلرینه استناداً عفوی تمناسنه مجاسرت و دوام تزايد
حسن انظار فیض دثار فاضلاندلری استرحامنه مبادرت
اولندی.

— ۵۴ —

سماحتلو افندم حضرتلری

بو کرده عهدۀ فاضلاندلرینه احسان بیوریلان
استانبول پایہ سی سلم اقبالک بالاسنه ارتقا بیورده جقلرینه
بر مقدمۀ باهره اولوب سایه آسمان پایۀ شاهانده مراتب
عالیه قدمزن اجلال اولملرینی جناب و اهب الآمالدن
استدعا و باعث فیضم اولان توجهات ولی نعمتیلرینک
بقاسنی تمنا ایتکده بولندیغمی حضور کمالات نشور ساء
میلرینه ایفای رسم تبریک ضمننده عرض و انبا ایلرم.

— ۵۵ —

حین وداعده پی در پی مکتوب ارسال بیوریله جفی
 وعد اولمش ایدی. استانبولدن مفارقت بیوریله لی اوچ
 آی اولدینی حالد هنوز بر احساننامه لرینه دسترس اوچ-
 له مدم. وعد عالیترینک خلافده اوله رق التفاتنامه ادیبانه-
 لرینه عدم مظهریم فوق العاده موجب محزونیم اولدی .
 اگر صوب والارینه شمیدی به قدر بر مکتوب
 کوندره میشه مقابله عاطفانه ارسالده اهل بیوریلور
 ایسه بو حرکت مجبول اولدقوری علوجناب ایله متناسب
 دکلدور.

بویله قصورلرد — بر عذر مشروعه مستند اولسه
 بیله — بر مقتضای اخوت عطف نظر مرحمت بیو-
 ولملیدر. مقابله بالمثل قاعده سنه استناداً حق قزانیلسه
 بیله اخذ ثاره قالشما ملیدر:

«در عفو لذت نیست که در انتقام نیست»

حال بوکه مخلص لرینک خان پای عالیترینه شمیدی به
 قدر بر مکتوب ارسال ایدمه شیم قید سزلقدن متولد بر

حرکت اخوت ناشناسانه نتیجه‌سی اولیوب کیف‌سزل‌کدن
ایلری کلدیکی جه‌تله مقابله بالمثل قاعده‌سی بو باده‌کی
مؤاخذات عاجزانه‌مه سپر اوله‌ماز.

فلان افندی‌یه ارسال بیورلمقده اولان مکتوبلر
خبر عافیتلرینی مبشر اولغله حسب‌ال‌ا‌خوه بادی انبساطم
اولیورسده بونارده نام کترانه‌مه بر سلام بولم‌دیغندن
— نه یالان سویلیهم — پک مکدر اولیورم.

مادام‌که وعد عالیلری وجه ایلله احسان‌نامه ارسالنه
تنزل اولمیور، باری افندی‌یه مومالییه کوندریلن مکتوبلرده
بر سلام ایلله تطیب خاطر عاجزی‌یه تنزل بیورلسون.
بونده‌ده :

«درکنار نامه اغیار یادم کرده»

«تابدانم بعدازین قدر فرامشکارت»

ملاحظه‌سی وازد خاطر اولور، فقط محب قدیم‌لری
هر‌حاله نام کترانه‌می یاد بیورم‌کزی ترجیح ایدرم :

«پیغام آشنا نفس روح پرورست»

باقی التفات عالیرینه شدت انتظار.

— ۵۶ —

دولتو افندم حضرتلری

عهدۀ استیمال آصفانه لرینه . . . نظارت جلیله سنک
تودیعی خبری واصل سمع کتری اولوب ذات حکمت
سمات دستور اکرمیلری کبی بر وجود استقامت نمودک
نظارت مشارالیه یه رونق طراز معدلت اولملری قانون
شناسان دولتی شاد و داعیلری مثالی حکام شریعتی
مسرور الفؤاد ایلدی.

جناب حاکم مطلق ذات دولتلرینی سایۀ خلافتوایۀ
شاهانه ده طغرای آسمان زیور مفارق جهانیان اولدجه
اجرای احکام معدلتیه موفق بیورسون درود مسعودینه
اردافاً ادای فریضۀ تهنیتیه ابتدار و بوسیلۀ ایله ابذل
تعظفات بنده پروریلری استدعاسنه اجتناسار اولندی.

— ۵۷ —

معروض داعی دیرینه لریدرکه

بورایه وصولی متعاقب مزاج عاجزانه مه طاری

اولان علت بش ماهدن بری امتداد ایدوب بو کونلرده کسب
شدت ایتمکده اولدیغندن تبدیل هوا ایتمکلکم بلدییه طبیی
طرفندن توصیه اولمغله جیادت آب وهواسی رشک اور
فردوس برین اولان مرکز ولایتده ایکی اوچ آی قدر
بولمقلمغه مساعدۀ جلیله جناب فتواپناهیلرینک بی دریغ
بیورلمسی بانبده خالک پای مرحمت پیرای ولی النعمیلرینه
ناصیه سای عبودیت اولورم . هر حالده امر و فرمان حضرت
ولی الامر کدر .



— ۵۸ —

سماحتلو افندم حضرتلری

مفتی افندی داعیلرینه بو هفته کلن عاطقتامۀ
سموخیلرنده عاجزلرینه ده التفاته تنزل بیورلمش . بونک
قلب عیدانه مه بخش ایتدیکی انوار انبساط کمتلرینی
مست ساغر نشاط ایلدی .

افندمزدن کورمکده اولدیغم حسن توجهک تشکرات
لازمه سنی احسن وجوه ایله ادادن عجزم بدیدار اولمغله
بو بابتده واقع اولان قصورلرکم عفوینی استدعایه زبانزد

کبار و صغار اولان خصال حمیدہ حکیمانہ لرینہ استناداً
جرأتیاب اولورم .

کیجه کوندوز :

ایلسون اول فاضلی اللہ تایوم القیام
خاندانیله سرای عافیتده برقرار
کلشن اقبانی قیلسون دمام فیضیاب
ایتمسون بروجه ایله پامال قهر روزکار

قطعه سیله تزیین لسان عبودیت اتمکده اولدیغمی حضور
لامع النور منعمانه لرینہ عرضه ماثرت و :

« شربنا و اهرقنا علی الارض جرعة »
« فللارض من کأس الکرام نصیب »

بیٹی مصداق نبجه دائماً الطاف کریمانہ لرینہ مظهر بیوریله جغمی
بیلدیکم ایچون کمال خلوص بال ایله اعلان افتخاره مجاسرت
ایلرم .

— ۵۹ —

سعادتلو افندم حضرتلری

ذات ادیبانه لرینک . . . متصرفلغنه سایه بنجش اقبال
اولدقلرینی ایشیدر ایشتمز افندمز کبی اهلیت جهان-
پسندانلری رشک آور اصحاب درایت و صداقت حکیمانلری
زبا نزد ارباب استقامت اولان بر متصرف صاحب معارفک
قدوم عالیرینی استسعاد وظائف شکر گذاریدن اولمغله ایفای
رسم تبریکه ابتدار و هر خصوصده موفقیات سعادتلری
نیازینی رفع بارگاه پروردکار و بوسه سیله ایله خالک پای
سامیلرینه انتساب شرفه موفق اولدیغمدن طولای
عرض افتخار ایلم .

*
* *

— ۶۰ —

افندمز !

ذات ستوده صفات کریمانه لرندن المقدمه اولدیغم التفاتنا-
مهلری جوابسز بیر اقیوب تقدیم عریضه یه مسارعت فریضه
ذمت اخوت اولدیغی حالده زیور دست ابجالم اولان

۱۷ جمادی الآخره سنه ۳۰۷ تاریخلی مکتوب بلاغت-
اسلوب ادیبانه لرینه در حال جوابنامه ارسال ایده-
مدیکمدن طولای عاجزلرینی نه قدر سرزنش بیورسدلر
بویابده کی حقلرینی تسلیمه مجبورم.

شمندی به قدر تقدیم عریضیه مسارعت اولنه مدیغنی
قید سزلغمه ویره رنه داعیلرینی احبای صادققلری عدادندن
اخراج بیورمه جقلری درکار و مجبول اولدقلری علوجنابه
نظراً بوکجه قصورلرک نزد مکارم وفد رحیمه ندرنده قطعاً
اهمیتی اولدمیه جنهی بدیدار اولوب کماکان حق کترانه مده
اتفات برادرانه لرینک رایکان بیوریه جغندن اهنیم. باقی
اخوت.

— ۶۱ —

فضیلتلو افندم حضرتلری

محضاً توجهات جنب ولی النعمی اثر برکزیده سی
اولدق بوکره دردنجی رتبه دن احسان بیوریان نشان
عثمانی بی تبریک ضمننده ارسال اولنان لطفنامه کرمانه لری

واصل دست کمتری و مفاد عالیهی آرایش حافظه احقری
اولدی.

کوکلمده ذات عالیرینه اولان محبت بی زیا مظهر
التفات مخصوصلری اولدجه برقاچقات دها اعتلا ایده جکی
آشکار و بوبابده کی حسیات شکر گذاراننک تصویر ی خصوص-
صنده عجزم بدیدار اولوب هر حالده منتدار حسن توجهلری
بولندیغمی عرضه مبادرت و ایفای وظیفه عبودیتده اولان
قصورمک عفو ی نیازینه مئابرت ایلرم.

— ۶۲ —

فضیلتلو افندم

حسن توجه فاضلانهلرینه مظهریت هر حالده موجب
رفت اولدیغی وارسته ظنون بر قضیه بداهت نمون اولغله
بو کره انمله پیرای عاجزی اولان احساننامه کریمانه لرینی
باعث مفخرت بر برات سعادت بیلدیکم ایچون بین-
الاقران اعلان اتمخار و نام فضیلت اتسام عالیرینی روز
و شب تذکار اتمکده اولدیغمی حضور سامیلرینه عرض
و انبا و تمادی التفات تعالی پرورانه لرینی استدعا ایلرم.

— ۶۳ —

جناب فیاض مطلق. خلیفہ بالحق. امیر المؤمنین.
 حامی دین مبین ولی نعمت بی امتنا مز پادشاه معالی.
 عنوان مز افند مز حضر تلیخی کمال عافیت و اجلال ایله
 سریر سلطنتده مکین و سایه تعالی وایه خلافت پناهیلرنده
 اصدقی داعیان دولتی کامبین بیورسون. آمین.
 بالجله اسلامیانک آستان خلافت بدیان خسرواندهلرندن
 بشقه پناهی و باخصوص یازده خمول اولان بی چارکانک
 خالک پای عیون آرای ملوکانهلرندن غیر التجا کاهی اولمده.
 یغندن جد امجد شهریاریلری جنت مکان سلطان سلیم
 خان حضر تلرینک جامع نور لامعنده اہمت خدمتیلہ
 وقتگذار و پدر کرامت اثر تاجداریلری فردوس آشیان
 عبد المجید خان حضر تلرینک تربتہ شریفہ سندہ سبحة شمار
 اذکار اولان داعی کمتلری شہیدیہ قدر برکلبہ جات
 تدارک ایدہ میوب کرا بو جاقدرنده وقت کچیر مکده
 اولدیغندن و بوکا ایسه مرحمت مسلمتہ شاہانہلری قائل
 اولمہ جغی کالشمس فی وسط النهار بدیدار بولندیغندن
 کمال افتقار ایله شفقت عالم پسندانہلرینہ صیغینہرق ...

جوارنده ... محله سنده ... زقاقنده محلول اولان
ایکی او طه بی مشتمل ... نومرولو خانہ بی عبدعاجزلرینه
احسان ایلہ کرفتار اولدیغم مضیق اضطرار بدن رها بیورلمق
بابنده امر و فرمان شوکتلو مرحمتلو پادشاهمز افندمز
حضر تلینکدر [۱].

— ۹۴ —

بواہت معظمہ و وجود شاهانہ لری محض لطف باری
اولان خلیفہ عدالت آیین، ظل ظلیل رب العالمین،
پادشاه شفقت عنوانمز، شہنشاہ بی امتنا مز افندمز
حضر تلی تحت عالی بخت عثمانیہ رونق طراز معدلت
وامور سلطنت سنیدی ید مؤید خسروانہ لرینہ آلب
جہانی حیرتده بیراقان حصافت دیندارانہ لریلہ شان
اسلامیتی اعلا یہ بذل مقدرت بیوردقلری کوندن بری
هر زمان بر صورتله بتون افرادملتی مستغرق نعم بی حساب
وباخصوص کافہ داعیان دولتی زلال احسانیلہ سیراب
ایده رک یاری سرفرو بردہ شکران، اغیازی علویتنہ حیران
بیورہ کلدکلری مشہود باصرہ عالمیاندر .

[۱] بو مسوده مکتبده استکتاب ایڈیلن مسوداندن دکلدر .

الطاف جهان مطاف شاهانه لرینک بیکده برینک
کمالیه حق تشکرینی ادادن :

«بی لطف تو من قرار نتوانم کرد»

«احسان ترا شمار نتوانم کرد»

«گر بر تن من زبان شو دهر مویی»

«یک شکر تو از هزار نتوانم کرد»

منطوقنجه اسان ملت هم حالت لال و بویله بر شهریار
مکارم کردار و تاجدار اسکندر و قازک سایه مرحمت
وایه ملوکانه لرنده بولندقلرندن ناشی بختیارقلرینک
درجه سنی تعیین ایتک امر محالدر .

منتدار لطف بی شماری اولدیغمنز او سلطان جم
حشم . مدرسه نشین داعیلرینی هر زمان دلسیر نعم
بیوردقلری کی بوکرده حجرد نشینی بولندیغمنز
مدرسه سنه بک بنده لرینی اعزام ایله قربانلر
کسیله رک هر برلر مزه مقدار مناسب عطیه احسان و قلوب
مکترانه مزی آب حیات التفات ایله ریان بیورمش اولدقلرندن
صلوات مفروضه عقبنده مداومی بولندیغمنز دعای
واجب الادای شاهانه لرینی تکرار ایدوب بولطف جلیک

ادای شکران علنیسنه مبادرت وبوصورتلهده ایفای
وظیفه عبودیتهموفق اولدیغهمزدن طولانی عرض مفخرت
ایلرز .

همان جناب ارحم الراحمین، امیر المؤمنین، حامی دین
مبین ولی نعمت بی متمز سوکیلی پادشاهمزا قدمز
حضرتلرینی مقام مقدس خلافتده دخواه شاهانه لری
وجه ایله کامبین بیورسون. آمین.

— ۶۵ —

جناب احکم الحاکمین روز جلوس سعادت افروز
هایونلریله برابر جهانی مظهر لطف وعدالت وجهانیانی
مستغرق انوار علم ومعرفت بیوران آفتاب سپهر عثمانی
ولی نعمت بی متمز (عبدالحمید) خان ثانی افندمز
حضرتلرینک کعبه قلوب موحدین اولان قلب حکمت-
پرورلرینی دائماً نور سروره قرین بیورسون آمین .
پادشاه دیانت پرور، شهنشاه عدالت کستر افندمز
حضرتلرینک اخص آمال شهریاریلری دولتک ازدیاد
اجلالی اولدیغنه یار وایغاری حیرتده بیراقان اجرات

حسنه لری شاهد صادق وعین عنایات تاجداریلری مملکتک
حصول سعادت حاله معطوف بولندیغنی ترقی معارف
خصوصنده کی همم مستحسنه لری ناطقد ر .

سایه فیض وایه خسروانده لرنده هر صنف بندکان
مسالك منجیه معارفده احراز شان ایتکده اولدقلری
کبی مکتب نواب طلبه سنک ده بو بایده کسب امتیازه سعی
وغیرت ایدرک هر وجه ایله ابراز لیاقت ایلکده بولندقلرینه
سنین سائرده نسبت بو سنه مکتب مذکور دن چیقان
افدیله ک حین امتحانده ابراز ایتدقلری اهلیت بر صورت
واضحده دلالت ایدر .

شهریار حقایق رهین، امیر المؤمنین افسدمز
حضرتلرینک حسن اجرای احکام شرعیه خصوصنه
مصرف بیوریان همم جلیله خلافتناهیله جملهنک
بالافتخار قرین تصدیقی اولمق و مکتب مذکور دن نشأت
ایدن افدیله شرع شریفک باشلیجه وسائط اجرای
احکامندن بولمق جهتنه بوسنه چیقان افدیله پک مهم
اولان بودار التحصیلات اهمیتنی پادشاهمز افسدمزک مقصد
هایون حضرت ملوکانه لرینه موافق بر صورتده تقدیر
ایله کرک شرع مینه وکرک آنک حامی مقدمی بولنان

حضرت امام المسلمینہ کر چکدن خدمت ایدہ بیلیمک اوزرد
 وقتلرینی قطعاً بوش کچیر میوب علوم شرعیہ تحصیلہ
 چالشمشدر و سنین متقدمہ دہینہ بو مکتبدن چیقمش
 اولان افندیلرہ فائق اولدقلرینی بو کورہ اجرا قیلنان
 امتحانلرہ موقع ثبوتہ ایصال ایتمکہ موفق اولمشلردر .
 کچن سنہلرہ چیقان افندیلرک بر خیلیسی ادنای مراتب
 عد اولنان (خامسہ) بی احرازایله قناعت ایتمش اولدقلری
 حالده بو سنہ چیقانلرک ایچندہ (رابعہ) دن آشاغی قالان
 بولنامسی دخی بومدعای اثبات ایچون بر دلیل قوی عد
 اولنسه بجادر .

هان جناب موفق الامور پادشاهمز افندمز
 حضرتلرینی کمال شوکت وعافیتله دائماً اعلاى شان شریعتہ
 وبالجملة بندکان صداقت نشانلرینی رضای معالی پیرای
 شهنشاهیلرینہ توافق ایدہ جک صورتده ایفای خدمتہ
 موفق بیورسون. آمین :

« آمین آمین لارضی بواحدة »

« حتی اضيف اليها الف آمینا »

— صوڪ —

اشرف ہندوستان کے اعلیٰ ترین شہزادہ

شیخ وصفی

Bodāyī

بدایع

رسمی، ادبی بعض مسوداتی حاویدر

معارف نظارت جلیہ سنک رخصتیلہ

صاحب ونامری : کتابچی آراکل

استانبول

مطبعة نشان بربریان — اسکی ضبطیہ جادہسی نومرو ۶۱

۱۳۱۰



﴿ افادۀ مخصوصه ﴾

مکاتب عالیہ نک برنجیلرندن معدود اولان و تحت
نظارت جناب شیخ الاسلامیدہ بولنان مکتب فیض مکسب
نوابدہ من غیر لیاقہ انشا معلی بولندیغم جہتہ طلبہ یہ
عاجزانہ استکتاب ایتدیکم مسوداتی بوندن اول «لوامع»
نامی آلتندہ طبع ونشر ایتدیرمش ایدم .

الدہ استکتاب طریقہ یئہ بر طاقم مسودات بیرکد-
یکندن بونلرکده طبع ونشرینی طلبہ موما الیہم رجا
ایتدکلری جہتہ دکر سزلکنہ باقیہرق «بدایع» عنوانی
آلتندہ میدان انتشارہ وضعی خصوصنہ جسارتیاب
اولدم . ومن الله التوفيق .

شیخ وصفی

بدایع

— ۱ —

نظرگاه ساهی جناب مشیختپناهیله

معروض داعی دیرینه لیدرکه

امیرالمؤمنین نائب مناب رسول امین پادشاهمز افندمز
حضرتلری روز جلوس عدالت افروز هایونلرندن بری
بالجمله مناصبی اربابنه احسان وجهان عثمانینک ازدیاد
شاننه مصروف اولان ارادات محاسن غایات خسروانه لریله
بتون تبعه صادق شاهانه لریخی سرفرو برده زمین شکران
بیورمقدمه اولدقنری مثللی بوکرده ده جاه جلیل فتوایی
اهلیت و صداقتی جمله عننده مسلم افندمز کی برذات
مکارم شیک عهده استیبال دولترینه تودیع بیورده رق
انوار عبودیت ایله مالی بولنان قلوب داعیانی مستغرق
بحر شادمانی بیورمشلردر.

کتر لری ده بوشوق ایله صبح و مسا پیرایه السنه اصدقا
اولان: «جناب یزدان حامی شرع مبین نجبه سلاطین
عدل آیین خلیفه بی مدانی غازی عبدالحمید خان ثانی
افدمز حضرتلرینی انوار جلیله قرآن رونق طراز محکمه
جهان اولدجه سریر شوکت مصیر عثمانیده حکمران
بیورسون.» دعای فیض اتماسنه اردافاً ذات ستوده
صفات ولی النعمیلرینک سایه آسمانیایه حضرت پادشاهیده
کامبین والی آخرالدوران مقام معلاهی مشیخته کمال اقبال
ایله مکین اولملری ایچون بارگاه قاضی الحاجاته رفع دست
نیاز اتمکده اولدیغمک عرض و بیانه ابتدار و تأیید
رابطه رقیته وسیله اولور امیدیه ترجمان وجدانم اولان
قصیده آتیه نیک خاک پای ناصیه پیرای فتوایناهیلرینه تقدیمه
اجتسار قیلندی.

قصیده مذکوره دکر سرلکنه باقلیه رقی تنزلاً نظر
التفات آله حق اولورسه عاجزلری ایچون نه بیوک شرفدر.
هر جهته مستلزم مباهات عظیمه اوله حق بویه
بر شرفدن محروم بیر اقامقلم خصوصنی شیمه کریمه عجزه
نوازیلرینه استناداً تمنا و حق درویشانه مده ابدال بیوریه

کلن توجهات مکارم غایات بنده پروریلرینک بقا و تزیادی
استرحامنه اجترا ایلرم . هر حالده امر و فرمان حضرت
ولی الامر کدر .

﴿ قصیده ﴾

ای سر افراز عالیٰ معالی عنوان
اعقل دهری ایدر فکر متینک حیران

سنسین اول ناطقه آرای حکم پرور کیم
لال اولور مجلس فیضکده سخن پردازان

سنسین اول مردکر مکستر دریادل کیم
لجۀ مرحمت و لطفکده یوقدر پایان

سنسین اول زبده ارباب اصالت که مدام
وجه پاککده ایدر نور نجابت لمعان

سنسین اول مردمک اعین اصحاب دها
که ایدر مسلك عالیکی جهان استحسان

بوله‌ماز شیمه پاکیزه که بر کیسه قصور
حسن اطواریکه دلبسته در اهل عرفان

اعتراف ایلور اهلیتکی دشمن و دوست
فضل و عرفانکه بوندن بیوک اولماز برهان

ایلدی فروء بیضا ایله قدرک برتر
راه صدق ایچره کوروب ذاتکی شاه دوران

اوله برشاه دل آگاه کرم پیرا کیم
درکه اقدسیدر ملجأ اهل ایمان

سایه انداز اوله‌لی تختکه سلطنته
اولدی کوندن کونه انوار عدالت رخشان

روش معدلتی باعث شان دولت
مسلك مرحمتی السنه آرای جهان

نه شرفدز بوکه بر بویله شهک عصرنده
شیخ الاسلام جهان اولدک ایا نادره دان

نه قدر ایلسه اطرا قلم اوصافکده
ایده منز بیکده برین سلاک بیانہ اتیان

کنج معنیده بولتماز سکا لایق تعبیر
عاجزم ایلیم مدحکی حقیله بیان

عجزمی معترفم وصفکه قارشی یوقسه
شمدی اعجاز معانیده بنمدر میدان

شعرم آرایش کلزار سختدانیدر
طرز انشادم ایدر بلبل نظمی رقصان

ایلرم ملک معانی بی سراسر تسخیر
هرنه دم وادی نظم ایچره ایدر سه جولان

رفعت شعرمه دلداده علو معنی
برغزلله ایدیم پایہ طبع اعلان

« اولدی عشقیله کوکل برکوزلک سرکردان
نازنینانی ایدر حسن اداسی حیران

زلفی سنبل رخی گل دیده سی ترکس لبی مل
اوپری صورته عاشق نصل اولماز انسان

رشك ايدر قامت بالاسنه سرو آزاد
ایمرنیر شیوه رفتارینه تسنیم روان

نیر برج ملاحظدر اوشوخ طنناز
جان ویرر حبس دلاراسنه ماه کنگان

ایتمسده ایمسده لطفنه شایسته بی
فرش خاک قدم نازکی اولسون دل و جان «

پایه طبعی اظهاره نه حاجت وصفی
سنتی اعلی بیلیر اول عارف پیداونهان

ایده رک طی کلام ایله کافی الاول
روز و شب ادغیه عالیهن ورد زبان

سایه معدلت آزای شهنشاهیده
ایله ذاتی هرایشه موفق یزدان

دمبدم قصر دلی کعبه اشواق اولسون
ایلدجه دوران طاق سجادہ قران

° °

— ۲ —

معروض داعی دیرینه لریدرکه
توجهات باهر الفیوضات بی کس نوازیلرینک ادا
حق تشکرندن عاجز ایسه مده هر زمان:

یارب بشرع انور مفتی الانام عصرک
کوندن کونه جهانده اقبالن ایله مزداد
کوسترمه روی محنت لطفکله قیل تجلی
کاشانه فؤادی اولسون مسرت آباد

قطعه سنی ورد زبان ایتمکده اولدیغم کبی وسائل انبساط
افروز چهره کشای بروز اولدجه مده برای تجدید رشته
انتساب خاک پای ناصیه پیرای جناب شیخ الاسلامیلرینه
دخی عرض عبودیتہ شتاب ایتمککی لازمه صداقت بیلدیکم

جهتله سنه جديده نك شرف حلولنى نعم الذريعه عد ايله :

يارب بعصر سيد كونين حشره دك
ايام عمرين ايت اوكر مكسترك مديد

نوسال خوش ورودينى فرخنده فال قيل
هر لحظه ايله رونق اقبالنى مزيد

قطعه سنى كويا اوله رق ايفاي فريضه دسم تبريكه مشايرت
ويكانه باعث فيضم اولان انظار محاسن دثار گراميلرينك
استزاده ابذالى بابتده تقديم قبالة رقيته مجاسرت ايلرم.
هر حالده

— ۳ —

معروض داعى ديرينه لريدركه

آستان جناب مفتى الاناميلرينه كسب انتساب من كل
الوجوه باعث شرف بى حساب اولوب بونك ايفاي
تشكرى ايجون هر بار ادعيه خيريه مشيختپناهيلريله تزيين
لسان صداقت شعار ايتكمده اولديغم كى وسائل جميله

دوشدجکده خصوص مذکورک عرض و بیانی جمله
وظائف رقتدن بیلدیکم جهته ایله معراج باهرالابتهاج
حضرت فخر رسالتک حسن حلولی فرصت عد ایددرک
تقدیم عبودیتنامهیه مسارعت وعاجزانه ایله شریفه
مذکورهنک تبریکنه اردافاً حق کمتریده بی درینغ بیوریلان
توجهات فیض غایات ولی النعمیلرینک بقا وازدیادی
تمنایسنه محاسرت ایلرم. هر حالده

۰۰

— ۵ —

معروض داعی دیرینه لریدرکه

عبد احقرلری یتیمش اوچ تاریخنندن بری باب والای
مشیخت عظمی ایله بر چوق نیابتلرده بولنه رق ایضای
حسن خدمت ورضای بارییه موافق حرکتله استجلاب
دعوات خیریّه حضرت پادشاهییه غیرت ایتیمش داعیانندن
اولوب مأموریت اخیره عاجزانهم اولان . . . ولایت
جلیله سی مرکز نیابتنده ایکن ظهور ایدن حادثه مندفعهده

مجرد توجهات محاسن غایات جناب فتوا پناه یلرینک
 ثمره باهره سی اوله رق حصوله ککن موفقیت ناچیزانه
 لطفاً رهین تقدیر عالی بیورلمسیله و ذاتاً رؤس داعیانه مک
 توجیهی یکر می سکر سنه نی متجاوز بولنمسیله احسان
 بیوریلان از میر پایه مجردینک موصل بلاد خمسہ اولمق
 اوزره مخرج پایه سیله تصحیحنه ولایت مذکور هدن درسغاده
 عودت عیدانه می متعاقب خاکی پای امل بخشای ولی التعمیلرینه
 وضع جبین عبودیت ایتدیکم صیره ده وعد جلیل
 مراحم دلیل کر مکاریلری شرف تعلق ایتش اولدیغندن
 عاطفت مسئله بنده نوازیلرینه استناداً وعد عالی وجه ایله
 تصحیح رتبه کترانه مخصوصنه مساعدت جلیله شیخ الاسلام
 میلرینک رایکان بیورلمسی نیازینه مجاسرت ویکانه باعث
 ازدیاد فیضم اولان انظار مکارم دثار گرامیلرینک استزاده
 ابذالی بابنده شفقت معالی منقبت منعمانه لرینه کمال ابتهال
 ایله دخالت ایلرم هر خالده

معروض داعی دیرینه لریدرکه

بوندن برسنه مقدم بعض اسنادات واهیه اوزرینه
 تحت محاکمه آلتش وجریان ایدن محاکمه نتیجه سنده
 من کل الوجوه برائتی اثبات ایتش ایسه مده هنوز محل
 مأموریت کترانه اولان سنجاغی وکالتله اداره
 ایندلمکده اولوب احقرلری شوراده بوراده سرکردان
 کز مکده وکوندن کونه احوال ضحرت اشتالم اشتداد
 ایتمکده اولدیغندن ومظلومیتی تظاهر ایدن داغیلری کبی
 بر عاجزک مدت مدیده معزول بیر اقیله رق پامال اولمسنه
 مرحمت معالی منقبت جناب ولی النعمیلری هیچ بروجه
 ایله راضی اولیه جنی بدیهی بولندیغندن نیابت مذکوره یه
 اعاده ایله احیا بیورلمقلغم خصوصنی تمنی یه جرأت ایلرم.
 هر حالده

معروض داعی دیرینه لریدرکه

رادویشته قضانک آب وهواسیله امتزاج اولنه میوب
 ناسلیج قضانسه تحویل نیابت ایدلمش وهنوز کمالیله کسب
 عافیت ایدیله میوب مدت نیابت عاجزانه مک ختامنده
 پک آز برشی قالمش اولدیغندن تجدید مدته عنایت
 مراحم منقبت جناب مفتی الانامیلری ساحه آرای بروز
 اولورسه دوچار اولدیغیم دیون بی شمار ایله خسته لکک
 پنجه قهرندن قورتاریلوب یکیدن احیایورلمش اوله جغمندن
 — هر نه قدر موافق لوازم عبودیت دکلسه ده — خاک پای
 ناصیه پیرای ولی النعمیلرینی تصدیعه مجبور اولدم.

آستان دولترندن باشقه پناهم و احوال ضجرت
 اشتغال کترانه می عرض ایله استدعای مرحمت ایده جک
 برامیدکاهم اولدیغندن بیان حاله اجترأ و پیرایه لسانم
 اولان: «جناب پروردگار ذات ستوده صفات فتواپنا-
 هیلرینی شمس وقر طاق سماءه جلوهر اولدجقه مقام
 معلائی مشیخته برقرار بیورسون آمین.» درود مسعودینه

ترديفاً مسئّل ناچيزانه مك اسعافى خصوصنى كال ابتهاج
ايلاه تمنا ايلرم. هر حالده

~ ~

— ۷ —

معروض داعى دیرینه لریدرکه

من غیر لیاقة عهدۀ عاجزانه مه تحمیل بیوریان
عشاق مفیلکنده اون سنه دن بری ابراز حسن خدمته
ورزش تام وزیر السنۀ اسلامیان اولان دعوات خیریت
آیات حضرت پادشاهی ایله امرار ایام ایلکده ایسه مده
خدمت مذکورۀ عائله کترانه مک امر تعیشنی تأمین
ایده میوب بار کران ضرورت آلتنده ازمکده بولندیغمدن
وبوکا ایسه بتون داعیانه مددرس یکانه اولان شفقت
بنده پرورلری راضی اولمیه جفی بیدار اولدیغندن حال
یأس اشتماله مرحمة طریق فیض رفیق نیابته قید وقبولم
ایله عهدۀ عبیدانه مه صنف رابعدن برقضا نیابتی احسان
ودوچار اولدیغم شو درد تحمّل سوزدن بو صورتله رهایاب

اولمقلغم خصوصنه مساعدۀ جلیله جناب فتواپناهیارینک
ارزان بیورلمسی تمناسنه اجتناسار اولندی. هر حالده

..

— ۸ —

معروض داعی دیرینه لریدرکه

(... .) نیابتندن انفصالم ایکی سنه نی تجاوز ایتدیکی
حالده هنوز مناسب بر قضا نیابتنک عهدۀ عاجزانه مه
تودیمی خصوصنه عنایت بیورلمدیغندن احوال ضرورت
اشتمال کترانه م ناقابل تحمل بر درجه یه کلدیکی وبوکا ایسه
آثار فیض مداری هر آن برر صورته ساحه زیب شکران
اولمقلده بولنان مرحمت عجزه پروریلری هیچ بر وجه ایله
قائل اولیه جفی بدیهی بولندیغی جهته یقینده آچیله جق
اولان . . . قضای نیابتنک احسانیه احیا بیورلمقلغمه
مساعدۀ جلیله جناب ولی التعمیلرینک بی دریغ بیورلمسی
نیازی باینده خاکی پای مکارم احتوای دولترینه وضع
جبین عبودیت هرنه قدر موجب تصدیع ایسه ده متجاسر
اولدم. هر حالده

..

معروض داعی دیرینه لریدرکه

ایچ ایل سنجانی مفتیلکی اون بش سنه مقدم عهده
 داعیانه مه احواله بیوریلورق ایضای حسن خدمتله مغایر
 شرع شریف هر بر حرکتدن اجتناب و طرف ذی شرف
 حضرت پادشاهی به ادعیه خیریه جانبه سعی بی حساب
 ایتش اولدیغیم لوای مذکور مجلس اداره سندن تنظیم
 و مربوطاً پیشگاه دقایق اکتناء جناب فتواپناهیلرینه
 تقدیم ایدیلن مضبوطه دن آکلاشیاه جنی کبی بو خدمت هر نه
 قدر باعث منفخرت ایهده مفتیلکه مخصوص وظیفه یوز
 اللی غروشدن عبارت اولوب بونکله طقوز نفره بالغ
 اولان عائله عبیدانه مک اعاشه سی تأمین ایدیله میه جکی
 بدیهی بولندیغدن و شمدی به قدر اوتیه دن بریدن استدانه
 ایله یاشانه بیلوب بو حالده دوام ایهه قابل اوله میه جغندن
 احوال ضرورت اشتماله مرحله طریق سعادت رفیق
 قضایه قید و قبول ایله شو مضیق اضطرار بدن رها

بیور لمقلغمی هر حالده مددرس بی چارکان اولان عاطفت
مسئله شیخ الاسلامیلرندن تمنییه مجاسرت ایلرم. اول بابده

..

— ۱۰ —

معروض داعی دیرینه لریدرکه

محکمه شرعیه تعمیر قبول ایتمز درجه لرده مشرف
خراب اولوب تجدیدی خصوصنده اصحاب حیتک مروت
دیندارانه لرینه مراجعت اولندوقده بذل مقدور ایلیه جکلری
آکلاشلغله بوصورته مساعدۀ جلیله جناب فتواینهایلری
بی دریغ بیوریلورسه اشراف مملکتک معرفت لریله بر اعانه
دقتی کشادینه مبادرت ومفتی افندی داعیلریله قائم مقام
بک بنده لرینک نظارتی آلتنده جمع اعانه یه مباشرت
وتقدیم خاک پای دولترلی قیلنان رسم مؤجبنجه امر
انشاسنه مسارعت ایدیله جکلره عرض و بیاننه مجاسرت
اولندی. هر حالده

..

— ۱۱ —

معروض داعی دیرینه لریدرکه
مفتی افندی داعیلرینک تحقیق احوالنه دائر شرف
وارد اولان امرنامه جناب مشیختپناهیلری مال منیفی
معلوم کترانه م اولدی.

بو بایده اطرافلیجه تحقیقاته کیریشلرکده افندی
موما الیه هریرده اولدیغی کبی بورا دده اکسک اولمیان
بعض متولینک اغراض نابجالرینه قضا منر قائم مقامی فلان
بک بنده لری مثالی آلت اولیه رق سرمو شریعت غرادن
انحراف ایتمه مکة بذل مقدور و بویله لره هیچ بر وقت یوز
ویرمیه رک اصلاحنه جهد نامحصور ایلرکده بولندیغی تبیین
ایتمکله تقدیم عریضه یه ابتدار قیلندی. اول بایده

.

— ۱۲ —

معروض داعی دیرینه لریدرکه
فلان و فلان آغالر بیننده متکون دعوانک سورونجمه ده

پیرا قلیوب سرعت فصل و حسینی آمر فی ۱۷ ربیع الاول
سنه ۳۰۸ تاریخ فی ۴۹ نومرولو امرنامه فتوا پناهیلری
واصل انامل تکریم ومال منیفی مدرکه پیرای تعظیم
اولدی.

دعوای مجوٹ عنھانک شمعیہ قدر تأخیری رخا-
وتدن تولد ایتیموب منازع فیہ اولان باغک مجلندہ کشف
ومعاینہ سی لازم کلمسندن ومذکور باغ قضایہ سکز ساعت
مسافہ سی اولان فلان قریہ دہ اولوب بورالردہ ایسہ اوچ
آیدن بری شتا فوق العادہ حکمنی اجرا ایتمکدہ بولنمندن
ایلری کلدیکی وهوالر آچیایر آچلماز کشف ومعاینہ خصو-
صی بعدالاجرا فصل و حسنه شتاب ایدیله جکی حضور
معدلت نشور مفتی الانامیلرینہ عرض اولنور. ہر حالہ

• •

— ۱۳ —

معروض داعی دیرینہ لریدرکہ
بورا محکمہ شرعیہ سی اوطورلماز درجہ دہ مشرف

خراب اولغله تجدیدی ایچون متولین اهالی لسان مناسب
ایله تشویق اولنه رق اعطای اعانه خصوصنده بذل مقدرت
و بو بابتد مفتی افندی داعیلریله قائم مقام قضا فلان بك
بندعلری عاجزلرینه معاونت ایتدکیرندن پیشکاه معالی
اکتتاد جناب شیخ الاسلامیلرینه تقدیم اولنان رسم موجنبجه
محکمه مذکوردهك وضع اساسنه مابرت قیلندیغی فی ۱۱
مارت سنه ۳۰۶ تاریخیه خاك پای سامی فتوا پناهیلرینه
عرض و بیان ایدلمشدی .

بوکره محکمه مذکورده بحول الله تعالی اکمال اولنه رق
رسم کشادی ولادت باهر السعادة حضرت نبویه مصادف
اولان یوم مسعودده صورت مظنهده اجرا و بو وسیله
جمله ایلهده هر زمان آرایش السنه اسلامیان اولان :

« جناب رب عزت مجدد بنیان سلطنت اولان شهریار
عمران پرور و تاجدار معالی کستر افندمن حضرتلرینك
قلب شاهانه لرینی مشرق انوار سرور و سایه معموریتوایه
خسروانه لرنده ممالك عثمانیه یی برقات دهها معمور بیور -
سون آمین . »

دعای فیض انتماسی ایصال اجابتکاه جناب کبریا

قیلتمش اولدیغنك عرض وانباسنه مسارعت وشو موفقیت
 کترانه مک محضاً حق نامستحق عاجزیده ابدانسه تنزل
 بیوریلان توجهات باعث المباهاة مشیختپناهیلرینک اثری
 اولدیغنی کمال افتخار ایله اعتراف ایدهرک محتاجی بولندیغم
 حسن انظار محاسن دثار بنده نوازیلرینک بقا وازدیادی
 نیازینه مجاسرت ایلرم . هرحالده

— ۱۴ —

معروض داعی دیرینه نریدرکه

مفتی افندی داعیلری مداخلات نابجاسیله موکول
 عهدۀ داعیانهم اولان امور قضایی تشویش وحق عاجزیده
 برطاقم اسناداتده بولنه رق اذهان اهالی بی تخدیش ایتمکده
 اولدیغندن وافندی موما الیهک اغراض نفسانیه سنه قربان
 اولمازدن اول بورادن تباعد ایتمکلمکم وجائب احتیاط
 پروریدن بولندیغندن همان استغفای کترانه مک قبولیله
 چراغ بیورلمقلغم بابنده امرو فرمان حضرت ولی الامر کدر .

معروض داعی دیرینہ لریدرکہ

محکمہ شرعیہ باش کاتبی فلان افندی داعیلرینک
علینہ اقامہ اولنان دعوانک فصل وحسمیلہ نتیجہ حکمک
خاک پای مراحم احتوای مفتی الانامیلرندن استعلامنی
متضمن فی ۲۷ ربیع الآخر سنہ ۳۰۸ تاریخلی و ۲۵
نومرولو امرنامہ جناب شیخ الاسلامیلری زیور هامہ
عاجزانہم ومأل حقایق اشتمالی معلوم کترانہم اولدی .

کاتب مومالیہ کویا فلان محلہده واقع معلوم الحدود
برقطعه منزل عرصه سنی بنمدر دیه فلان اوغلی فلان آغایه
فراغ ایتمک اوزره بیک غروش آلمش وحال بوکه سالف -
الذکر عرصه شریفه خانم نامنده بریسنک عہده سنده
اولدینی آکلاشلمش اولمغله علینه طولاندریحیللق دعواسی
اقامہ اولنمش ایسهده مزبورده شریفه خانم افندی مومالیہک
خاله سی اولوب عرصه مذکورہ مؤخرأ آغای مرقومه
فراغ ایدلدیکی وبوبابده جزایه تعلق ایدر برجهت کوریلہ -
میوب افندی مومالیہک برائتنہ حکم اولنہرق منع

محاکمه‌سنه قرار ویرلدیکی حضور معدلت نشور فتواپنا-
هیلرینه عرض اولنور. هر حالده

— ۱۹۶ —

معروض داعی دیرینه‌لریدرکه

بورایه کله‌لی وجودم آب وهواسیله امتزاج ایدهمیوب
صیغه دینیلن یادکارک اضطراب طاقت شکنانه‌سنه تحمل
ایله برابر ادای وظیفه‌ده قصور ایتهمکه غیرت ایلیورسه‌م‌ده
بوکونلرده علت مذکوره حکمنی شدتله اجرایه باشلایوب
مقاومته مجالم قالمدیغندن مناسب بر قضایه تحویل نیاتم
خصوصنه مساعدۀ مرحمت عادۀ جناب ولی النعمیلرینک
بی دریغ بیورلمسنی یکانه التجاکاهم اولان دارالامان
سماحتلرینه ناصیه سای عبودیت اوله‌رق تمنی ایدرم.
هر حالده

معروض داعی دیرینہ لریدرکہ
 نیابتی عہدہ کمرانہ ماہ حالہ بیوریان فلان قضایہ
 مواصلت ایدلی بغایۃ اللہ تعالیٰ امور ماموردی حسن
 ایفایہ چالشیورسہ مده ایکی آیدن بری مبتلا اولدیغ صیغہ
 دینیان علت طاقت کدازدن خلاصک چاردسنی بولہ میوب
 علت مذکورہ الآن حکم فرما اولدینی واطبای حذقہ دن
 فلان بک بندہ لرینک ویرمش اولدینی راپور مألندن
 آکلاشیہ جنی وجہ ایلہ تبدیل آب و هوا ایتکلکم لازمہ دن
 بولندینی و حال بوکہ بوجوارده هواسی کوزل بریر اولمدینی
 جہتہ فلان قضا ناہی فلان افندی داعیلریلہ مخابرہ
 اولنوب افندی مومالیہ بجایش قضایہ موافقت ایلدیکندن
 مسلم انام اولان شفقت عالم پسندانہ لرینہ صیغہ رق بجایشمرہ
 مساعدہ جالیہ قنواپناہیلری رایکان وشاید بوخصوصہ
 مساعدہ بیورلمازسہ یریمہ دیکرینک تعیینیلہ استغضای
 عاجزانہ مک قبولی خصوصندہ اظهار احسان بیورلمسنی
 کمال ابتہال ایلہ استرحام ایلرم . ہر حالہ

— ۱۸ —

معروض داعی دیرینه لریدرکه

عاجزانه شمیدی به قدر بولندیغم فیابلترده منهج استقا-
متدن آیرلامغه غیرت وبوصورتله استجلاب دعوات خیریة
حضرت پادشاهی به بذل مقدرت ایتمکده اولدیغم باب فتواجه
معلوم ایسهده اوتهدن بری محکمه نظامیه مدعی عمومی
معاونی فلان افندی بنده لری محکمه شرعیه به عائد دعاوی به
مداخله به آلتشمش اولدیغندن افندی مومالیه به بوبابده
میدان ویرلمدیکی جهتله حق کترانه مده عداوت پیدا ایدوب
داعیلرینی لکه لک ایچون بوکونلرده علیهمده خالک پای جناب
شیخ الاسلامیلرینه تقدیم اولنحق اوزره برطاقم اسنادات
واهیه بی حاوی بر مضبطه تنظیمی خصوصنه اهالی بی
تشویق ایتمکده اولدینی خبر آلتغله حضور عدالت نشور
مفتی الانامیلرینه عرض حاله مجاسرت ایلرم . هر حاله

— ۱۹ —

معروض داعی دیرینه لریدرکه

من غیر لیاقة ناجی بولندیغم . . . قضاسی نیابتدن

مدت عاجزانه مک انقضاسنه آلتی آی قاله . . . قضاسی نأبی
ایله حسب الایجاب بحالشمزه فرمان بیورلمش ایدی.
هو الرک فناغنه باقلیه رق همان یوله چیقلمش و بناءً علیه
بر چوق مصارف اختیاریه قضای مذکوره وارلمش
اولدیغندن تلافی مافات ایچون مددرس بی چارکان اولان
مرحمت مسلمة مشیختپناهیلرینه دخالتله مدت کمترا نه مک
تجدیدی خصوصنی تمنا ویکانه مدار تفیضم اولان حسن
توجه ولی النعمیلرینک حق داعیانه مدده بقا وازدیادی
استرحامیه خاا پای امل پیرای دولتارینه - مجبول
اولدقلری خصلت نجیبه عجزه پروریلرینه استناداً -
تقدیم عریضه ناچیزی یه اجترا ایلرم. هر حالده

° °

— ۲۰ —

معروض داعی دیرینه لریدرکه

نیابتی عهدۀ داعیانه مه احسان بیوریلان . . .
قضاسنه کیتدیکم کوندن بری مصالح عبادی برسرعت

ممکنه ايله برنج شرع شريف رؤيت و بصورتله استجلاب
 دعوات خيريه حضرت پادشاهيه صرف ماحصل غيرت
 ايلكده ذره قدر قصور ايتديكم حالده كويا محكمه ده
 ايشلره باقايوب اعلاملر زمانيله اصحابنه ويرلديكي
 حضور معذرت نشور شيخ الاسلاملرينه برغر ضكار طرفدن
 اخبار و بونك مقام مشيخت عظمادن مقارن صواب اولوب
 اولمديني خصوصي قائم مقام قضادن لدى السؤال موما -
 اليه ده مجلس اداره اعضاسندن فلان آغانك تشويقيله
 اسنادات واقعه يي طوغري اولمق اوزره خاك پاي
 دولتلىرينه عرضه تصدى ايتديكي استخبار اولمغله - هر
 نه قدر بوكي اصحاب اغراضك عوعوه قيانندن اولان
 تفوهات نابجاليينه حواله سمع اعتبار بيورلماز سده -
 اسنادات مذكوره يه وجود ويريلوب لايقيه تحقيق
 اولمغسز ين عزلم طرفنه كيدلمه مسي استرحامنه مجاسرت
 و حمايه شفقت و ايه مفتي الاناميلرينه دخالتله كبار و صغار
 حقنده مبذول اولان مرحمت مسلمة فتواپناهيارندن
 حصه دار عاطفت بيورلمقغم نيازينه مبادرت ايلرم،
 هر حالده

— ۲۹ —

معلم الکمال افندمنز

مشاهده دیدار دها دثاریکنز ایله هنوز قریرالین
اولمق دولته مظهر اوله مدمسده اوتدن بری آثار
برکزیده فاضلانلری مطالعه سیله شرفیاب اولمقده بولندیغم
جهتله ینه بختیارم.

بو باده عهد تلیذانه مرتب ایدن وظیفه شکر-
گذاری نی اداده قصور اتمه مک چالشیورسه مده شمدیه
قدر تقدیم عبودیتنامه یه جسارت ایده میشمه سبب ذات
والای فضیلت اتمای نحریرانه کزی تصدیعی تجویز
ایده مدیکمدر.

نام کترانه مک دفتر تلامذه ده - اگرچه یر بولمغه
استحقاق یوقسه ده - مقید بولمق شرف عالمهاسنه مظهر
اولمق آرزوسی بوورقپاره نی تسطیره جرأت بخش اولدیغندن
شو قصورمک عفوینی استرحام ایدرم. باقی...

— ۲۲ —

فضیلتاًب افندمنز

ذکر جمیل فاضلانہ لری سامعہ پیرای کمتری اولنجہ
 بر حس مین ولا کوکلی سراسر استیلا ایتش ایدی .
 احساننامہ کزده ابرازینہ تنزل بیوریلان مآثر و داد
 نوازش انما او حس مینی دو بالا ایلدی .

بونک حقیله لازمه تشکرینی ایفا ایدهمیه جگمی
 اعتراف ایله قصور واقعک عفوینی تمنا و خاک پای فضیلت
 احتوای سامیلرینه عاجزانه تحیات فائقه اتحافیه قبولی
 رجا ایدرم . باقی...

..

— ۲۳ —

افندمنز !

نزد عالیکرده معامله اخوتکارانه نک هرکسه بر درلو
 اولسی تجویز ایدیایر مواددن بولمندیغنی بیلدیکم ایچون

دکرسز لکمدن قطع نظر له خاک پایکزه بعض شیار سپارش
ایتمشدم، بونلر هنوز ورود ایتمدی.

یوقسه داعیکزی — استانبولدن مبادت ایتدیکم کبی
— اونوتدیکزمی؟ بویله اولسه — جبل متین اخوته
استنادا سپارش ایتمش اولدیغم شیلری — امال ایتموب
ارسال بیورردیکز.

بویابده کی مؤاخذه مک حتمسز اولدیغنی اثبات ایده جک
بر دلیل کوسترد بیایر سه کز منکسر اولان دل بی کینه می
آباد وبو صورتله مخلصکزی شاد ایتمش اولورسکز. باقی
اخوت.

— ۲۲ —

سماحتلو اقدام حضرتلری

پیرایه انامل عاجزی اولان احساننامه گرامیاری
مسرت بخش دل کتری اولدی. مطالعه می شرفیه تشرف
ایدن کوزلرم پرتوافشان نور سرور اولوب — معشوقه سنک

التفات حیات بخشاسنه مظاهر اولان عاشق متحسر کبی -
پر ابتهاج کسلا دم.

کوندن کونه حسن توجه سمو حیلریله بین الاقران
کسب تمیز ایتمکده اولدیغم جهته اعلان بختیاری ایتمکدن
گندمی آله میورم.

بونک حق تشکرینی ایفا ایچون لسان اخلاصمی
ازدیاد عمر و اقبال ولی نعمتیاری دعا سنه حصر ایله وظیفه
رقیته قصور ایتمه مکه چالشیور سه مده بوبابده کی عجزم
لا یتقیله وجیبه شکر کزاری بی ادایه مانع اولیور.

هر حالده قصور مک عفویله حق کتریده ابذال بیوریلان
حسن نظر فیض اثر منعمانه لرینک دوامنی استرحام ایلرم.

تسریری امر بیوریلان فلان افندی داعیلری همان
مناسب بر قریه کوندردی . موما الیهک استحصا
مسروریتی ایچون الدن کلن معاونتده قصور ایدلیه جکنی
حضور عالیترینه عرض ایله افتخار ایلرم . باقی

فضیلتو افندم حضرتلری

صبح غزته سنده برادر عالیترینک ترك محكمه جهان
ایتدکلرینه دائر کوریلن فقره غم پرور عاجزلرینی پامال
گذر ایلیدی.

مرحومه هر جهته اودا ویندکانه شفیق بر وجود
مراحم رفیق اولدیغدن ضیاعی جهلینی متأسف ایتشدرد.
باخصوص مشارالیهک ارتحالی کمتلری کبی سایه سامیلرنده
تفیض ایدن ارباب ابتهالی داغدار وانی آخر العمر روح
پرفتوحته فتحه خوان ایلیهرك اشکبار ایتیمی طبعیدرد.
خدا بیایر ممکن اولسه ایدی مرحومک یرینه
بی امتنان فدای جان و جهان ایدرد. نه جزه که عاده الله
جاری اولماش!

ذات فضائل سمات کریماندلری کبی «الموت تحفة
المؤمن» نه دیمک اولدیغنه واقف بر مرد عارفک محتاج
تسلیت اولمدقلری بدیهی بولندیغدن بوبابده کف لسان
واو وجود منالی منقبت غنوده خاک رحمت اولدیقه خندان

عالیاریله اقدمزك صدر عافیتده کامران اولملری دعاسنی
رفع بارگاه مستعان ایتمکده اولدیغمک عرضنه مجاسرت
وتوجهات بنده پروریلرینک بقاسنی استرحامه مبادرت
ایلرم.

— ۲۶ —

فضیلتندم افندم

محل مأموریت علیه لرینه سالمأ مواصلت فاضلانہ لرینی
مبشر وحق عاجزانہ مده ابزال بیوریلان حسن توجه
سامیلرینک دوام وتزایدینی مشعر التفاتنامہ کریمانہ لری
رونق افزای نظر تکریم اولدی.

کرمنامہ گرامیلرینک دل بی کینه مه پرتوانداز اولان
اشعۂ نشاط افزاسی باعث شکران عظیم اولوب بوبابده کی
منتدارلغمک - صداعی موجب اولور دیه - عرض
وبیانندن اجتناب و خاک پای حقوق پروریلرینه تقدیم
عریضه وجیزه شتاب ایدلدی. باقی

— ۲۷ —

افندمز!

ذات عالی‌رندن صیق صیق آلمقده اولدیغم احساننامه لرنک
بوگونلرده آردسی پک اوزادی. حتی فی ۱۱ تشرین اول
سنه ۳۰۶ تاریخلی التفاتنامه لرندن صکرده ایکی آی مرور
ایتدیکی حالد هنوز برکرمنامه لرینه دسترس اوله مده.

هرپوسته دیده حسرت دیده سنی مکتوب عالی‌لرینه
وقف ایتمش اولان بر غربت زده بی بویله اوزون اوزادی یه
مهمجور التفات بیراقق روامیدر؟

بندهلری کبی پامال نتمول اولان بر بی چاردنک
گرمنامه لر ارسالیله تلخلیف خاطرینه تنزل بیورملرینی
شیئه عاجز نوازانه لرینه استناداً استرحام ایلرم. باقی

— ۲۸ —

سماحتلو افندم حضرتلری

خاله پای فیض بخشای جناب ستمو حیارینه برای تأیید

رئتہ اختصاص وسیلہ جوی عرض اخلاص ایکن لیاء
 مبارکہ رنائبک شرف حلولی بو مقصد عبیدانہ می ایضا
 ایچون ذریعہ یکانہ اولملہ آستان سعادت آشیان ولی نعمتیارینہ
 تقدیم کلدستہ عبودیتہ ابتدار و شب مذکورده :

بحق نور پاک فخر عالم

قبول ایله دعای یا الہی

مقام سلطنتده ایله قائم

کمال عافیتله پادشاهی

قطعه سنه تردیفاً بویله نیجه نیجه لیالی مسعوده نك مشاهده -
 سیاه سایه عاطفتوایه حضرت شهریاریده کامکار بیورملری
 درود مسعدت نمودینی رفع بارگاه پروردگار ایتمش
 اولدغمک بیانیه حق کتریده ابدال بیوریله کلن توجهات
 معالی غایات بنده نوازیلرینک بتا وازدیادی تمیائنه
 اجتسار قیلندی. هر حالده

افندمزا!

بر قاج سنه مقدم بلدیہ ریاستندن وقوع انفصال
عالمیرینه منی ریاست مذکورہ نك ید ناهله کچمسی
عاجزلریاہ عموم ارباب حمیتی دلریش ایتمشدی . چونکہ
زمان ریاستلرنده الان آرایش عیون شکران اولان نیجه
آثار نافعه وجوده کلسدرکه هربری درایت کامله لرینه دال
برو برهان بی همالدو.

هله کچن هفته بزم فلان بك طرفندن الدیغم التفاتنامہ ده
ینه امر مهم ریاستک عہدہ کار آکھیلرینه احالہ قیاندیغی
تبشیر اولمغله حسب العبودیه وظیفہ تبریکه مسارعیت
وسایہ شاهانہ ده بر وجه دلخواه عالی مملکتک احیاسنه
موفقیتله بین الاقران تعالی بیورملری دعاسیله تزیین
لسان مصادقت ایلرم . باقی حسن توجه کریمانہ لرینه شدت
احتیاج .

— ۳۰ —

سماحتلو افندم حضرتلری

حق نا مستحق داعیانه مدده بی دریغ بیوریلان توجہات
مستلزم المباحاة کر مکاریلرینک ادای وجیبه تشکری ایچون
روز و شب دعای توافر عمر و اقبال سمو حیلرینی ایصال
قبولخانه جناب رب الارباب و وسائل جمیله دوشدکجه
خالک پای مکارم احتوای سامیلرینه برای تجدید انتساب
تقدیم عبودیتنامه یه شتاب ایتمکده اولدیغم کبی لیلہ مبارکہ
رغائبده دخی با کمال خلوص بال:

ولی نعمتک قدرین جهانده
ایدوب کوندن کونه برتر الہی

سرای عافیتده ایله دائم
بحق حضرت حیدر الہی

قطعه دعائیه سنی رفع بارکاه خدای متعال ایلش اولدیغمک
عرض و بیاننه اجتسار و ایفای رسم تبریکه مسارعته

محتاجی بولندیغم حسن نظر محاسن اثر منعمانه لرینک
کماکان دوام وازدیادی نیازینه ابتدار ایلرم. هر حالده



— ۳۱ —

سماحتلو افدم حضرتلری

وسائل جمیله دوشدکجه خک پای فیض احتوای
جناب سموخیلرینه تقدیم عبودیتنامه ایله تجدید رابطه
انتسابی وجیبه دن بیلدیکم جهته سنه جدیدنک شرف
حلولنی فرصت عدد ایدرک تبریکنه مجاسرت وانفاس
معدوده حیاتی اثنیه دولترینه صرف ایتکلکی لوازم
شکر گذاریدن بیلن داعیلری کبی برکتری توجهات معالی
غایات کر مکاریلرینک ابذالیله کامور بیورملری استرحامنه
مشاربت و «جناب خالق الایام والشهور سایه معالی وایه
حضرت پادشاهیده بویله نیجه سنین جدیدیه ادراک ایله
مسرور بیورسون» دعای رقیق پیراسیله تزیین لسان
مصادقت ایلرم.



— ۴۶ —

سماحتلو افندم حضرتلری

الطاف جهان مطاف شاهانه لریله هر بار بندکان
 صداقت اتمای دلسیر وباخصوص التفات معالی غایات
 خسروانه لریله داعیان استقامت پیرای تسریر بیور مقدمه
 اولان خلیفه برکزیده رب العالمین ونور دیده کافه
 مسلمین شهریار عالی تبار من تاجدار محاسن کردار من افند من
 حضرتلرینک ذات فضائل سمات سموحیلرینه بر قطعه
 نشان عالی عثمانی احسان وبو صورتله ذاتاً محسود یاز
 واغیار اولان مهر اقبال دولترینی برقات دها رخشان
 بیوردقلری واصل صماخ عاجزی اولدی، کوکلم نور
 سرور ایله طولدی.

بو سرور نامحصور ایله زیور لسان خالص البیانم
 اولان دعای ازدیاد عمر و اقبال ولی نعمتیلرینی تکرار
 و خاک پای کمالات احتوای کرامیلرینه تقدیم تبریکنامه
 کمتری به اجتناسار وحق نامستحق عاجزیده رایکان بیوریلان.

توجهات مکارم آیات منعمانہ لرینک بقا و تزیادی استرحامہ
مابتدار ایلرم. ہر حالہ

۰۰

— ۳۳ —

سماحتلو اقدام حضرتلری

دلالت بندہ پروریاریلہ نیابتی عہدہ داعیانہ احسان
بیوریان فلان قضایہ فی ۱۱ جمادی الآخر سنہ ۳۰۸
تاریخیہ مواصلت و امر سموحیاری وجہ ایلہ قضای
مذکور مفتیسی فلان اقتدی حضرتلرینک خاک پای
فقہانہ لرینہ یوز سورہ رک سلام عالیترینی تبلیغہ مسارعت
ایلدم.

سایہ فیضوایہ سامیلرندہ بویلہ برپیر روشن ضمیرک
شرف پای بوسیلہ مشرف اولدیغمدن طولانی مباحثات
ومترب ذمت عبودیتیم اولان ادعیہ خیریلرینی ہر بار رفع
بازکادقاضی الحاجت ایتکدہ اولدیغمی خاک پای ولی نعمتیلرینہ
عرضہ مٹاشرت اولندی.

۰۰

سماحتلو افندم حضرتلری

کچن هفته کی ترجمان حقیقته کیفسزلکلرینه دأر
اولان فقره بی کمال تأسف ایله او قویوب همان شفایاب
اولملری ایچون دست نیازی رفع بارگاه مستعان ایلدم .
صد هزار حمد و شکر اولسون که بو هفته کی ترجمان
حقیقته: «سماحتلو . . . افندی حضرتلری کالیه اعاده
عافیت ایدوب مقام عالیرینی تشریف بیوردقلری واصل
صماخ منونیتمز اولمشدر.» مژده شوق آوری، مسرت
بخش دل کمتری اولدی.

فیض بخش قلوب موحدین اولان: «جناب خداوند
سموات وارضین پادشاه ملک خصلت شهنشاه معالی منقبت
افندمز حضرتلرینی شمس تابان پیرایه آسمان اولدجه
تختگاه عثمانیده کمال سطوتله مکین بیورسون» درود
مسعودینه ادعیه خیریه لرینی تردیف ایله تزیین لسان
ایتمکده اولدیفمی عتبه سموحیلرینه عرض ایلرم.

افندم حضرتلری

۱۹ تموز تاریخی احساننامه کزی آلدیغم کوندن بری
جواب یازمق ایچون هر نه زمان المه قلم، کاغد آلدمه بر
مانع ظهور ایتدی، ترك تحریر عریضه یه مجبور اولدم.
مثلا: یازی ماصه سنک باشنه کچوب ده المه قلم، کاغد آله رق
تحریر عبودیت نامه یه باشلا دیغم کبی کوه زده بر مسافر کلیر،
داعیکزی ساعتارجه اشغال ایدر. صکره دفع اولوب
گیدرسه ده بنده کز ایچون آرتق یازی یازمق قابل اوله ماز.
ایشته بویله بر چوق مانعلر شمدی یه قدر خک پای
عالیکزه تقدیم نطقه یه حیولت ایتدی.

بونی قبول ایتمزسه کز مانع اوله رق: «هر نه زمان
احساننامه کزه جواب یازمق ایچون قلم، کاغده صارلدمه
ایستدیکم کبی عرض عبودیتدن عاجز قالدیغم جهتله بونلری
قالدیروب آتمغه مجبور اولدم.» دیمش اولسدم بیلم قبول
بیوررمینسکز؟

زهی سعادت و اقبال اگر قبول افتد

اگر قبول بیورمازسه کز محکمه وجدانکزه دخالت
ایله افتد من ایچون کومکده صاقلامقده اولدینم حرمت
و محبت مخصوصه یی سوزمک طوغری اولدینغه - حق
کترانه مدد مبدول بیورمقده اولدینکز حسن توجهه
استناداً - ایکی شاهد عادل اوله رق اقامه ایدرم.

بونلری ده استماعه تنزل بیورمازسه کز اعتراف قصور
ایله عفوی خصوصنی استرحامه جرأت ایلرم. بقی

• •

— ۳۶ —

قضای نائی نلان افندی داعیاری اصحاب درایت
واستقامتدن اولوب بورایه کلدیکی کوندن بری مصالح
عبادی کونی کوننه رؤیت وبو صورته استجلاب دعوات
خیریه حضرت پادشاهییه بذل غیرت ایتکده بولنغه
حقننده ایدیلن شکایت حقیقته مستند اولیوب صرف
غرض شخمیدن عبارت اولدینک عرض و بیانیه افندی
موما الیهک پک آز قالمش اولان مدت نیابتنک تجدید
و تمیدی خصوصنی خصائل ممدوحه جناب ولی النعمیلرینه

استناد ايله جملهً تمنا و مسئؤل بندگانہ مزك اسعافى باینده
 خاك پای املبخشای شیخ الاسلامیلرینه وضع جبین استدعا
 ایلرز. هر حالده

۰۰

— ۳۷ —

معروض داعی دیرینه لریدرکه

نیابت شرعیه سی عهدۀ داعیانہ مه تفویض بیورلمش
 اولان . . . ولایت جلیله سی اهالی معتبره سی طرفندن
 خاك پای عدالت احتوای جناب قنواپناهیلرینه تقدیم
 قیلان مضبوطدن ولایت مشارالیه مفتیسی فلان اقدینک
 احوال غیر مرضیه ده بولندینی آکلاشدینی بیانیه لازم
 کلن تدقیقات مکملهنک اجراسیله نتیجه سنک ازباری امر
 وفرمان بیورلمش اولدیغندن همان بویابده تحقیقات عمیقہ یه
 گیربشادکده افندی موما الیهک حقیقه صفت علیه سنه
 یاقشیمه جق حرکات ناجبایه اجتساری تبین ایتدیکی
 وکندیسنندن هرکسی صوغوتمغله هیچ بروقت اشتکادن

خالی قائمیه جفی حس اولنمقده بولندیغی حضور معالی
نشور شیخ الاسلامرینه عرض اولنور. هر حالده

° °

— ۳۸ —

معروض داعی دیرینه لیدرکه

بعض اهالی اغراض شخصیه لرینه خدمت ایلمدیکندن
طولانی حق کترانه مده پیدا ایتدکری عداوتلری ایجابجه
بر درلو هضم ایدهمیوب علیهمده تفوهات کونا کون
اشاعه سیاه عاجزلرینی ترهیبه و بونکله ده قناعت ایلوب
نیک و بدی فرقه مقتدر اولمیان بر طاقم ساده دلانی:
« نائمز شویله در، بویله در » دیه آلداده رق بر عرض محضر
ترتیبیله حضور معدلت نشور جناب مفتی الانامیلرینه
تسریبه متجاسر اولمشاردرد.

معلوم یار واغیار اولان مرحمت بنده پروریاری
مقتضای منیفجه نادر اولمیان بوکی حالات و شکایاتک نزد
دولتمرنده هیچ بر حکمی اولیه جفی بدیهیاتدن ایسه ده

اخلال ایدمک ایستیلن ناموسمک وقایه سی بابنده شفقت
عادلانه لرینه التجایه مجبور اولدم. هر حالده

۲۹

— ۳۹ —

معروض داعی دیرینه لر بدرکه

نیابتی مودوع عهدۀ داعیانهم اولان . . . سنجاغنه
کله لی اعصابمه عارض اولان ضعف کوندن کونه تزیاد
ایتمکده اولدیغندن مصالح عبادی و قلیه رؤیته وجودم
تحمل ایدمه یوب ایشارک تداخلده قالمیسه باعث اولیورکه
بوده اصحاب مصالح صیرلانمسنی موجب اوله جنی
طبیعیدر.

بویله بر شکایتیه میدان ویراهمک ایسه اخص آمال
کترانهم اولدیغندن وعلت مذکوره مجرد موقعک آب
وهراسیله امتزاج ایدیله مه مسندن ایلری کلدیکی مربوط
تقدیم قیلنن راپورمالندن مستبان اوله جغندن آب وهراسنک
جیادتی بلدی دو ققورلری طرفندن توحید اولنن وانتسای

۲۹

مدتنه بر بحق ماه قالمش بولسان دکرلی سنجانی مرکز
نیابتنه تحویل مأموریتیم واولدینی حالدہ استغای عبیدانه مک
قبولیه چراغ بیورلمقلم خصوصنی استرحام ایلمرم. هر
حالدہ

° °

— ۵۰ —

فضیلتلو اقدام حضرتلری

سین سابقهیه نسبتله بوسنه الحمد الله تعالی قضا من
داخلنده برکت ترابه فوق العاده رونما اولدینی کبی هر
گسکده کندی ایشیه اشتغال وزیر السنه اسلامیان
اولان: «جناب خالق البرایا امیر المؤمنین نجبه سلاطین
عدل آن خلیفه بی مدانی غازی عبد الحمید خان ثانی
اقدام حضرتلرینی الی آخر الزمان تحت عالی بخت
عثمانیده فرمانفرما بیورسون» درود مسعودیه امرار
ایام ولیال ایتمکده بولندقلرینک عرضنه ابتدار وسایه
توفیقاتوایه حضرت پادشاهیده مصالح اهالی بر وجه
دخواه عالی رؤیت وبو صورتله استجلاب ادعیه خیریه

جناب ولی النعمیٰ به صرف مقدرت ایدلمکده اولدیغناک
بیانه اجتسار وحق داعیانه مدده حسن توجه فاضلاندرینک
دوام وتزایدی رجاسیله ختم کفتار ایلرم.

— ۱ —

معروض داعی دیرینه لریدرکه

جناب خداوند معین آرایش مسند مشیخت مدرس
ارباب ضجرت اولان ذات شفقت سمات ولی النعمیٰ
سایه تعالیوایه حضرت پادشاهیده الی آخر الایام جاد
جلیل فتواده کابین بیورسون.

کمتلری بیک ایکی یوز سکسان سکر سنه سی اجرا
اولنان رؤس امتحاننده برنجیک شرفی احراز ایله من
غیر حد مذاکره علومه مباشرت ومجرد اثر حسن نظر
مشیختپناهیلری اوله رق کچن سنه اعطای اجازت ایدوب
بین الاقران کسب امتیاز ایتمش اولدیغم خالد هنوز عائله
عاجزانده می اداریه کافی معاشه نائل اوله مدیغمندن وبو
یوزدن کرفتار اولدیغم دیون کثیره نی تسویه ایده میوب

گوندن کونه تضاعف ایتمکده اولان بوبارکرانک آلتنده
ازلمکده بولدیغمندن شو حال یأس اشتغال عبیدانه مه
نهایت ویرمک اوزره فتواخانهیه چراغ بیورملقلغم خصوصنه
مساعده جلیله عجزه پروریلرینک بی دریغ بیورلمسی باینده
مرحمت مسلمة دولترینه التجایه مجبور اولدم. هر حالده

— ۲۶ —

اوقاف همایون نظارت جلیله سی جانب عالیسنه

دولتو اقدام حضرتلری

اهالیسنندن اولدیغمز (اوروج غازی) محله سنده واقع
اصحاب خیراتدن مرحوم اسماعیل آغا جامع شریفی برخیلی
زماندن بری تعمیر ایدلمدیکنندن خرابه یوز طومش
واوزرنده کی طوغله لر فرسوده لشدیکی جهتله باران نزولنده
دروننه سیلان ایله مفروشاتی چوروتمکده و هر طرفندن
تخته و دیرک پارچه لریله صیوه لری دوکلمکده بولنمش اولدیغی

گهی یا غمورلو کونارده و با خصوص موسم شتاده جامع شریف مذکورده ادای صلات قابل اولمديغندن اوقات خمسدهه جوامع بعیده به عزیمته مجبور اولوب بو باده فوق العاده مشقت چکمه کده ز.

جامع شریف مذکور بر آز وقت دهها حال خرابیده بیراقيله جق اولورسه تعمیری غیر قابل بر درجه به کله جکی درکار و بویله بر مبعده شریفك محوی هیچ بر زمان تجویز بیورلیوب یکیدن انشاسی ایسه مبالغه کليه به توقف ایده جکی بدیدار اولدیغندن احیای مبرات خصوصنده مبدولیت عنایات دیانت آیات شاهاندلری آن بان مشهود عیون شکران اولان شهریار معموریت پرور و تاجدار عاطفت کسیر افدمن حضرتلرینك اثر جلیل هایونلرینه اقتفاء نیجه اماکن مقدسه نك ترمیمی اوغرنده صرف همت و بو وسیله ایله جانب معالی مناقب حضرت خلافتناهی به ادعیه خیریه استجلابنه بذل مقدرت بیوره کلدکلری هر روز ساحه آرای بروز اولان آثار موفقیت دثار دولتساریله مدلل بولندیغندن مارین و عابرینك نظر تأسّفنه چارمقدده اولان جامع شریف مذکورك حجره سیله برابر صورت

مکمله ده تعمیرى خصوصنه همم جلیله نظارتپناهیلری
بی دریغ بیوریلهرق ذاتاً اقدس وظائف عبودیتیز اولان
دعای ازدیاد عمر وشوکت امیر المؤمنینه برقات دها
مواظبته مجبور بیورلمقلغمز بابنده خاک پای املیرای
آصفاندرینه تقدیم استرحامنامهیه مجاسرت ایلرز. اول
یابده

— ۳۳ —

خاک پای سائی نظارتپناهیلرینه

دولتو اقدام حضرتلری

زمان فیض اقتران شاهانهسی دور معارف دینلکه
شایان اولان حامی ارباب علم ومعرفت پادشاه معالی
منقبت ولی نعمت بی منت اقدام حضرتلرینک سایه
ترقیوایه ملوکانهلرنده اتمام ترجمه سنه موفق اولهرق مربوطاً
تقدیم ایلدیکم (۰۰۰) ک (۰۰۰) عنوان آتنده جزء جزء

طبع و نشر ایدلمسی باینده مساعدت جلیله نظارت پناهیلرینک
ارزان بیورلمسی نیازینه اجتناسار ایلرم. هر حالده

— ن ن —

دولتو اقدام حضرتلری
مربوطاً تقدیم پیشگاه دولتری قیلنان (. . .)
عنوانلی اثر عاجزینک طبع و نشری خصوصیتیه مساعدت
حلیله نظارت پناهیلرینک بی دروغ بیورلمسی باینده امر
و فرمان

— ن ن —

معروض داعی دیرینه لریندرکه
جناب قادر بیخون ذات ولی التعمیلرینی اکیدار صوریه
و مغزویه دن مصون و عمر دولت فتوا پناهیلرینی انزون
بیورسون آمین.

قاین پدرم فلان افندینک وقوع وفاتنه مبنی عائله
 کترانه مک امر اداره لرینه نظارت ایده جک بر کیسه لری
 قالمیوب بونلرک ترکه وسائر دیه دأر اولان امور و خصوصنی
 تسویه ایتک اوزره استانبوله کلکلکم لازم کلدیکندن
 اوج آی قدر موما الیه مک یانلرنده بولنقاغمه مساعدۀ
 حضرت شیخ الاسلام لرینک رایکان بیورلمسی بابنده خاک
 پای شفقت پیرای دولترینه وضع جبین ابتهال ایلرم.
 هر حالده

* *

— ۴۶ —

دولتو افندم حضرتلری

مدعی عمومی معاونی فلان بك بنده لری معامله
 درستانه سیاه هر کسی کن دیسندن بیزار و محکمه یه وقتیه
 کلوب کیتدیکندن مصالح عبادی سکتهدار ایتمکده اولدیغی
 وافندی موما الیه بوحالردن واز کچمسی ایچون نصایح
 لازمه اعطا سنده قصور ایدلمیوب کرات ایله اصلاح نفس
 ایتسی توصیه اولنش ایسه ده نصیحت قبول ایدر طاقدن

اولمدینی جهتله کیفیتك خا پای معدلت پیرای نظارتناهیله رینه
عرضنه مبادرت قیلندی. هر حالده



— ۵۷ —

جناب خداوند جهان شهریار عدالت پرور تاجدار
مرحمت کستر خلیفه باحق ولی نعمت اشفق آرایش تخت
عثمانی سوکیلی پادشاهمز غازی عبدالحمید خن ثانی افدمن
حضر تلرینی ماتصاقب الموان کمال سلطنتله مقام مقدس
خلافتده حکمران بیورسون آمین.

چاکرلری یکر می سنه دن بری در سعادت بدایت
محکمه سی ایکنجی جزا دأردسی برنجی صنف ضابطه کتابتنده
بلا قصور ایضای حسن خدمته سعی موفور ایتمکده
ایسه مده بر مقتضای طالع وارون امثال عاجزانده مه نسبتله
پک دون بر مرتبه ده قامش اولدیغمدن و بوحال مغدوریت
اشتماله ایسه هر بار اشعه جهان افروزی برر صورته
عیون آرای کبار وصغار اولان مرحمت خلافتناهیله ری

راضی اولیه جنی بدیهی بولندیغندن یکانه امیدگاہ بن پیرکان
اولان شفقت معالی منقبت خسروانه لرینه صیغنه رق بو
کره منحل اولان وقاعدئ تسلسله بناء حق صریح کترانه م
بولان محکمه مذکورده بانس کتات خدمتک عهده
عبیدانه مه احسان بیورلمسی باینده سده سنیه ملوکانه لرینه
مستمدانه دخالت وروز و شب ورد زبان عبودیت اولان:
«جناب رب العالمین پادشاه عدالتدمز ولی نعمت بی منت
افندمز حضر تلرینی الی آخر الایام سریر شوکت مصیر
عثمانیده دلخواه شاهانه لری اوزره کامبین بیورسون آمین»
دعای واجب الاداسنه تردیفاً مسئؤل احقرانه مک
اسعافیه دلشاد بیورلمقلغم استرحامنه مجاسرت ایلرم.
هر حالده

— ۵۸ —

معروض داعی دیرینه لریدرکه
حق کتریده دائماً ابدال بیوریلان وادای وجیهه
تشکری درجه امکاندن بغایت عالی اولان الطاف علیه

سماحتینا هیلرینه ضمیمهٔ احسان نیابتیه بکام بیونیم یخ
 (...) قضا سنه وصولدن بری مصالح عبادی خواه
 دولترینه توفیقاً فصل و جسم ایله استوصال خشنودی
 اهالییه غیرت و استجلاب دعوات خیریه حضرت ولی
 النعمیلرینه صرف مقدرت اتمکده ایسه مده بورانث ثقلت
 آب و هواسندن متولد امراض شدیدہ عاجز لرخی تبدیل
 آب و هوایه مجبور ایلدیکندن واستانبوله عودتم ایسه
 گریک نقداً و گریک بدنأ مستحیل درجه سنده بولندیغندن
 حال پرملامه مرحلهٔ لطافت آب و هوایی اطباءى حاذقه
 طرفلرندن توصیه اولان و بورایه (...) ساعت مسافه ده
 بولنان (...) قضای نیابتیک احسانیه احیا و گرفتار
 اولدیغیم شو مضیق بلادن رها بیورلمق ایمنه تمنا سنه اجترأ
 اولندی. هر حالده

— ۵۹ —

جناب آفرینندهٔ زمان و آسمان شهریار معصومیت پرور
 تاجدار دیانتکستر آفتاب سپهر عثمانی سوکیلی پادشاهمنز

غازی عبدالحمید خان ثانی اقدمز حضرتلرینی کلبانک
صلات سامعه نواز ارباب طاعات اولدجه مقام مقدس
خلافتده کامران بیورسون آمین.

ایوانسرای جوارنده عتیق مصطفی پاشا محله سنده
اعظم اصحاب کرام فقاہت اتسامدن ابو ذرغفاری [۱]
رضی عنہ الباری حضرتلرینک تربۂ شریفه سی مشرف
خراب اولدیغندن و بویله بر مقام عالینک حال خرابیده
قالسنه کعبۂ قلوب موحدین اولان وجدان حمیت بنیان
خلافتناہیلری قائل اولیه جعی هر آن عیون آرای اهل
ایمان اولان آثار خیریۂ شاهانه لریله مدلل بولندیغندن
تربۂ شریفۂ مذکورہ نک خزینۂ خاصۂ ملوکانه لرندن تعمیر
خصوصنه مساعدۂ جلیله شهنشاهیله بی دروغ بیورلمسی
نیازیله سده سنیه خسروانه لرینه وضع جبین عبودیت
ایلرزه هر حالده



[۱] مشارالیه حضرتلری مدینۂ منوره قربنده کاش (ربذه)
نام قریده هجرتک اوتوز ایکنجی سالنده ارتحال بیوره شلردره.

— ۵۵ —

معروض داعی دیرینه لریدرکه

ذره قدر استحقاق اولمدینی جالده مجرد حسن نظر
 فیض اثر ولی النعمیلرله نیابتنده بولندیغم (...) ده امور
 مأموره می حسن ایضایه بذل مقدرت و درود سعادت
 نمود حضرت پادشاهی یه تردیفاً اثیئه جناب مفتی الانامیلرینه
 صرف انفاص رقیه انملکده قصور ایتیمور سه مده بورانک
 وخامت هواسی صیره سیله بتون چا کر خانه خلقنی صیغه
 دینیلن علت تحمیلکدازه دوچار و داعی کترلرینی ایسه
 فوق العاده بیزار ایتمکده اولدیغندن و ملکت طیبیلرینک
 معالجات عطاریه سندن ایسه هیچ بر منفعت کور یاهمه مکده
 بولندیغندن مناسب بر محله نیابت عاجزانه مک تبدیلی
 خصوصی هر زمان مشهود دیده شکران اولان شفقت
 شیخ الاسلامیلرینه استناداً استرحام ایلرم. هر حالده

— ۵۱ —

معروض داعی دیرینه لریدرکه

جناب رب الارباب سایه سما پایه حضرت پادشاهیده
ذات مراحم سمات فتوانیناهیلرینی مقام دولترنده کمال
اقبال ایله کامیاب بیورسون آمین.

داعی دیرینه لری فاتح جامع فیض لامعنده اون بش
سنه دن بری مذاکره علوم آلیه و عالیه ایله اوقاتکنذار
اولوب بر مقتضای طالع وارون معاش عاجزانه م عاله
احقرانه می اداره ایده جک مرتبه یه ایصال ایدیه میوب
پک دون قلمش اولدیغندن و بوحال ضرورت اشتالمه
ایسه آرایش السنه ثنا کو یان اولان مرحمت معالی منقبت
ولی انعمیلری بوجه ایله راضی اولیه جنی هر زمان برر
صورتیه جلوه کر ساحه امکان اولان تعطفات بی غایات
منعمانه لریله مدلل بولندیغندن فتواخانه یه قید و قبول
بیورلمقاغم خصوصنی تمایه مبادرت ومسئول ناچیزانه مک
اسعافی بابنده خالک پای شفقت پیرای جناب مشیختناهی لرینه
وضع جبین ابتهاله محاسرت ایلرم. هر حالده

معروض داعی دیرینه لیدر که

کتر لری بر قاج سنه مقدم اجرا بیوریان رؤس
 امتحاننده بر نیلک شرفی احراز ایتش اولوب فقه شریفه
 انتساب اینک آرزو سنده بولند یغمدن واقدمزک بتون
 داعیانه وبا خصوص عاجز لری کبی سیه دولترنده
 کسب فیض ایتک داعیه سنده بولنان غیر توران بندکانه
 عاطفت معالی منقبت ولی النعمیلری مبدول اولدیغندن
 فتواخانه یه قبول بیور لمقاعم خصوصنی کمال ایتها لیه استدعا
 وهر بار: «جناب رب عزت ذات محاسن صفات حضرت
 پادشاهی نی ماتعاقب الملوان سایه انداز مقام خلافت
 بیورسون» زمزمه سنه تردیفاً ادعیه خیریّه قنوا پناهیلریله
 نشوهدار اولان فؤاد اخلاص معتادمی مسؤل عیدانه مک
 اسعافیه برقات دهها مسرور بیور ملرینی تمنا ایلرم.
 هر حاله

— ۵۳ —

ولی نعمتم پدر اعزم اقدام

امتحانده قازانوب قازانه مدغمی بیله مدیکم جهته
ایکی آیدن بری فوق العاده بر اضطراب ایچنده ایدم.
هله دونکی کون علی الاصول باب فتوایه چاغریلوب
شهادتنامه من اعطا بیورلدی.

داعیلری محض اثر دعای پدرانه لری اوله رق اعلا
مراتب عد اولنان ثلثه دن اخذ شهادتنامه یه موفق اولدغمی
تبشیر ایدرم.

بوراجه ایشلمی تسویه ایدر ایتمز هم خاک پای
عالیرینه یوز سورمک همده بر آرزو ربال ایله وقت
کچیرمک اوزره نزد سائی ولی نعمتیلرینه عزیمت ایتمک
فکرنده بولنیورم.

هر حالده یکانه سبب فیضم اولان ادعیه خیریدلرینک
کماکان حق کترانه مده تمادینسی استدعا وبوسایه ده مراتب
عالیه علیه یی احراز ایسکلمکی جناب واهب الامال دن تمنا
ایلرم. باقی

داخلیه نظارت جلیله می جانب عالیسنه

دولتو افندم حضرتلری

قضا من قائم مقامی فلان افندی وظائف داعیه نه مه
مداخله ایتمکده اولدیغندن کندیسنه وصایای لازمه ویرمک
اوزرد لو امر متصرفی سعادتلو فلان بک بنده لرینه مراجعت
اولندیسه ده بوندن برثمره حاصل اولیوب احوال مذکور
ردنک دوامی امور قضائی تشویش ایتمکده بولندیغنی جهتله
افندی مومالیهک دائره وظیفه شناسی یه ارجاعی بابنده
مسلم اولان عدالت کار آگاهلارینه دخلت واسترحم
عاجزانه مک اسعافی خصوصنده بذل همت بیوریله جغندن
امین اولدیغم ایچون شمدیدن عرض شکرانه مسرعت
ایلرم. اول بایده

معروض داعی دیرینه لریدرکه

وظائف مأموره می حسن ایفایه چالیشیورسه ده ده

قائم مقام بك معاونت ایدہ جكنه محكمه نك حيثيته طوقه جق
 درجه لرده مداخله قیام ایتكده بولندیغدن مصالح عبادك
 حسن جریانہ خلل طاری اولوب بونك بر آن اول اوکی
 آنمسی خصوصی مرکز ناہی فضیلتلو فلان افندی
 داعی لردن استرحام اولنمش ایسده بر نتیجہ حسنہ کوریلہ -
 مدیکی جہتلہ بویابده خاک پای عدالت پیرای فتوا پناہیلرینك
 حمایت داعی نوازیلرینہ دخالتہ مجبور اولدم. لطفاً تصدیع
 واقعتمك عفو یلہ مسئول کترانه مك اسعافی تمیسنہ اجترا
 ایلرم. ہر حالہ

* *

— ۵۶ —

معروض داعی دیرینہ لریدرک

مقدمہ بورادہ وقوع بولان حریقہ محترق اولان
 وسلف عاجزی زمانندہ انشاسنہ بدء اولنوب ده ہنوز
 اتمام اوانہ میان محکمہ شرعیہ حیتمندان اہالیدن طوپا لانیلان
 اعانہ ایلہ استکمال و بوکون قربانلر کسیلہ رك رسم کشادی
 اجرا ایلہ ہر بار السنہ آرای کبار وصغار اولان دعای

دوام عمرو دولت حضرت پادشاهی رفع بارگاه رب متعال
 قیلندیغک عرض و بیاننه مئابر و حق کتریده بی دریغ
 بیوریلان حسن نظر فیض اثر جناب ولی النعمیلرینک
 بقاسی نیازینه محاسرت ایلرم. هر حالده

— ۷۵ —

فضیلتندم افندم

ذات ادیبانه لرندن آلمقده اولدیغم التفاتنامه لر داعیلری
 ایچون برر درس بلاغت حکمنده بولنغله بوبابده نه قدر
 تشکر ایتسه م آزدور.

بونلر ایله تنویر باصره استفاده ایتدجکه طبیعت
 متشاعرانه م مبسط اولیور.

بینم سرای حکمتک فانوس نور افشانیدر
 کاشانه علویتک آینه رخشانیدر

کی بیتلر سویلیورم.

بوکرده انمله پیرای کمتری اولان احساننامه شاعرا-
نه لرنده کی: «چکن بازار ایرتسی کونی ولی افسدی به
کیدلشدی. موقعک لطافتی، چایرلرک غبطه بخش لاله زار
اولان طراوتی جمله مزی حیران ایتدی.» فقره سی
استانبولجه فصل ربیعک حلول ایتدیکنی مبشر اولمغله
بوراده مشتاق بهار اولان کوکلم:

بهار کلیه جکمی؟ بهار کلیه جکمی؟

دیه متحسرانه سویلنوب طور ییور!
فقره مذکورده یی اوقورکن بهاره دائر برغزل تنظیمی
ایچون کوکلمده برهوس پیدا اولدی. بوغزلک چوقدن
بری متحسر دیدار لطافت دئاری اولدیغم کل وصفنده
بولنسنی ذهنده قرارلشیدردم. همان کرمنامه لرینک مطالعه-
سندن متحصل بر صفای درون ایله قلی اله آلوب:

فرط رشکندن چنزار صفاده لاله لر
داغدار اولمقده در ایتدکجه دقت کللره

یتنی ده انشاد ایلدم.

بر غزل اولمق اوزره بر مطلع ایله بر قاج بیت دها
سویلك لازم کلدی.

خاطرمه پک چوق مضونلر توارد ایتدیسه ده بونلر،
کله دأر اولمیوب عاشقانه، فخورانه بر غزل تنظیمه اویرشلی
خیالات شاعرانه دن عبارت ایدی.

بو باده خیلی جابالادمسه ده مطلع شویله طورسون
بویله بر بیت سویلمک بیه موفق اوله مدمه که: «ایشته بر
قطعه ربیعه» دیوب ایشک ایچندن چیقیم.

جبر طبعیت ایدرک بویله بر بیت دها سویله بیلمه ده
لاله نك کل ایله هم موسم اولوب اولمدیغی ملاحظه سی بویته
بر بیت علاود ایدرک قطعه حاله قویتمق لغمه مانع اوله جمدی -
حاصلی کله دأر بر غزل یازمدمه. فقط (بلبل) دن
بحث ایده بیلکه خامه عاجزیده بر استعداد کوردیکم جهته
بر وجه آتی نغمه پرداز اولمغه باشلادم:

❖ غزل ❖

مظهر بان دهر حیراندر صدای بلبله
بر ترانه بکزه من اصلا نوای بلبله

نغمه سنطور وقانون وکان ونای وعود
 اویسه ده یکدیگره اویماز هوای بلبله
 اولسه هم آواز مرغان جهان اولماز جواب
 عاشقانه بر ندای جانفزای بلبله
 کلشن بزم بقادن دمبدم روح بلال
 بارک الله خوان اولور حسن ادای بلبله
 پر مسرت بانک دلسازیله ایام بهار
 مطربان دهر حیراندر صدای بلبله

§

فقیر اقسام شعردن غزلی پک سورم. بوده فضولینک
 دیوانتی چو قجه مطالعه ایدیشمدن ایلری ککشددر ظن
 ایدرم.

فضولی کبی بر شاعر کورده میورم. قوجه عاشقک
 هریتی حسیات عالیله ایله متبع بر طبیعتک محصول فکری
 اولدینغه شهادت ایتکده در.

مثنویات ده خوشدر. عطایینک خمسه سنی - مرحوم

ایله هم مسلك اولدیغمدنی نهدن - (حسن وعشق) کبی
گوزل یازلمش بر اثر اولدیغی خالد پک بکنیرم.

چکنرده بورایه مفتی تعیین بیوریلان ذات عام دیمکه
من کل الوجوه سزا بر وجود فقاہت پیرا اولغله مستفیضانه
مجلس فاضلانہ لرینه مواظبت ایلکده اولدیغمی بوندن
اولکی مکتوبمده عرض ایتشدم. چکن کون طاشلیجه لی
یحی بکک خمسہ سنی و یروب مطالعه ایتکلکمی توصیه
بیورمشلردی. کتاب مذکور ی اختلاس وقت ایتدجه
نظر استفاده دن آیرمیورم.

ینه تکرار ایدرم که بو ذات عربی، فارسی، ترکی آثار
منظومه و منشورہ نک مزایاسنه واقف بر تحریر صاحب
معارف اولدیغدن هر وجه ایله کندیسندن استفاضه
اولیور.

اکثریا ادبی، حکمی فقرات لطیفه ایله تنشیط قلوبه،
تزیین اخلاقه خدمت ایدیور. مجلس حکیمانه لرنده بولمانلر
حالیجه مستفیض اولیورلر.

مومالیه - عفو قدر دانیلرینه استناداً - بوسفرکی
مکتوب بلاغت اسلوب ادیبانه لرینی کوستردم. استفاده

جویانه او قودیلر. حتی عاجز لرینی: « سنی بویله بر احبابه مالک اولدیغکدن طولایی تبریک ایدرم. » التفاتیه آقشلا-
دقدن صکره: « کوندره جکک جوابنامه ده او ذاته بندن ده سلام یاز! » تنبیهنده دخی بولندیلر.

معلوم عالیلری اولدیغی اوزره انفصالمه بر آی قالدی.
بویله بر ذاتک مجلس عارفانه لرندن دور اولغی **کوکم**
ایسته میور. شمدیدن تأسف ایتمه باشلادم. تأسفمی ذات
عالیلری کبی اخوان فضیلت عنوان ایله تشرف آرزوسی
تعدیل ایدیور.

بورادن تباعد ایدنجیه قدر بو مکتوبمک جوابسز
پیراقنامه سنی تمنی ایدرم. مسئولک اسعافی خصوصنده
دریغ عاطفت بیورمیه جقلرندن امینم. باقی

*
* *

— ۵۸ —

فضیلتاً با!

فی ۱۱ شوال سنه ۳۰۹ تاریخی و دادنامه برادرانه لری
هامه پیرای توقیر و مندرجات ادیبانه سنه برقات دها رونق

ویرن (بلبله) ردیفلی غزل ترانه پروریلری شرفبخش نظر
تقدیر اولدی.

غزلک ایکنجی بیتنده کی آهنگ سامعه نواز ارباب
طبیعتی:

پک مرقددر بویت دلنشین

مصراعیه بی اختیار دمساز ایده جک نغمه لردندر.
مکتوب عاجزیده تنزه عالمه دائر یازیلان فقره ذات
عالیرینه بویه (یک آهنگ) برغزل سویلتمک باعث اولمش،
محرفی ایچون نه بیوک موفقیت.

غزل بویه یازملی . بیتلری مائاً یکدیگرینه میان
اولان غزللر افاده جهتیله منتظم اولسه ده (یک آهنگ)
غزللر قدر قدر ارباب طبیعتک نظر تقدیرینی قازانه ماز.
کله دائر برغزل تنظیمی آرزو بیورلمش و:

فرط رشکندن چمنزار صفاده لاله لر

داغدار اولمقده در ایتدکجه دقت کللره

بیتی ده انشاد اولمش ایسه ده بونی اکمال ایچون لازم کلن

مضامین درخاطر ایدیه مدیکندن صرف نظر اولنوب
(بلبله) ردیفلی غزل سويلمش .

بوکا پک اینانه مم . ذوق شاعرانه لری عندلیبان خوش
الحانی منتدار ایده جک صورتده نغمه پرداز اولمغی آرزو
ایتدیکندن (بلبله) ردیفلی غزل دلنشین انشاد بیورلمش .
بوده تنظیم اشعارده کی دقایقه وقوف عالیرینی کوسترر .
ذوق شاعرانه یه تابع اولیه رق تنظیم اولنان شعرلر
منتظم اولسه ده طبیعیک شرفی احراز ایده مز .

برده بیت مذکورک - بر بیت دهها ضمیمه - قطعه
حالنه قونلمسنه مانع اوله رق، لاله نك کل ایله هم موسم
اولمدیغی کوسترلمش .

فقط خیلی زماندن بری باغچه لرده (فلنك لاله سی)
نامنده برنوع لاله کورلمکده درکه بوشکوفه رعنا کل ایله
هم بزم چمنستان صفا اولیور .

بو حالده بیت مذکور کوزل بر مضمونی متضمن بولنش
اولور . کلدن بلبله عطف نظر رغبت بیوریش ایسه پک
شاعرانه واقع اولمشر .

بو بابتده کی موفقیت شاعرانه لری تبریك ایدرم .

فقیرده (بلبله) یه بر نظیره سویلکی آرزو ایتدم. فقط
طبیعتم ارشادات ادیبانه لرینه منی (کللره) ردیفنده بر
غزل انشادی طرفه میل ایتدیکندن شو غزلی سویلدم:

﴿ غزل ﴾

رنک بخش لطف اولوب فیاض قدرت کللره
لؤلؤ شبنم ایله ویرمش لطافت کللره

اول نه خوش رنک لطافتدرکه اصحاب صفا
منشرح اولمقددر ایتدجکه دقت کللره

مظهر اولمش التفات حضرت پیغمبره
منعطفدر دیدۀ تقدیس امت کللره

کلهستانه رونق دیکر ویرر هر غنچه سی
دینسهده شایسته در ازهار جنت کللره

اقتنار ایلر وجودیله چمنزار بهار
فیض رنکین طبیعتدر طراوت کللره

§

اقسام شعردن غزل حقیقهٔ رقص آورددر. جناب

فضولی مسلکندۀ تفرد ایدنلردندر. انشاد غزلده مشار
 الیه بر کیسه مقیس اوله ماز. لیلی ایله مجنونیه خوشدر.
 بوکی آثارک مطالعه سی وسعت قریحیه خدمت ایدر.
 عطایینک — مسلدکداشکنر بولندینی ایچون —
 خمه سنی بکنیورمشکنر. اسلاف ادبای عثمانیه نک الک
 ایلری کلنلرینک اکثری رجال علیه دن بولندقلرینه هنوز
 زیور ایادی اعتبار اولان آثار موجوده شهادت
 ایتکده در.

حاصلی اوائلده ارباب قلک اکثری طریق فیض رفیق
 علمه منسوب ایش. صکره لری بوصفده — آثار خامه سنه
 یار و اغیاری آفرین خوان ایده جک — اصحاب طبیعت
 آزالمش.

فقط زمان فیض اقتران شاهانه لری غبطه بخشای
 اعصار اولان پادشاه معارف اکتناه، شهنشاه دل آگاه
 اقدمز حضر تارینک روز جلوس سعادت افروز
 همیونلردن بری طریق علیه یه منسوب بولنانلرک ایچنده
 ینه ادیب بی نظیر اطلاقه سزا پک چوق ارباب شعر
 وانشا کورلمکه باشلادی.

استانبولی تشریفکزی او قدر آرزو ایدیورم که
 تعریف ایده م. بو آرزومی مفتی افندی حضرتلرینک فم
 درر بار ادیبانه لرندن اخذ بیورمش اولدیغکز لالی معارفی
 داعیکزدن دریغ بیورمیه جغکز امیدی تشدید ایتکده در.
 افندی موما الیهه حق ناچیزانه مده غائبانه رایکان
 بیوردقلری حسن توجهک تشکرات لازمه سنی کالیه
 ایفادن عاجز اولدیغمی عرض ایله خاک پای فیض بخشای
 فاضلانہ لرینه طرف کترانه مدن بالوکاله وضع جبین اخلاص
 بیورمکزی خاصه استرحام ایدرم.

— ۵۹ —

عزیزم !
 بزم فلان افندی ایله آره کز آچلمش، بو آچلمش ده
 نفعینک :

آفت عین الکمال رشک کار ایتمز بکا
 دفع زخم چشم خلاق معانیدر سوزم

بیتنه دائر ایندیلن مباحثه دن نشأت ایتمش .

سزك كې اخلاق حسنه ايله تزين ايدەرك نورستان
ادبه نمونه امتثال اولمغه چالیشان رهروان معارفك يكد-
يكريله مخاصمه قالملىرى هېچ بروقت نظر تعيبدن
قورتيله ماز .

هله مجرد تشيخ اذهان ايچون وقوع بولسى لازم كلن
برمباحثەك مخاصمه منجر اولمى شايان تأسفدر .

آنك على العميا بيتك معناسزلغه حكم ايتمى، سنك ده
(عين الكمال)، (خلاق معانى) نه ديمك اولديغنى بيلكسزين
بيت مجووث غنمه معنى ويرمك قالمشمك قاعده افاده واستفا-
دهيه موافق دكلدر .

مادامكه بحث مذكوره يكديكريكزك رآينه راضى
اولمديكز، اطوار متجددانه ي ترك ايله ادبانك آراى مشكل
براندازانه سنه مراجعت ايتكز لازم كليردى .

هرايكيكزك ايسه حاشا بولزومى ادراك ايتمه جك
قدر اعمال فكره غير مقتدر و بيلديكنى اوكرنمكدن چكنير
جاهل متكبر اولمديكز جهته اختلاف مذكورك وقوع
ودوامنه تعجب ايتمهك المذن كلز .

بوابده ديه جك برسوزم وارسه اوده بعدما طريق

انصافدن وجهاً من الوجوه انحراف ایتیموب هرکس ایله
وباختصاص افندی موما ایله ایله حسن آمیز شده بولمکیزی
عاجزانه توصیه دن عبارتدر .

آسایش دو کیتی تفسیر این دو حرفست
بادوستان تلطف بادشمنان مدارا

دقایق اشعاره واقف اولمق ایچون یالکز قواعد
موضوعه سنی بلله مک کفایت ایتیموب ادبا ایله صحبت ایتک،
محاضراته دائر آثار مدونه مطالعه ایتک ده لازم کلیر .
بوسوزمه نظامینک :

ولد الزناست حاسد منم آنکه اختر من
ولد الزناکش آمد چو ستاره یمانی

نشیده سی شاهد عادلدر .
بیت مجوٹ غنمی آکلامق ایچون : (عین الکمال)،
(خلاق معانی) ترکیب لریله (کار)، (دفع) کله لرینک نصل
مغالرده استخدام اولندقلرینی بیلی .

ایکی صکره کیلر اهمیتسز ایسه ده ایکی اولکیلرک نه
دیمک اولدیغنی بیلک، ایشتمک ویا برکتابده کورمکه توقف
ایدر، قاعده ایله آکلاشلماز.

(عین الکمال) اصابت عینه دینور. سببی شوایه
روایت اولنیور:

« هذیل قبیله سنده (کمال) نامنده مشئوم برحریف
وارمش. مرقومک متحسرانه نظر انداز اولدیغنی شی
درحال هلاک اولورمش. بو ملابسسه ایله نظر اصابتنه
(عین الکمال) دینلش.»

بو تعبیر زبازرد شعرای کالات پیرادر. حتی لسان
الغیب عنوانی آلمش اولان حافظ شیرازی:

فی جمال الکمال نلت منی
صرف الله عنک عین کمال

بیتنده تعبیر مذکوری ایراد ایتمشدر.

(خلاق معانی) کمال اصفهانینک عنوانیدر. مشارالیه
بو عنوان اشعار آبدارنده مضامین رقیقه ناکفته مندمج
بولندیغنی ایچون ویرلمشدر.

قوت و نزاكت طبعنه ديوان كمال اطلاقه شايسته
اولان مجموعه اشعارى شهادت ايتمكده در.
آرايش حافظه ارباب عشق اولان:

لاله را نازم كه باداغ تومى رويد زخاك
خاك بر سر باد عشقى را كه مادر زادنست

بیتى كمال اصفهانينك زاده طبع دقيقه دانيدر.
(كار)، بوراده تأثير معناسنه در. (دفع)، دافع مقامنده
استعمال اولمشدر. شمدى (دافع) مقامنده ولو مبالغه
قصديه اولسون (دفع) ديمك تجويز ايدليور.
بو صورته بيت مجووث عنه :
« حسد دن نشأت ايدن اصابت عين آفتى بكا تأثير
ايتمز. زيرا سوزم خلاق معانى عنوانى آلمش اولان كمال
اصفهانينك زحم چشمنى دافعدر. »
ديمك اولور.

بو بيت استادانه صنايع شعريه ايله موشع بر فخریه
لطيفه در. فقط:

باقى قالان بوقبه برخوش صدا ايمش
مصراعى كجى بر حكم حكيمانه يي مشتمل دكلدر. باقى...

هنرزم!

خواباتك بزم ثانیسنده زینب خانم نامنه مردانه بر
قاج بیت کوردیککزی وایات مذکوردهدن:

آب حیات اولمچق قسمت ای کوکل
بیك ییل کرکسه خضرایله سیرسکندرایت

بیت حکیمانهسنده کی (اولمچق) کله سنی بکنم دیککزی درمیان
ایده رک بوبابده کی مطالعات مخصوصه می طلب بیوریورسکز.
شو طلب، هر درلو فضائل ومحاسنه جلوه گاه اولمقده
بولان مرآت قلبکزده بو عبد عاجز ایچون برحسن
توجه بسلمکده اولدیفکزی تبشیر ایتدیکی جهسته تقدیم
کلدسته شکرانه مسارعت وکله مذکوره یه دائر شکسته
وبسته عرض مطالعاته مبادرت ایلم:

(قواعد عثمانیه) ده صیغ ربطیه عنوان عمومیی آلتنده
برطاقم صیغه لر کوریلورکه صیغ مذکوره بش نوعه آیر-
یلوب باقینک:

صاراردی بکزی حسددن بنمله یاری کوروب
رقیب روسیه بر غریب رنگ اولدی

بیتندہ کی (کوروب) کبی کملرہ صیغہ عطفیہ، فائضنک :

عهد ایلدی اویدر مکہ پاین کلچک عید
یارب سنن اومہاردینی ثابت قدم ایله

بیتندہ کی (کلچک) کبی کملرہ صیغہ تعقیبیہ، نوعینک :

کیدک بویکجه ناز ولطافت لباسنی
اویدر طوینجه دامنکی خاگ پالره

بیتندہ کی (طوینجه) کبی کملرہ صیغہ انتہائیہ، احمدپاسانک :

کاروان دل وجان اولدی روان سن کیدہلی
نه غریب اولشم ای مونس جان سن کیدہلی

مطلعنہ کی (کیدہلی) کبی کملرہ صیغہ ابتدائیہ، شیخ -
الاسلام یحیی افندینک :

دراز اولدجه افزون اولده دلہستہ لک یحیی
محصل قورتیلش یوق کاکل جانانہ قیدنن

مطلعنہ کی (اولدجه) کبی کملرہ صیغہ توقیتیہ نامی
ویرلشدیر .

کلمہ مجھوت عنایہ دائر بر حکم ویرلک ایچون صیغہ

تعقیبه ایله صیغهٔ انتهایه دن بحث ایدمك اقتضا ایتدیکندن
بروجه آتی ادارهٔ خامه یه متجاسر اولدم :

آثار اسلافده چو قجه کوریا ن (اولمچق، کلچک) کی
کله لر شمدی لسانه آلتیور. اوللری بو کی کله لر مقبول
ایمش، شمدی مهجوردرد. بناءً علیه مشارالیه انک کلهٔ مجوت
عنایه استعمانه برشی دینه مز. فقط معاصرین ارباب
نظمك قدما سندن اولان اشرف پاشانک :

سینه چاک اولمچق خامه کی ای اشرف
کیسه محرم اوله ماز چرخده اسرار مزه

مقطعه ده (اولمچق) کلاسی قوللانمی - صیغهٔ مذکو -
ره نك جواز استعمانه سند اولمدقن باشقه - مغایر
بلاغت عد اولنور.

شمدی (اولمچق، اولمچق) موقعنده معلم ناجی افندی
حضر تلرینک :

چشم عقل اولمینه پاک وبصیر
کوزی تک کوزلک ایلز تنویر

نور جمالدن متلاشی اولنجه دل
دوشسه مزمینه چوقی تجلی زمانیدر

بیتلرنده کورلیدیکی اوزره (اولنجه، اولنجه) دینور.
اسلاف کرام بعضاً بوصورتی ده اختیار بیورلر مش.
ایشته شو بیتلر ده: (ایدیجک، دوشیجک، دوشور یجک)
دینلیوب (ایدنجه، دوشونجه، دوشورنجه) دینش:

مرام ایدنجه مسیب بر آدمک کارین
ید تشبثی جستجو ایدر اسباب
(نابی)

§

اشک سحر دو کرسه م او شوخک یوزی کولر
شاداب اولور دوشونجه کله شبنم صباح
(حلیکرای)

§

دوشورنجه رخک طرء پرچینکی باد
مضطرب موج کر هکیره دوزر آب اوزره
(جوری)

صیغه انتهایه دخی نوعینک بیتنده کورلیدیکی وجه

ایله (طوینجه) صورتنده قوللانلیور، بوکا (یه دک، یه قدر)
لفظلری الحاق اولنیور.

مثال:

نهر کورر سر غوره شراب اولنجه یه دک
(غالب)

«... واقعا بواهوینجه ایسه ده خبر کیدوب قایق
کلنجه یه قدر تکفور طاغنده برقاچ کون دها مکمز ایجاب
ایتمه مک ایچون همان مکتوبکز ورودینک فرداسی احمد
ریسک قایغنه بینوب دکزه چیققدق.»
(عاکف پاشا)

(دک) لی صیغه انتهایه لر نظمه مخصوصدر. (قدر) لی
صیغه انتهایه لرده وزن ایله پک ایستلاف ایدمه مدکلری
ایچون نثرده مستعملدر.

(اولنجه) کی کله لر (یه دک)، (یه قدر) لفظلری الحاق
ایدلمینجه صیغه انتهایه اوله رق قوللانلدینی کی سامینک،
نابینک:

ایتمز کنار مطلبه کوهر نثار موج
تا اولمینجه ذلت ایله خاکسار موج
§

تا وقتی کلمینجه امور ایلز ظهور
دور ایلر آسیاب فلک نوبت اوسته

یتلرنده **ك**ورلديكي مثلی ادات انتہا اولان (تا) نك
ادخاليلهده بومعاده استعمالنه جواز ویرلیور.
استعاراد طریقہ شونی ده بیان ایدہلم کہ بزم صیغہ
تعقیبہ دیدیکمز (اونجه، بولنجه) کی کله لر بمضاً (اولدقده)،
(بولدقده) معاسنده دخی قوللانیلور. مثال:

برکره طوقونسهك تلنه ساز درونك
بيك درلو نوازشله دوزلمز بوزولنجه
(راغب پاشا)

(خاتمه)

کلمہ مبعوث عنہایہ دائر بر حکم ویرمک ایچون سوزی
بوقدر اوزاتمغه مجبور اولدم. بوبادہ کی تصدیعاتم اولدجقه
مهم بر مسئله نك تحلیلی ضمنتده سرد ایدلمش تفصیلات
مفیددن عبارت اولدینی ایچون منونیتکزی موجب
اولمشدر ظنتده بولنیورم. بو ظنم مقارن حقیقت ایسه
بنم ایچون نه بیوک موفقیتدر.

متقدمینک آثارنده چو بجه تصادف اولنان (کلیچک)،
 (کلمیچک) کی کلمات، (کرکسه) تعیری مثللی لسانه وداع
 ایلش الفاظدن بولدیغی جهتهلّه خوشه کیمیه جکی طبعیدر.
 بناءً علیه زینب خانمک بیتندکی (اولمچق) کله سنی خوش
 کورمه مکز تعیب اولنه مازسه ده (کرکسه) تعیرینه
 ایشمه مکز مساحیه حمل اولنور.

مطالعه سی ارباب استفاده نی هر زمان مستفید ایتکده
 بولنان آثار برکزیده اسلافی آکلامق ایچون بوکی کلمات
 و تعیراتک نصل معنارده استعمال ایدلیکنی اوکرنمک
 لازمه دن اولدیغی توصیه ایله ختم کلام ایلرم. باقی ...



فهرس

- ۰۰ افاده مخصوصه
- ۵ مقام مشيخته - خاك پاى شيخ الاسلاميه قصيده تقديمه
داثر عريضه
- ۷ قصيده
- ۱۱ مقام مشيخته - سنه جديده تبريكنامه سى
- ۱۲ » » - ليله معراج »
- ۱۳ عريضه - پايه تصحيحى ايجون
- ۱۵ »
- ۱۶ استرحامنامه - تمديد مدت ايجون
- ۱۷ » - مفتيلكدن طريق نيابته دخول ايجون
- ۱۸ » - تحصيل نيابت ايجون
- ۱۹ » - مفتيلكدن طريق نيابته دخول ايجون
- ۲۰ عريضه - محكمه شرعيه تعميرى ايجون
- ۳۱ استعلامه جواب
- ۲۲ » »
- ۲۲ عريضه - مجدداً بايلاق محكمه شرعيه تك رسم كشادينه
داثر
- ۲۴ استغفانامه
- ۲۵ استعلامه جواب
- ۲۶ استرحامنامه - تحويل نيابت ايجون
- ۲۷ » - بجايشه داثر
- ۲۸ شكايته نامه
- ۲۹ استرحامنامه - تمديد مدته داثر
- ۳۰ عريضه

مکتوب	۳۱
»	۳۲
»	۳۲
جوابنامه	۳۳
تقریبنامه	۳۵
جوابنامه	۳۶
مکتوب	۳۷
تبریکنامه - لیلہ رغائب ایچون	۳۷
» - مأموریت ایچون	۳۹
» - لیلہ رغائب ایچون	۴۰
» - سنہ جدیدہ ایچون	۴۱
» - نشان	۴۲
عریضہ	۴۳
»	۴۴
جوابنامه	۴۵
مضبوطہ	۴۶
استعلامہ جواب	۴۷
شکایتنامہ	۴۸
استرحامنامہ - تحویل مأموریت ایچون	۴۹
عریضہ	۵۰
عرضحال	۵۱
»	۵۲
»	۵۴
»	۵۵
استرحامنامہ - مأذونیت استحصالی ایچون	۵۵
شکایتنامہ	۵۶

- ۵۷ عر ضحال - خاك پای شاهانهیه
 ۵۸ استرحامنامه - تبدیل نیابت ایچون
 ۵۹ عر ضحال - خاك پای شاهانهیه
 ۶۱ استرحامنامه - تبدیل نیابت ایچون
 ۶۲ عر ضحال
 ۶۳ »
 ۶۴ مکتوب
 ۶۵ عدلیه نظارتنه - مدعی عمومی معاونندن شکایت
 ۶۵ مقام مشیخته - قائمقامدن شکایت
 ۶۶ » » - یکیدن پاییلان محکمہ شرعیه نك اتمامیه
 رسم کشادینه دائر
 ۶۷ مکتوب - برغزل ارسالنه دائر
 ۶۹ غزل
 ۷۲ مکتوب - غزل تنظیمه دائر بعض ملاحظاتی حاوی
 ۷۵ غزل
 ۷۷ مکتوب - نفعینك بریتنه دائر تدقیقاتی حاوی
 ۸۲ مکتوب - بر مسئله لسانیه نك حلنه دار

اشتریکه


~~~~~

— — — — —

معارف نظارت مہدیہ نیک رخصتید طبع اول نمبر

(علاقہ) مظہر مدنی - جہاد احسان و شہادت

1511

صاحب و ناشری : شمس کتابخانه می





بوندن اول - لوامع - بدايع - عنواناری  
آلتهده ساحه مطبوعانه وضع ایدیان مجله جکاره مک  
اوچنجیسی اولق اوزره بوکردهده ﴿سواطع﴾  
نامنی ویردیکم شواری طبع و نشره جراتیاب  
ولیورم. ﴿سواطع﴾ ﴿لوامع﴾. بدايع کبی یالکز  
مکتب نوابده استکتاب ایتدیکم مسوداتی  
حاوی دکلدر . بوسار بعض آثار ناچیزانه می ده  
محتویدر .

ذکر نزلکنی یلددیکم بواری - شرفاندره اٹ

اوزره - ورد ز بانم اولان قصیده آتیه ایله توشیحی  
مناسب کوردم . و ما توفیقی الا بالله .

شیخ وصفی

### ﴿ قصیده ﴾

ذاتکلمه منک ای مه غرای مهرفت  
فخر اتمده در رتبه علمای مهرفت

نامکلمه منک صبح و مسا طای قفرده  
رضنامه اولیور بر تو طغرای مهرفت

هامه کده در خشنده در اکلیل نجابت  
شایسته مکتخت معوی مهرفت

مهره کده فروزانه اولانه انوار ابد دائم  
بر شمشیر در طور نجوی مهرفت

اولمقدمه عیانہ سایہ دست کرمکده  
معنای منیر بہ بیضای معرفت

ارصافکی تزیین ابد انوار معالی  
عالی القدر ابدی اعلاٰی معرفت

عثمانیدلک ابتکده در شانی تعالی  
سایه کلمه شرفیاب اولیٰ ہای معرفت

محمود نجوم اولیٰ سزا مهر فداکده  
یارلاق کورینور زہرہ زہرای معرفت

ہر عصرہ مرجع طویلوں عصر حمیدی  
اول عصر کزیندر شرف افزای معرفت

بر یادشرف بندہ فرمانبری بن کیم  
آرامہ زائید سجایای معرفت

اول یادشرف مهر وجودبلہ ہرمانہ  
رشد آور اولور طارم مبنای معرفت

اول یادشرك مصحف رو بنده همیشه  
برق آورده در آیت کبرای مہرقت

اول یادشرك روز مہر سید برابر  
ابتدی طعانه نور مہمای مہرقت

شاهانه جہانہ ایچره نظیری یولنور می  
بروانہ در اول کوکہ پیرای مہرقت

شاهاسہ اوقور افکارینہ قانونہ عدالت  
مہرانہ اولور اطوارینہ معنای مہرقت

ہیب لہمت شاهانہ سی آہاہہ مصروف  
فایروہ کبی قیلیمہ اجرای مہرقت

عنوانہ مہرگانہ سیر محبی دولت  
بیکطر باشاسونہ ایلدی امہای مہرقت

وصفندہ قلم ہر نہ قدر ایلدہ اطرا  
شاہتہ در اول معات آرای مہرقت



ایفای دعا ابد لغمانه صدق ابد وصفی  
محمده دکل اممهای مزایای معرفت

آراسته گلزار جهان اولسونه الهی  
نامشده قدر کلمه رعناای معرفت





— ۱ —

جناب رب متعال شهریار حمید الخصال تاجدار دریا  
نوال افندمن حضرت تارینک ظل ظایل معذلت دلیل  
جهانبانیارنده ذات محاسن صفات مشیختپناه یارینی مقام  
معلائی فتواده موافق رضای عالی خدمات جایله ابرازیله  
الی آخر الایام موقتیت آرای اقبال بیورسون آمین .  
آره صیره نأبید رابطه اتساب ایچون آثار خامه  
مستمندانم اولان مجله جکاردن تقدمة ناچیزانه اولمق  
اوزره نظرکاه دقایق اکتناه جناب مفتی الانامیلرینه  
عرضه جرات ایتدیکم کبی بوکردهده « . . . » عنوانی  
آلتمده نشرینه اجتسار ایلدیکم اترك تقدیمی وسیله سیله  
خاك پای فیض احتوای ولی النعمیلرینه یوز سورمک

شرف علمیه مظهر اولاد یغمدن طولانی نه قسرت اختیار  
ایتسم آذر .

محبوب بیورد قلری خضات بنده بو زیاری انجایحه  
امثالی . ملای دکر سزاکلری بدیهی اولان او مد کورده  
عطف نظره نزل ایله دعی اصد قلری واکلردن بیت  
قات زیاده مظهر التفات بیورد قلرینه . مقابل لازم کان  
تشکر فریضه سی حقیه ایفادن لسان و قلم عاجز و لمقه  
برابر بوایده :

سخن بر کنج نی پایان اسرار آیه در  
که طبع نکته داندراو کنجک شمدی کنججوری  
یتک قائل اولان نفی ده اولسه اعتراف عجز ایله جگنه  
جهان بلاغت شاهد عادلدر .

مع مافیه بر مقتضای آیین بهین عبودیت عاجزانه  
عرض شکرانه . مبادرت و حق درویشانه . مدد ابدال  
بیورلقد اولان حسن توجه استداد بوایده کی  
قصور مک عفو بیورلمسی استرحامه مسارعت ایلم .

— ۳ —

عنیزم !

ینه برالتفاتنامه کی آلام .

« نامه کن جان رسد منشور اقبال منست ،

دیہ رک کمال شوق ابلہ مطالعہ سنہ طالدم ،

کوکلمہ ذوق مطالعہ دن متحصل اویلہ برنور سرور  
 برق اورمغہ باشالادی کہ شمدی یہ قدر بویلہ برذوق  
 وجدانی یہ مالک اولدم دیسم یالان سویلمہ مش اولورم .  
 بوبابده کی مسرتمی اطرافیلہ تصویرہ قالمش  
 اولسیدم — مبالغہ اولسون اما — قوجه بر کتاب  
 وجودہ کلیردی .

بونی کوزمه کسدیرو بده بویلہ برمسرتنامه یازیدم  
 عجبا حقیلہ افادہ مافی البالہ موفق اولورمیدم ، نہ کزر !  
 وجدانیات روح کییدر ، بعض اوصافی تفہیم  
 وتحریر اولنہ بیاسده حقیقتی تقریر وتصورہ گلز .  
 طرز افادہ سنہ حیران اولدیغم آثار خامہ کلک تقاییدینہ  
 اوزنیورسمده بردرلو موفق اولہ یورم . بوبابده سکا  
 — حسد دغل اما — غبطہ ایدیورم .

بویله ساده یازلمش مکتوبلر : « جناب فضیلت‌مآب  
 کر مکتب‌ترلرینه ، خالک‌پای فیض بخشای حقوق پروریلرینه ،  
 کبی تعبیرات خاییده ایله — سوزده — آراسته بولنان  
 عریضه‌لردن بنجه بیك قات دکرلیدر .

کلفت منشیانه‌دن آزاده ، شیوهٔ لسانه موافق اولمق  
 برابر یک‌ساده یازلمش هر درلو آثار ، اغلاقت و یسیانه  
 ایله — کویا — تزین ایدیلوبده عربجه‌می ، عجمجه‌می  
 ترکجه‌می نه اولدیعی بیانه‌مین محرران‌دن البته قیمت‌دار  
 اولوب هیچ بروقت التفات نظر عمومیدن دوشمز .  
 ترکی کی قدماک آناری — آتیقه قیلان‌دن  
 اوله‌رق کتابخانه‌لرده بولندیر یایرسده — الله قبری  
 بر نور ایتسون مرحوم معلم حاجی افندی کی ارباب قلمک‌زاده  
 طبع ادیبانه‌لری مثالی دائم‌زیور ایدی ، استفاده اوله‌ماز .  
 قدما بر جمله وجیزه ایله تسخیری ممکن اولان  
 و بلکه نظم طبیعی بویله اولسنی مقتضی بولنان بر کلامی  
 بر طاقم عربی ، فارسی لغات و تنایع اضافات ایله  
 اوزاده‌رق قوجه بر فقره حالته افراغ ایتکی معرفت  
 عد ایدرلر مش ،

بویله فقره‌لردن اولدجه او قویوب یازانلر . امانلی

تنظیمه مقتدر اولانلر بیله قولایجه معنی استخراج  
ایده منزل .

ترکجه ، عربجه دن عجمجه دن استعاره اولانلار  
ترکیبات و کلمات سایه سنده مضامین دقیقه بی افاده بی صالح  
بر انسان نازکدر . بویله اولدیغنه ایادی اعتبارده بولانلار  
آثار حیده جدیده شهادت ایدوب طور بیور .  
« حضرت شیخ اکبرک :

تأمل سطور الکائنات فاهما  
من الملاء الاعلی الیک رسائل

یتقی کبی بک چوق جواهر حکمییه بی جامع بولانلار  
خزائن ادبیات عربیه دن او الملاء المعرینک حین وفاتنده  
کتابه سنک مزاری اولمق اوزره سویلیدیکی :

هذا جناہ ابی عا  
ی و ما جنیت علی احد

یتقی مثالی آثاری النقاطه قائم شمع تنزل دکلیدر : «  
یوللو بر توبیخ برادرانده بولاندقدن صکره معری  
نامه اسکی بر مجموعه ده کوردیکم :

زعم الجمهور ومن يقول بقوله

ان لم يصب من قضاء الخالق

ان كان حقاً ما تقول فلم ترى

حد الزناء وقطع كف السارق

قطعه سینه دائر اولان استیضاحاته کوزل کوزل

جوابلر ویریلوب یوسف افندی نامنده بر فاضل عثمانی

طرفندن :

حكم الآله اذا نظرت عجيبة

دفت عن الفهم الذكي الحاذق

لا يسأل الختمال عن قول له

قد جاء ذاك على لسان المصدق

قطعه سینه منجه وندینی درمین ایدمشدرکه بوباید کی

بتدار لغمک درجه سنی تعیین ایدم . بناء عایه تشکرلر

عرض ایدرم .

بوقطعه بی او قورکن خاطرده جناب « خاقانی » نک

حایه شریفه سنده کی :

کشمش آتمشدر آنی ائمه جدل  
تینگ لایسئل عما یفعل

بیاتی خطور ابتدی . بوندن استفاده ایدهرک معریه  
بر جواب صواب اولمق اوزره :

وار ایکن الده دلیل قطعی  
« تینگ لایسئل عما یفعل »

عقلا بریزه کاسه بوله ماز  
حکمت خالقه تعریضه محل

قطعه سنی سویلدم .  
قطعه کوزلجه اولدی . سنکده تقدیریکی قازانیرسه  
لوچه یاپلمغه شایسته اولدیغنده شههم قالماز .  
یوسف افندی نامنه اولان قطعه نك اوچنجی  
مصر اعنك :

لایسئل المختار عن فعل له

صورتنده اولمسی لازم کله جکی وارد خاطر اواییور .  
بویله اولمسی بزم فلان افندی ده تصویب ایدیور .



اطناب در مکالمه دوست خوشترست

مؤداسنه بناء سوزی تطویلہ اجتناسار ایتدم .  
تصدیعدن حذر ایتیمدم بوقدرله اکتفا ایتیوب سلسله  
کلامی دها اوزادردم . بناء علیه باعث افتخارم اولان  
حسن توجهک بقا و ازدیادی نمائیله طی طومار  
کفتار ایتمکه مجبور اولدم .

— ۳ —

سمادتلو اقدام حضرتلری

اصدقای بندگان ساهت سابه لرینه هر بار عواطفه  
جليله شهریاریلری معنئشار اولان پادشاه دریا نوال  
شهنشاه حمیدالخصال اقدام حضرتلرینه حق الحق  
کریمانه لرنده آن بان تجلی ایتمکه اولان آثار توجهات  
جهان درجات خسروانیه بر لاحقه فائقه اولمق اوزره  
بوکره قریحه الهام صبیحه جناب خلافتناهیدن اوله رق  
— محظوظیت سلیه منی موجب اولان استقامت و لیاقت  
ذاتیه لرینه منی — سینه صداقت دینه لری اوچنجی

رتبه دن بر قطعه نشان عالی عثمانی احسانیه تزیین  
 بیورلدینی ترجمان حقیقت غزته سنک . . . نومرولو  
 نسخه سنده کمال مسرت و مفخرتله مطالعه اولمش و بو  
 کبی دها نیجه الطاف مخصوصه شاهانهیه مظهر اولملری  
 دعای اجابت اتماسی رفع بارگاه احدیت قیامش اولدیغنک  
 عرض و بیانیله حسب الاختصاص ایفای فریضة رسم  
 تبریکه مبادرت و حسن نظر فیض اثر نخبانه لرینک حق  
 داعیانهمده دوامی نیازینه مبادرت ایلم .

— ی —

فضیلتهمدم افندم

ماوریتک بروسهیه تحویل ایدلمسندن برقاچ جهتله  
 ممنون اولدم . اسباب ممنونیتهمدن بریسی و بالک برنجیسی  
 آره صیره استانبوله کلامک بالخاصه خاکی پای ادبانه لرینه  
 یوز سوره بیامک کبی بر آرزونک نیسر حصولیدر .  
 بوشهر غرامک شوصوک بهارنده کوردیکم لطافت  
 نشوه بخشامی فصل ربیعنده کی طراوت روح افزاسنی

مبشر اولغله فصل مذ کورده آشریفه رغبت بیوریله جق  
اولورسه مستلزم ممنونیت اوله جغندن امینم . باقی شدت  
انتظار .

∴

— ن —

او غلم !  
کلیم همدانینک :

شب هم از کسب کمال آسوده در بستر نیم  
می دهد درس خموشی صورت دیبا مرا

بیت حکیمانه سی طالب علم ایچون اکتساب کمالدن  
آزاده قاله جق بر زمان اوله میه جغنی کوستریور .  
کائناتده بر لوحه تصور اولنه ماز که عبرت بخش  
اولوالالباب اولسون . فقط سنک کبی مبتدیلر ایچون  
تعلمی و حییه دن اولان مقدمات فنونی تحصیله بتون  
بتون حصر اوقات ایتیموبده بعضاً اشعار مطالعه سیله  
اشتغال ایتک قطعاً تجویز اولنور مواددن دکلدر .  
شمدی پک او قدر فارسی بی ده ایلری به کوتورمه

قالقشمه ، عربی به چالش ! بونده استخراج دینیان  
مالیکیه مالک اولدقدن صکره فارسی ده اوکو !

فارسی به کایله اختصاص ایچون بر چوق دیوان  
اوقومق ، اصطلاح بللمک لازمدن ایسه ده کاستانی  
شویله بر آکلامق ایچون بر آقواعد اوکرتمک  
کفایت ایدر . بو کتاب ایسه حکایات لطیفه‌یی حاوی  
برکنجینه حکمت اولدیغندن مطالعه سندن متلذذ اولیه جق  
بر انسان تصور ایدمم . بویله بر کتابک تدرسی —  
باعث انبساط درون اولیه جق — صرف ، نحو ، منطق  
ایله قسماً اولسون اشتغاله مانع اوله جفی درکاردر .

ارباب مطالعه ایچون نظیر استفاده‌یه آلمیه جق بر  
کتاب اوله‌ماز . بونلر «اصلی ، کرم ، مثارندن ده  
مستفید اولورلر .

سن ارباب مطالعه‌دن اولمق مزیتی قازانده نه  
اوکورسه‌ک اوکو ! بویله بر مزیت ایله تحلی ایتک ایستر  
ایسه‌ک وصایای مذکوریه توفیق حرکت ایت اوغلم .

— ۶ —

افندمن !

يکديکرى تعقيب ايتمکده اولان احساننامه لريکيز  
کرت غربتى اونونديره قده اولدغى جهتبه نصل عرض  
تشکر ايدم جکمی بيله ميورم .

ادای وجيبه رسم شکران خصوصنده کی قصورمک  
عفويله پامال هجران ولان کولگی بيله احساننامه لر  
ارسال ايدم رک مسرت آباد بيورمکزي نیاز ايدرم .  
باقی

..

— ۷ —

عطاو قتلو افندم حضرتلری

طرف مستجمع الشرف حضرت پادشاهیدن عهدۀ  
عجزانمه احسان بيوريان پايه نك تبریکنى حاوی  
التفاتنامه عالیاری ، حق داعیانمه بی دریغ بیورلمقده  
اولان حسن توجهک دوامنی مبشر اولمقله :

ایلرم دنیايه قارشى افتخار  
بختیارم بختیارم بختیار

دیمکدن کندیمی آله مدم .

هر گله سی برلعه حکمت اولان تبریکنامه سامیلرینه  
قارشی ادای وظیفه شکر کداریده اولان عجز می اعترافه  
مسامرت و برات سعادت بیلدیکم حسن توجه گرامیلرینه  
دائما مظهر اولمقلغم دعاسنی رفع بارگاه خداوند بی نیاز  
ایتمکده اولدیفعمک عرض و بیانه مجاسرت ایلرم .

..

— ۸ —

کلمه تعظیم اوله رق قوللانا مقدمه اولان « حضرت ،  
جناب » الفاظ عربیه سنک صورت استعمالنه دائر برقیچ  
سوز سویلمک آرزو ایدیورم .

الفاظ مذکوریه دائر — بر حکم و یرمک حیدمه  
دکلسه ده — الله قبرینی پر نور ایتسون معلم ناجی افندی  
مرحومک لغت کتابنده مصادف نظر تلمیذانهام اولان  
ایضاحات و جیزه بی مأخذ ایدینه رک بوبابده کی مطالعات  
عاجزانهامک بسط و تمهیدینه متجاسر اولدم :

[حضرت 'مناب]

﴿حضرت﴾

حضرت — فی الاصل قرب و پیشگاه معناسنه در .  
 بومناسبتله کلمه تعظیم اوله رق استعمال اولنوب — یرینه  
 کوره . — کلمات و ترکیباته ادخال و الحاق ایدیایر :

— حضرت خدا .

— حضرت فخر الانبیا .

— حضرت حیدر کرار .

امثله مذکورہ اصله نظراً و خدانک حضوری ،  
 فخر الانبیانک حضوری ، حیدر کرارک حضوری ،  
 دیمک اولور .

کلمات و ترکیباته و حضرتی ، صورتنده الحاقی جائز  
 دکدر .

مثلاً « حق حضرتی ، بی افصح البیان حضرتی .  
 امام حسین حضرتی » دینلمه ملی .

قدمانک آثارنده بعضاً بو صورتده کوریا بوریورسده  
 شمدی استعمال اولمیور . « حضرت حق ، حضرت  
 بی افصح البیان ، حضرت امام حسین ، دیمک وار ایکن

صورت اولانی هیچ بر ذوق سالم صاحبی قبول ایتز .  
 کلمه مذکورہ ذوی العقولہ مخصوص دکلدر .  
 « حضرت محمد ، حضرت مولانا ، دینلیدیکی کی » حضرت  
 قرآن ، حضرت مشوی ، ده دینلیر .

### ﴿ استطراد ﴾

[ حضرت عبدالقادر » کی ترکیبہ ادات ندا اولان  
 « یا » ادخال ایدیلہ جک اولورسه « حضرت » ک تاسی  
 اصلہ ارجاع اولنوب طویار لاق یازیلہ رق منصوب او قونمق  
 لازم کلیرسه ده بو مثللی اسمی ارباب یقین ایله تزین  
 ایدیلن لوحه نرده « یا حضرت عبدالقادر » صورتندہ  
 یازلیوب غلط اولہ رق اضافت فارسیہ ایله « یا حضرت  
 عبدالقادر » شکلندہ کوریلور . ]

« انتہی ،

عربیجہ جمی اولان « حضرات ، ذوی العقولدن  
 اولان « امامین ، مثللی تشبیہ لر ایله « احساب ، پیران .  
 مفسرین ، افندیلر ، کی جموعہ « حضراتی ، صورتندہ  
 الحاق اولنور :



- امامین حضراتی
  - اصحاب کزین حضراتی
  - پیران کرام حضراتی .
  - مفسرین عظام حضراتی .
  - افندیلر حضراتی .
- ترجمہ جمی اولان « حضراتلر » ده بعض ترکیبات ایله  
 « پاشا ، افندی ، کبی عنوانلر » « حضراتلری » صورتلر  
 لاحق اولور :

- امام المسلمین حضرتلری
  - صدر اعظم حضرتلری
  - پاشا حضرتلری
  - افندی حضرتلری
- « حضرت » کلمه سی بر بیوک ذاتن کنایه اوله رق  
 استعمال اولندیغی کبی ذات معناسنده دخی قوالانیلر .  
 بر بیوک ذاتن کنایه اوله رق قوالاندیغنه مثال :

حضرت بو طبیعت یکانه  
 رشک اورخیل شاعراندر  
 اشعار کزین دلشکارک  
 آرایش عالم بیاندر

ذات معناسنه اوله رق قوللانديغنه مثال :

کوکله زخم کنه وارکه التيام ایتمز  
مکر اوله مقارن دواي حضرتکه  
« اشرف پاشا »

حضرت مولاناك :

دل نکه داريد اي بي حاصلان  
در حضور حضرت صاحب دلان

ييتنده کورلديکي اوزره فارسيدنه « حضرت » ك  
« حضور » ايله جمعی تجویز اولنوب بونی اسلاف ترجهده  
دخی خوش کور مشلر سده شمدی مساع ویرلیو .  
« حضور حضرت شیخ الاسلامی به » کبی عبارده لر یا کاش  
عد اولنیور .

..

﴿ جناب ﴾

جناب — فی الاصل سرای و خاه حولیسی، چورمسی،  
بنادن خالی اولان یرلری معناسنده در . بو مناسبتله کلمه

تعظیم اولہ رق قوللائیلوب — یرینہ کوزہ — کلمات  
وترکیاتہ ادخال اولنور :

اشتیاقم آرتار اکسلمز جناب دلبرہ  
کلمسون نقصان جهانده آب وتاب دلبرہ

## §

جناب شہریار بی عدیلک  
اولہ کوندن کونہ اجلالی برتر  
ایدوب ترفہنہ ہمت عبادک  
معین اولسون آکا اللہ پیہبر

« حضرتی » کہی « جناب » کدہ کلمات وترکیاتہ  
الحاقی تجویز اولنماز .

مثلاً بعضاً آثار اسلافده « جناب علی ، جناب امام  
الحرمین ، جناب حافظ شیرازی ، مقامندہ « علی جنابی »  
امام الحرمین جنابی ، حافظ شیرازی جنابی » دینلیدیکی  
کوریا یورسہده شمدی بوصورتی صورت اولایہ ترجیح  
ایلیہ جک ذوق سایم صاحبی بولنماز .

جمی اولان « جنابلر » بعض کلمات و ترکیباته  
« جنابلری » صورتندہ الحاق قیلمیر :

— بطریق جنابلری .

— سفیر درایت سمیر جنابلری

« جناب » کلمہ سی ، « حیثیت و شرف » معناسندہ کلیر :

شاعر مہر کوردیکم دلداری ایتیم انتخاب  
سودیکم اولسون دیرم کوکلم کی عالیجناب

بویتمده کی « جناب » کلمہ سی ، « حیثیت و شرف »  
معناسندہ اولمقلہ برابر اصلہده ارجاع اولنہ بیلیر .

« جناب » ك « حضرت » ایله جمی جائز دکادر .

نایدنک :

جناب حضرت سلطان مصطفی خان کیم

مصر اعندہ کی « جناب » و یا « حضرت » دن بری  
زائد اولدیفی کی برانشا مجموعہ سندہ کوریلان :

« جناب رب منان تعالی شانہ عن العجز و النقصان

حضرتلری . . . »

عبارہ سندہ کی « حضرتلری » ده حشو قیلمندندر .

یرینه کوره « جناب » دن « حضرت » اقوی  
عد اوانور . بونلردن هانکیسی لسانه ده . هانکی  
کلیرسه اواختیار ایدیلیر .

..

— ۹ —

### ﴿ قصیده ﴾

کلرک حجره مه بردلیر پا کیزه شیم  
ایلدی کوکلی بر مژده نوله خرّم

دیدى اى شاعر سلطان سلاطین جهان  
بویله برروز مسرتده طورماز ابکم

اوکرامتلو شهنشاه معالی هممک  
کلدی اورنک معالیه شرف ویردیکی دم

سنده قیل رسم عبودیتی صدق ایله ادا  
عرض شکرانه شتاب ایایور افراد ام

بکا همراہ اولوب کلک بلاغت پرور  
ایلدیم بنده بووادی به همان وضع قدم

دیدم ای کوکلی پرشوق ایدن نازنده  
مطلع مهر سعادتدر او شاه اعظم

اوله بر ایلدی تنظیم که باغ وطنی  
رشد ایدر طرح دلاراسنه کلزار ارم

بحر الطافنه عالمده بولماز پایان  
غبطه ایلردر احساننه روح حاتم

فکر در اکنه حیرتده کروہ عقلا  
حکم وفرماننه دلدادہ نظام عالم

قیلیمده آب معارفله جہانی اروا  
دھڑک آسایشنه ایتمده ابزال همم

صاحب مرحمت وشاہ معالی فیکرت  
حافظ سلطنت وخسرو فاروق حشم

قلب شاہانہ سی الہامکہ ربانی  
قوۃ مدرکہ سی مشرق انوار حکم

مسلك حكمتي هاديء ملوك دوران  
مقصد اقدسى هروجه ايله ترفيه اتم

طينت پاكي محاسنه ايدلمش تخمير  
نصفت و مرحمت و سطوت و حكمتده علم

پاشا اي سايه يزدان عدالت عنوان  
كورمدى شمدى يه دك منلكي چرخ ضارم

استناد ايله رك حبل متين شرعه  
كرم حق ايله هرايشده اولور سين ملهم

عين حكمتدر ارادات كزينك بي شك  
سين اسرار فيوضات خدايه محرم

فيض مدحكه سنك برغزل انشاد ايديم  
نعمه خامه مه حيرتده قاله اهل قلم

« كوكلم آلدی ينه ناچار بنم بر كلغم  
رخ پرتابنه حيران نصل اولماز آدم

دیدی احسنت کورنجه آنی پیر رندان  
برزمان کورمدی بر بویله کوزل مجاس جم

اولدیرر شیوه کفتاری سخن سنجان  
وجهی وار زلف سمنبوسنه ایتسه مده قسم

وارمیدر آنده کی انوار لطافت بونده  
دردنداننه تشبیه اولتماز شبنم

یوجه در قامت موزونی بحق طوبی  
صافدر غنغب سیمینی بحق زمزم

پای بوسیله شرفیاب اوله بیلسه م وصفی  
اوزمان بن دخی کو کلیجه اولوردم خرّم «

طوغریسی ایایه من وصفی حقیله بیان  
نه قدر نادره کو اولسه بویولده خامه م

ایتمه تطویل سخن باشلا دعایه غیری  
بودر آیین صداقتده همان امر اهم



اوشه معدلت آرای حمیدالشیعک  
دستگیری اوله هر حالده نبی اکرم

طولسون انوار مسرتله سرای قلبی  
قونمسون دامن پاکیزه سنه کرد الم

حشره دک مرکز دولتمده حکمران اولسون  
کورمسون سایه عدلنده جهان رنج ستم

— ۱۰ —

سعادتلو افندم حضرتلری  
مناهر اولدیغم التفات معالی آیات حضرت نهریزیدن  
طولانی ارسالنه تنزل بیوریلان تبریکنامه عالی لری  
هامه پیرای عاجزی اولدی . کوکلم — بر پرتو کیمتری  
هزاران دل غم آکینی بر شوق یدم جک — لمعات سرور  
ایله طولدی .

هر گه سی برر نشانه اخلاص پروری اولان احساننامه  
سامیلرینه قارشی بحق ابرار وظیفه شکراندن خامه

داعیانہم ہم حالت لالدر . بو بایده کی قصورہک عفو یلہ  
حق ناچیزانہ مدہ ابدال بیور لمقدہ اولان حسن توجہک  
دوام و تزیادی تمنای دل عجز اشتمالدر .

..

— ۱۱ —

### مجلس ارامل و ایتمای ریاست علمیہ

بماحتلو افندم حضرتلری

داعیلرینک مخصوصات علمیہ میبانشندہ شہری . . .  
غروش معاشم اولوب بوکرہ شہزادہ باشندہ . . . محله سندنہ  
بورمه لی مسجد زقاقندنہ . . . نومرولو خانہ یی اشترا  
ایده جکمدن عاجزلرینہ امثالہ مثللی کفالت قویۃ معتبرہ  
ایلہ ارامل و ایتمای علمیہ صندوقندن . . . غروشک  
اجرای ادانہ سی خصوصنہ مساعدۃ علمیۃ جناب ریاستینا -  
ہیلرینک بی درینغ بیورلمسنی نیاز ایلم . اول بایده امر  
وارادہ افندم حضرتلرینکدر .

\*  
..

— ۱۶۲ —

دولت‌و عضو فناء افندم حضرت‌تلی  
 کوکله اوتنه دن بری سلك جایل عسکری به دخالت  
 آرزوسی جلوه کر اولمغله و عقائده قدر درس کوروش  
 مدرسه نشین طایفه دن اولدیغ مربوط علم و خبردن  
 مستبان بولمغله یقینده آجیله حق اولان طاہور امامانی  
 امتحاننه قید و قبولم ایله مسرور بیورلماغم خصوصنه  
 مساعده جلیله جناب سر عسکری لرینک سزاوار بیورلمسنى  
 استرحام ایلرم .

— ۱۶۳ —

﴿ نطق ﴾

افندیلر !

علم و کمال برهای ذی بالدرکه کیمک باشنه برتوانداز  
 سعادت اولورسه مادام الحیاة محافل آرای شان و بعد  
 الممات نامی زیور السنه جهانیان اولور .

جناب فیاض بی امتنان « بیان بیامین ایله مساوی  
اولور می ؟ » مال شریفده کی آیت جلیلہ ایله شرف  
عالی بیان بیوریور . بویله بر شرفدن حصه مند اولمق  
ایچون صرف نقدینه غیرت ، « علو الهمة من الايمان »  
حدیث منیفی مقتضاسنجہ لازمه حمیدر .

« اطبوا العلم من المهد الى اللحد » فرمان نبویسی  
تحصیلدن هیج بر کیمسه نك هیج بروقت آزاده اوله میه .  
جغنی کوستریور . بر کیمسه ایستر اغنیادن اولسون ،  
ایستر فقرادن بوانسون اولادینی تحصیل معارفه سوق  
ایتمکه بورجلودر .

شمدی الحمد لله هر یرده مکمل مکتبهار کشاد اولنیور .  
اکتساب کمال ایچون شورایه بورایه کیمکه لزوم قلمدی .  
اولاری دکل سنجاقلرده ولایتلرده بیله مکمل دینیه بیله جاک  
بر مکتب ابتدائی بولمئوردی . شمدی ایسه وجود  
پرسود هایونلری مات نجیبه عثمانیه ایچون محض سعادت  
اولان پادشاه عدالتمندمن خلیفه بی مدانی غازی عبدالحمید  
خان ثانی افندمن حضر تلیرنک سایه تعالیوایه خلافتینا .  
هیلرنده دکل ولایتلرده قضالرده بیله مکمل مکتبهار  
کشاد اولنهرق نشر انوار معارف ایدلمکده در .

از جمله رسم کشادندم بولمق شرفه مظهر اولدیغمز  
بومکتب فیض مکسب — که بری رشیدی ، دیگری  
ابتدائی اولهرق دایرلیدن متشککدر . — بوسوزمه  
ایکی شاهد عادل اولهرق عرض وجود ایدیور .

ذکوت دینیلن نور فضیلت دنیانک یالکیز بر  
جهتده چهره کشای کرامت اولایوب هر گوشه سینه  
پرتوانداز لطافت اولهرق اونور مبین احباب قابیت  
نصیبی قدر اقتباس اشعه فطنت ایده کدیکی مشهود دیده  
معان و بوحوالینک یتشددیردیکی اولاد وطنده جسم  
افتخار ایله کوریان استعداد فوق العاده ایسه رشک آور  
جهاندر .

شمیدی به قدر پک چوق استعداد مکتبسنلک سبیلله  
کسب انبساط ایده میهرک هدر اولوب کیدیوردی .  
شمیدی ایسه مکتبسنلک بلیه سی برطرف اولدی . ایسته  
بوبر نعمت عظمادر . بونک شکرینی ادا اتمک انجون  
همان اولاد لر می مکتبه قید وادخاله مبادرت و بوبانده  
زومی کوریان فداکارلقدن چکنمییوب سائرلره نمونه  
حسن امثال اولمغه غیرت ایام کاکمز لازم کایر .

اهالیده شولزومی درک ایمیجه جک برکیمسه کوریه-  
مدیکی جهته نه قدر مباحات ایدلسه آذر .

ان شاء الله بومکتب فیض مکسب ، سلطنت عثمانیه نك  
رواق و اعتلاسنه خدمت ایدهرک نامی الی الابد آرایش  
السنة احترام اوله جق ذوات عالیهنك منشأ ابتدائیسی  
اواق شرفنی هیج بروقت غائب ایتمز .

همان جناب یزدان شهریار مراحم کردار تاجدار  
معالی آثار رواق طراز سریر عثمانی غازی عبدالحمید  
خان بی مدانی افندمن حضر تلریخی الی آخر الدوران  
مقام مقدس خلافتده حکمران و ممالک شاهانه لرینی سایه  
فیضوایه ملوکانه لرنده کوندن کونه آبادان بیورسون  
آمین . .

•  
••  
— ۱۲ —

فضیلتلو افندمن حضر تلری

ارباب استحقاقک تلطفی خصوصی اخص آمال  
شهریاریلری اولان پادشاه قدردان و شهنشاه معدلت  
عنوان افندمن حضر تلری قریحه الهام صبیحه جناب

تاجدار لرندن عهدۀ فاضالنه لرینه استانبول پایه سی  
احسان بیوردقلری پیام مسرت اتسامی بنده لرینی  
مستغرق دریای اشواق ایتمش اولدیغنه مشرق انوار  
فضائل اولان وجدان معالی بنیان نحریرانه لرینی اشهاد  
ایلرم .

ذات مکارم سمات عالی لرینه اولان اختصاص تلمیذانه  
اقتضاسیجه همیشه درگاه معالی قاضی الحاجاتدن کوندن  
کونه اعتلایاب سلم اقبال اولملرینی نیاز ایتمکده اولدیغمک  
بیاننه خامه ران و آیین بهین رسم تبریکه شتابان اولدم .  
هر حالده حق عاجزیده ابدال بیوریلان حسن توجهک  
نقا و ازدیادی تنی اوانور افندمن حضرتلری .

جناب رب عزت خلیفۀ معالی منقبت پادشاه دریانوال  
شهنشاه حمید الخصال افندمن حضرتلرینی الی یوم  
القرار سریر شوکت مصیر ملوکانه لرنده کامکار  
بیورسون آمین .

حق نامستحق کمترانه مزده ابدال بیوریلہ کان  
 تعطفات مکارم آیات خلافتنا ہیلرینک بحق ایفای  
 فریضۃ تشکرندن عجز می اعتراف ایلہ برابر ہر آن :  
 « جناب خداوند معین نورپاک فخر المرسلین حرمتہ یکانہ  
 حامی مقدسمز ولی نعمت بی منت افندمن حضر تلمرینی  
 الی آخر الدوران اورنک معالی خلافتدہ حکمران  
 وسایۃ سماویۃ شاہانہ لرینی سرابتہا جمزدن بر زمان  
 دور ایتیموب عواطف عالمشمول شہریاریلریلہ شادمان  
 بیورسون آمین »

درود مسعودینی عالمہ جہ رفع بارکاه مستعان ایتیمکدہ  
 اولدینغمزک حسب العبودیہ عرضہ مبادرت و .....  
 قولارینک وفاتیلہ منحل اولوب ہنوز بر کیمسہ بہ  
 احسان بیورلماش اولان ..... وقفنک تولیتی بندہ  
 اصدقلرینہ عنایت بیوریلہ جق اولورسہ ظل ظلیل  
 محاسن دلیل شہنشاہیلرندہ برقات دہا کسب رفاه ایدیلہ  
 جکندن آستان فلک بنیان جہانبانیلرینہ وضع جبین  
 استرحامہ مجاسرت قیاندی . قاطبۃ احوالہ امر و فرمان  
 شوکتلو مرحمتلو عنایتلو ولی نعمت بی منتعز ولی نعمت  
 عالمیان افندمن حضر تلمرینکدر .



— ۱۶ —

او غم!

فی ۱۴ نیسان سنه ۳۰۹ تاریخی مکتوبکز نظره پیرای  
عاجزی اولدی .

بوندن اولیکی مکتوبکزی جوابسز بیراقیشمدن  
طولای عفو یگزی رجا ایدرم .

برادر بك افنديك شمدی به قدر بر احساننامه ارساله  
تنزل بیور میشنه قارشى سزك بویله ایکی مکتوب وفا ساوب ایله  
دل درویشانه می تسریره خامه ران مسارعت اولیشکز  
سزاوار شکر اندر .

توجه نامه لر یكزك آره منی کسمه مکزی و بنم بو بایده  
واقع اوله جق قصور لر مه باقما مکزی نیاز ایلرم .

مکتوبلر یكز محصل . عارفه . سعی ایتمکده اولدیغکزی  
مبشر اولمغله ممنون اولدم . چالش ان شاء الله برادیب  
کامل اولور سین .

مکتوبلر یكز دن شعره هوس ایتمکک آ کلاشیایور .  
بو بایده کی توصیه لر مک برنجیسی شودر :

معلم ناجی افندی مرحومك آتش-پاره سنی ،  
 شراره سنی ، فروزانی ، ذات البطایینی نظر مطالعه دن  
 آیرما مقله برابر آثار نثریه سنی ده تقلیده اوزن ، ناظم  
 اولمقدن زیاده نائر اولمغه غیرت ایت .

..

— ۱۷ —

جناب خداوند ارحم شهریار مکارم شیم تاجدار  
 صدیق همم افندمن حضرتلرینی مقام مقدس خلافتده  
 توافر عمر واجلال ایله مکررم بیورسون آمین .  
 قدمای داعیان سلطنت سنیه لرندن زوجم خواجه  
 فلان افندی بوندن اوچ **کون** مقدم وفات ایدوب  
 جاریه لرینی کرا بو جاقلرنده بیراقش اولدیغندن و آستان  
 مرحمت بنیان حضرت خلافتینا هیلرندن باشقه برالتجاگاهی  
 اولمیان برعاجزه نك احوال سفالت اشتهانه شققت مسلمة  
 ولی نعمت اعظمیلری هیچ بر وجه ایله رضا کوسترمیه جکی  
 بدیهی بولندیغندن برخانه ایله مقدار کافی معاش احسان  
 بیوریلهرق پامال ضرورت و ماتم اولان دل بی چاره مک

مسرت آباد بیورلیسی خصوصی کمال اقبال ایله استرحام  
ایدرم .

— ۱۸ —

نظارگاه معالی اکتتاه آصف اکرمیلرینه

معروض داعیء کمینه لریدر

و جود بهبود جناب ملوکانه لری دوات ابد مدت  
عالیه محض خیر اولان ولی نعمت بی منتعز امیر المؤمنین  
خایفه رسول امین آرایش تخت عالی تخت عثمانی غازی  
عبدالحمید خان بی مدانی افندمن حضرتلرینه وسائل  
جمیله دوشدکجه بتون اصدقای سلطنت برر صورتله  
عرض اخلاصه مسارعت ایتدکاری مثالی کترلری دخی  
لیل ونهار پیرایه السنه صفار و کبار اولان درود مسعود  
حصرت خلافتناهی ایله دمکذار اولدیغم کی حاوی تقرب  
اندن روز جلوس سعادت افروز شاهانه بی اعلان عبودیت  
ایچون اک پارلاق بر ذریعه حسنه بیلدیکم جهتله قصیده  
ماقوفه بی عاجزانه تنظیمه جسارتیاب اولدم .

بونك خاك پای فیض بخشای حضرت شهریار اعظمه  
 رفع و تقدیمی خصوصی پادشاه معالی کردار و شهنشاه  
 مکارم شعار افدمن حضرت لرینه شام سحر فؤاد صداقت  
 بنیاد آصفانه لرنده جلوہ کر اولان دعوات خیریت آیات قضیہ  
 معتماہاسنہ استناداً نیاز ایلرم. هر حالہ امر و فرمان  
 حضرت ولی الامر کدر .

— ۱۹ —

سماحتلو افندم حضرت لری

کفایت بلند رتبت فاضلانہ لرینک پارلاق برتری  
 و پرتونشاری نیر اقبال کریمانہ لرینک بر مقدمہ مسعدت  
 کستری اولمق اوزره بوکره فتوا امانت حایله سنک ذات  
 عالی کالانہ ایلریله اشرف ایتدیکی سامعه پیرای فخر  
 و مسرت اولمش اولمغله توافر شان و جالات لری ادعیہ  
 خالصه سنه تردیفاً لوازم صداقتدن بولندیغی وجه ایله  
 عرض تمنیت و بوکوزل وسیله ایله حق داعیانہ مدد مجزوم  
 البقا اولان توجهات دیرینه حقوق پروریلرینک آثار

جایله از دین کور مکه مفتخر بیوریه جیم خصوصاً صندری  
امنیت اخلاصه مندانه مک ابرازینه جرأت ایلرم .

..  
— ۴۵ —

ادبیاتدن بحث ایتیمک وهفته ده ویا اون بش کونده بر کره  
چیقارلق اوزره . . . نامیله ادبی بر رساله نشری امتیازی  
استدعاسنده بولنان دولت علیه تبعه سندن . . . افندی  
ارباب ناموسدن اولدیغی مثللی اوتوز یاشنی ده تکمیل  
ایتمش و جزا قانوننامه هایونینک تعیین ایتدیکی جنایت  
وجنحه لردن طولانی عاینه حکم ترتب ایلمه مش اولدیغی  
وکافه حقوق شخصیه سنه تماماً و بالفعل مالک بولندیغی  
تصدیقاً اشبو شهادتنامه من تقدیم قیلندی .

..  
— ۴۶ —

معروض داعی دیرینه لریدر  
من غیر لیاقه نائی بولندیغم . . . . . سنجاغنک مفتیسی

. . . . افندی داعیلری مداخلات نابجاسیله امور  
بلدهنی تشویش ایتکده اولدینی بامضبطه خاک پای  
عدالت احتوای جناب مشیختیناهیلرینه بیلدیرلمش  
اولغله بونک مقارن حقیقت اولوب اولمدیغنک اشعارینی  
آمر ۴۹ نومرولو وفی ۲۷ تشرین اول سنه ۳۰۹  
تاریخلی امر نامه عالی حضرت مفتی الانامیلری هامه  
پیرای تکریم اولدی .

داعی اصدقلری بورایه کله لی ایکی بحق آی اولوب  
شمدی یه قدر مفتی افندیگک مغایر دلخواه عالی بر حرکتی  
مشهود و مسموع عاجزانم اولدی ایسه ده بوباده  
قناعت کامله حاصل اولمق اوزره تحقیقات عمیقیه  
کیریشلدکده افندی مومالیه اوتدن بری وظیفه شناس  
بر ذات صلاح استیناس اولدینی و حقنده ایدیلن اسنادات  
صرف غرض شخصیدن نشأت ایتدیکی آ کلاشلمش  
اولغله جواباً عرض واشعار کیفیته مئابرت قیلندی .  
اول بابده امر و فرمان حضرت من له الامر کدر .

— ۶۶ —

عزیزم !

ینه بر التفاتنامه کزی آلام . بولندیغکز یرده  
تیارو . خیال کی کانجه محالری اولدیغندن کیجه لری  
فنا حالدہ صیقل مقده اولدیغکز والیکزه . . . .  
نامنده بر رومان کچمش ایسه ده — ادیبانه ترجمه  
ایدیله موش اولدیغندن — بوندن ده کسب البساط  
ایده مدیک کزری بر اساز شاعرانه ایله بسط و بیان  
ایتد کدن صکره حق کتریده حسن توجه برادرانه کزی  
مبشر کلمات غایه اذل و کیجه لری فصل وقت کچیر مکده  
اولدیغم سؤال بیور یایور .

داعیکز تعطیل کیجه لری کانجه لی کتابلر مطالعه سینه  
حصر ایدرم . بونک قوائد مهمه نی مستلزم اوله جفی  
بدیهیدر . ایام تحصیلده طبعی الحسول اولان صدغی  
دفع اتمک ایچون یالی تعطیلده کانجه لی کتابلره  
مراجعتدن کوزل بر چاره تصور ایده میورم . تیارویه .  
خیاله کیتیمک ویا او یون ایله مشغول اولمق البساط قلوبه  
یاردیم ایدر کی کورینور سده تحصیله یکی باشلامشیر

ایچون مادی و معنوی بر چوق ضرری استازام ایدرکه  
یونلرک تلافیسی قابل اوله ماز .

اکانجه لی کتابلر دیدیکم طرز تحریری کوزل  
اولمقله برابر اطناب نابجادن عاری اولان رومانلر ایله  
تنویر افکاره ، تشجید اذهانه خدمت ایدن دیوانلر دره .  
بند کز رومانلردن زیاده دیوانلردن . ملذذ اولدیغم  
جهتله اکثریا دواوین عربیه و فارسیه ، بعضاده مجامیع  
اشعار ترکیه مطالعه سیله وقت کچیریرم .

یونلرده او یله کوزل سوزلره تصادف اولنورکه  
انسان از برله مکسزین کچه من . هیچ عاقل اولان دستور  
حکمت دینلمکه شایسته بر سوز کوررده آنکله ترین  
حافظه ایتک فرصتی فوت ایدرمی ؟

کچن آقشام « دیوان انوری » نی نظر مطالعه یه  
آلمشدم . « سکا بر کیمیا او کره دهیم که اکسیر و صناعته  
موجود دکدر . یوری اختیار قناعت ایله که علمده  
قناعتدن ابی کیمیا اولماز . » مآلنده اولان :

کیمیایی کنم ترا تعلیم  
کاندر اکسیر و درصناعت نیست



روقناعت کزین که در عالم  
کیمیا بی به از قناعت نیست

قطعه سی مصادف دیده امعالم اولدی .

قناعت — قسمته رضادر . قانع او کیمسه در که  
مألف اولدیفی شیار بولمادیفی بیلرده مضطرب اولمویوب  
تمکین اوزره بولنور . « العبد حران ان قنع والحر عبد  
ان قنع »

کیمیا — لغت ذکا ایله مزوج حیلله معناسنه در .  
بومناسه بئله بر طاقم بی مغزانی آلدادوب پارملریخی آلمق  
ایچون قوریلان دولاب احتیاله اطلاق اولمش . [۱]

جناب انوری معادن خسیسه نی زر خالص یا بمق  
فکر اخمنده بولنوب ده آووجنده کی پاره بی استیلاک ایله  
صفرا لید قالان ویابوالره بیرو اولمق استعدادنده بولمان  
کیمسه لره خطاباً مذکور قطعه نی سویلمش .

بویله بر قطعه نی از برله مک ارباب استفاده ایچون

[۱] بوراده کی « کیمیا » دن مقصد مکاتب عالیده تدریس  
اولمقده اولان فن صناعی دکلدر .

جائز اولورمی؟ بوکی آثار حکیمانه ایله هم تزیین حافظه  
ایتملی، همده مقتدر برخطاطه یازدیروب لوحه لاتملی.

### — استطراد —

[ شوراده بوراده برطاقم لوحه لر کوریلورکه غایت  
کوزل یازلمش، آلتون ایله یاپلامشدر. بونلردن یابر  
آیت کریمه نی ویابر حدیث شریفی محتوی بولسان  
لوحه لره دیه جک یوق.

فقط ایچ-لرنده صورت مکلفه ده یاپدیرلمش برطاقم  
لوحه لره تصادف اولورکه غایت آغر روبه لر کینمش  
عج-وزم لر کی هیچ بر زمان انظاراستحسانی جاب  
ایده من. نظرلرینه مصادف اولان ارباب تمیز یازانک  
امکنه، یازدیرانک پاره سنه آجیر.

خطاطلرمن هر نهدن طولایی اولورسه اولسون  
بویله بی معنی اولان شیاری یازمیوبده هیچ بروقت  
حکمدن دوشمیه جک « بیتلر، قطعه لر. رباعیلر، جمله »  
یازسه نرقنامی اولور؟

« انتهی »

انورینک بوقطعه سی «کاستان» ده کوروب ده اونو تمش  
اولدیغیم :

ای قناعت توانا کرم کردان  
که ورای توهیج نعمت نیست  
کنج صبر اختیار لقمانست  
هر کرا صبر نیست حکمت نیست

قطعه سنی در خاطر ایتدیردی .

« ای قناعت ! بنی زانکینلر زمره سینه الحاق ایت .  
زیرا سنک مافوق کده هبیج بر نعمت یوقدر . کنج صبر  
لقمانک اختیار ایتدیکی بر مقام عالیدر . صبری اولمیان  
کیمسه حکمتده مالک اوله ماز . »

مائنده بولنان قطعه ده خوش دکلیم ؟

انوری اغراقیاته منه مک اولدیغندن طولانی مدخول  
ایسه ده دیوانی تتبع ایدیانجه قطعه مذکور کبی مضامین  
حکیمانه بی حاوی بر چوق اشعار عالیده مصادف دیده  
استفاده اولور .

بز انورینک اغراقیاته بر نظر وقوفجویانه عطف

ایدوب لوحه حافظهیه حک ایدلمکه سزاوار بولسان  
اشعار حکیمانه سنی بوله رق استفادهیه چاشملی یز .

مشار الیهک هاجیانه اشعارینک ده خوش اولدیغنه :  
« افندی ! اوزونلغک بر مرتبهیه واصل اولمش که  
اهل سماواتدن قولاغکه صدا ایریشیر . اکر بویک کی  
عمرک ده اوزون اولایدی ملک الموت اولوردی ده سن  
دیری قالیردک . »

مأئده بولسان قطعه آتیه سی شهادت ایدر :

ای خواجه درازیت رسید ست بجایی  
کز اهل سماوات بکوشت برسد صوت  
کر عمر تو چون قد تو بودی بدرازی  
توزنده بماندی و بمردی ملک الموت

— خاتمه —

بعضلر اشعار فارسیه یی هیچه صایارلر . فقط حقیقت  
حال او یله دکلدر . آثار مذکورده انورینک قطعه سی  
کی نیجه پارچهلر واردر .

حاصلی — ارباب مطالعه انجمن — آثار باغای  
عجمی نظر استفاده دن دور طوتمغه کلز .

بونلرده — وجد آور قلوب — اویله کوزل  
پارچه لره تصادف اولور که نظر امعانن حکیمه مک  
هیچ روجه ایله جائز اوله ماز .

باقسه آفرانسزلر بزم نظر مطالعهیه آلاماقده  
اولدیغمز « شهنامه » نی ترجمه ایتشارلر . نر بونلرک انجمن  
بیکانه سی اوله لم !

شهنامه ده دستور ادب و حکمت اولمغه شایسته نیجه  
مصارع و ابیات واردلر . هله اویله تصویرات لطیفه  
کوریلور که بونلرک ننگاه انداز دقت اولالر انجمن حیران  
قالماق قابل دکلدر .

— ۲۳ —

معروض داعیلردر

... بك بنده لرندن آلدیغم بر التمانامه ده بالمناسبه  
محاس فیضا فیض دولترلرندمه نام عاجز نه مک یاد قیلندیغی

ومیر موما الہک فقیرہ اولان قرابتی آکلا شلمسی  
اوزرینہ سالام مخصوص سامیلر یلہ دہ دل درویشانہ مک  
تسر برینہ تنزل بیورلدیغی تبشیر ایدلمش اولدیغندن  
هان :

ای سخن پرور پاکیزہ شیم  
قونمسون دامنکے کرد الم

التفاتک بنی مسرور ایتدی  
دل ویرانمی معمور ایتدی

ترانه سیلہ ایفای وظیفہ شکر کذار ییہ مبادرت ایتدم .  
بویا بدہ کی حسیات منتدارانہم بویلہ ایکی بیت ایلہ  
دکل ، ایکی یوز بیت ایلہ دہ تصویر ایدیلہ ماز .  
بناء علیہ قصور مک عفویلہ حسن توجہ گرامیلرینک  
بقاوازدیادی نیازینہ محاسرت ایلرم افندمن حضرتلری .

..

— ۶۲ —

میرم !

فی ۱ حزیران سنہ ۳۰۹ تاریخلی مکتوبکزی آلم ،

سـالنامـه کـدی . سـوینـدم . هـیـچ سـزـدن مـکـتـوب  
آبـردـه سـوینـمـه مـک قـابـل اـولـورـمی ؟ هـله ... حـضـرتـلـرینـک  
حـق درویشـانـه مـده کی حـسن تـوجـه و التـفـاتـلـرینـی تـبـشـیر  
ایـتـدیـکـکـزـدن طـولـایـی نـه قـدر تـشـکر ایـتـسـم آـزـدر .

بـکا . برادره کـونـدر دیکـک مـکـتـوبـلـرک جـوابـی آـلـمـه  
مـدیـغـنـدن بـونـلـرک واصل اولوب اولمـدیغـی سـؤـل بیـوریاـورـه  
برادری بیـامـم ، فـقـط بـکـاشـمـدی یـه قـدر بـو مـکـتـوبـکـدن  
باشـقـه بر مـکـتـوبـک کـدی .

( ... ) بـک اوغـامـز بـکا ایـکی مـکـتـوب کـونـدر دـی .  
فـوق العادـه مـنـون اولـدم . اللـه فـیضـی مـزدا د ایـتـسـون .  
برنجیـسـنه جـواب یازمـمـه اما ایـکـنـجیـسـنه یازم . بیـامـم  
واصل اولـدیـمی ؟ بـقی

فضیلتلو افندم

درجـة تـوجـهات علـیـة فاضـلـه لـرینـی مـعـرف اطفـانـامـة

سامیلری ذاتاً منتدار التفات والا درجاتلری بولنان  
 قلب اخلاصمندمی برقات دها وایه دار افتخار ایلدی .  
 شو موفقیتمدن جداً متشکر و مفتخر اولدیغی  
 کتم ائمه مک قاعدۀ صداقتشعاریه اوفق دوشر اعتقادنده  
 بولندیغمدن تقدیم رقیمۀ شکر کذاریه متجاسر اولدم .  
 هر حالده لطف و فرمان افندمکدر .

..

— ۲۶ —

جناب رب العالمین حامیء شرع مبین خلیفۀ رسول  
 امین پادشاهمز افندمنز حضرتلرینی الی یوم الدین مقام  
 خلافتده کامیین بیورسون آمین .

داعی اصدق لری سایه معالیوایه حضرت خلافتینا -  
 هیلرنده علی الاصول تدرس ایله معلومات لازمه متنوعه  
 استحصال واون سکز سنه فاتح جامع فیض لامعنده  
 تدریس علوم آلیه وعالیه ایله اشتغال ایدهرک کچن سنه  
 حلقۀ تعلیم عاجزانهمده بولنان طلبه قولارینه اعطای  
 اجازه موقوف اولدم .



بوموفقیت عاجز لرنجیه موجب مفیخرت ایسه ده  
 رمضان مغفرت نشانده حضور کمالات نشور ملوکانه لرنده  
 تدریس اولئان درس شریفک مخاطبینی عدادینه دخالتله  
 مشرف اولمق اخص مطالب داعیانهم اولمغله وکترلری  
 کبی خدمه علمک تاجبفی خصوصی آمال کرامت اشتمال  
 شهریاریلری جمله جمیله سندن بولمغله مخاطبین مومالیه مدن  
 خواجه ... افندیکنک وقوع وفاتنه مبنی منحل اولان  
 مخاطبانک عهدۀ داعیانهمه احسانیه شرفیاب بیورلمقاغم  
 امنیه سیله خاک پای مکارم احتوای جناب جهانبایلرینه  
 وضع جبین استرحام ایلرم . اول بایده وقاطبه احوالده  
 امر وفرمان نخبه سلاطین آل عثمان پادشاه مرحمت مندمز  
 شوکتماب افندمر حضر تلرینکدر .

\*

— ۲۷ —

جناب خداوندی زوال تاجدار حمید الخصال شهریار  
 دریا نوال پادشاه معارف پرور و شهنشاه محاسن کسـتر

افندمن حضر تلرینی الی آخر الایام واللیال تخت عالی  
نحت عثمانیده شرف آرای کمال بیورسون آمین .

کوله لری سایه معارفوایه شاهانه لرنده . . . مکتب  
رشدیسنه بالدوام بوسنه شهادتنامه اخذینه موفق اوله رق  
حلیه علم و کمال ایله تزیین ایتک اوزره مکتب ساطعانی  
طلبه سی سادکنه داخل اولمق آرزوسنده بولنیورسه مده  
یدرم قوللاری عجزه اصنافدن اولوب مکتب مذکوره  
دخالت ایچون لازم کلن اجرت سنوییه یی ویرمه مکتب مقتدر  
اولدیغی کبی حوایج ضروریه یتیه یی بیله تدارکدن عاجز  
اولدیغندن و کمتلری کبی تکمل ایتک اشتیاقنده اولان  
بی وایکانه الطاف جهان مطاف ملوکانه لری مبدول  
اولدیغی هرکون دبدء شکران ایله کورلمکده بولمادیغندن  
مکتب مذکوره بلااجرة قید و قبول ایله دلشاد بیورلمقاغم  
خصوصنه فرمان مراحم عنوان شهنشاهی لری نیک سزاوار  
بیورماسی بابنده سده سنیه حضرت خلافتیناهی لری نه  
وضع جبین نیاز ایلرم. اول بابنده امر و فرمان واحسان  
فراوان ولی نعمت عالمیان پادشاه بی امتنان افندمن  
حضر تلرینکدر .

— ۲۸ —

او غلام !

بوسفر کی مکتوب بکنده ایش-لرک کثرتن-دن شکایت  
ایدیورسین . شو شکایتدن بوگونلرده نظر مطالعهدن  
ایرما مقده اولدیغکی سوبدیکک حافظ دیوانده :

براحتی نرسید آنکه زحمتی نکشید

مصراعنه عطف دیده امان ایتدیکک آکلاشیلیور .

بوکی آثار برکزیدهنی مضالعه ایله یالکیز کوکل  
کلندر مملی ، ایچلرندن جوامع الکلام اطلاقنه سزاوار  
اولان مصارع و ابیات عالییهنی انتخاب ایدرک زبرایوب  
بونلر ایله تزین افکاره چالشملی .

دها طوغریسی بوکی آثار برکزیدهنی — کل  
ومله دائر اولان اییاتندن قطع نظر — یابر نکته عارفانهنی  
ویابر حکم حکیمانهنی محتوی بولان مصارع و ابیاتیه تنویر  
دیده استفاده ایتک ایچون اوقوملی .

دیوان حافظ تتبع ایدیله جک اولسه :

چراغ مصطفوی باشرار بولهیست

مصراعی کبی نیجه مصارع عارفانهیه و :

تکیه برجای بزکان نتوان زدبکزاف  
مکر اسباب بزکی همه آماده کبی

یتی کبی برچوق ابیات حکیمانهیه تصادف اولنور .  
مرحوم معلم ناجی افندیك :

اویله دلسوزانه تقریر ایت که سوز سینه می  
چاک چاک اولمق ندر بیلمز کریبان قالمسون

بیت عاشقانه سنی حاوی اولان غزل بی بدلتک مقطعی  
بولنان :

برمرقص نغمه ایجاد ایت که ناجی وجد ایله  
عالم امکانده رقصان اولمق برجان قالمسون

بیتمه دائر ویره حکم بر آز جانکی صیقه جقدر .  
مباحثلریکک « وجد ایله » تعیرینه دائر درمیان  
ایتدکاری فیکرلری بکنمیوب اوراده سوز آکلار بر

کیمسه بوله مدیغک ایچون منزویانه یاشامغه مجبور  
اولدیغکی و بو صورت بتون بتون جانکی صیقمقده  
بولدیغکی سیان ایدم رک ایشلرک گثرتندن طولانی  
ایتدیگک شکاتی برقات دها اعظامه چایشیورسین .

واقعا منزویانه یاشامقدن لذت آلیانلر ایچون اویغون  
برقاج احباب بوله مامق عذاب الیمدر . فقط « وجدایله »  
تعبیرینک مصرعیندن هر برینه صرفی ممکندر دین افندی  
کیرانجان بر آدم اولمیوب ایچه سوزدن سازدن آکلار  
طبقدن بولدیغی افاده واقعه کدن آکلشدیغی حقیقه  
« کوریشله جک بر آدم بوله میورم ، منزویانه یاشامغه  
مجبور اولیورم . » دیمه کی پک ناجا کوردم .

بو بحثده سنده داخل اولدیغک حالدده مومالیله  
افندیدن ماعدا مباحتلرک کافه سی خودسرايه حرکت  
ایتمش اولدقلرندن حقیقتدن کرکی کبی تباعد ایدلمش .  
هر نه یه دائر اولورسه اولسون بحثده اظهار حقیقت  
آرزوسنی برطرف ایدوب ده مجرد مباحثه غلبه ایتمک  
سوداسنه دوشن کیمسه — علامه ده اولسه — مغوییتدن  
باشقه برشی قازانه ماز .

مباحث کردن مومالیه افندی دن ماعداسی تعبیر  
 مذکورک مصراع ثانی به هیچ تعاقی اولدیغنی ادعا  
 ایتشلر ، سنده بو تعبیر ، مصراع اولک قیدی اولمیوب  
 مصراع ثانی به مرهوندر دیه دعوی ایلمشسین .

« وجد ایله » تعبیری هر هانکی طرفه قید اعتبار  
 ایداسه معنایه خالی کدیکی حالدیه بونک مصراع اوله  
 تعاقی یوقدر ، مصراع ثانی به مرهوندر . یاخود  
 مصراع ثانی به تعاقی یوقدر ، مصراع اوله مربوطدر  
 دیه حکم ایتک موافق معاشناسی دکلدر .

بیت مذکوردهکی « وجد ایله » تعبیری هم مصراع  
 اوله ، همده مصراع ثانی به قید اوله بیلیر .

احتمال اوله نظراً بیت : « ناجی ! وجد ایله بر  
 مرقص نغمه ایجاد ایت که عالم امکانده رقصان اولدق  
 برجان قالمسون » ، احتمال ثانی به نظراً : « ناجی ! برمرقص  
 نغمه ایجاد ایت که عالم امکانده وجد ایله رقصان اولدق  
 برجان قالمسون . » مانده اولور .

تعبیر مذکورک کرک برنجی مصراعه ، کرک  
 ایکنجی مصراع ، قید اوله بیامسی صنایع شعریه دن

معدود اولوب بو صنعتده « سحر حلال » عنوانی  
 ویرلمشدر . معنایه خال کلدکن صکره احتمالیندن  
 برینک قوتلی بولنسی صنعت مذکورنک حکمنی المح  
 ایده مز .

بو صنعه اشعار فارسیده چو قجه تصادف ایدیایر .  
 از جمله حضرت حافظ :

بنال بابل اکر بامنت سریاریست  
 کهمادو عاشق زاریم وکارما زاریست

مطالعی غزل عاشقانه سنده کی :

باستان تومشکل توان رسید آری  
 عروج برفلک سروری بد شو اریست

یتی ذکر اولنان صنعتی حاویدر .

« خاتمه »

بویابده کی مطالعه می قبولده تردد ایمییه جککدن  
 امینم . سن « اوچسده ده کچیدر . » دین طاقدن  
 دکلمین دکلی ؟

— ۲۴ —

« حافظ »

فغان کین لولیان شوخ و شیرین کار شهر آشوب  
چنان بردند صبر از دل که ترکان خوان یغمارا

— ترجمه —

« بوشووخ و شیرینکار و شهر آشوب اولان قاره  
کوزلولرک النیدن الامان ! یغما ایتیمکه لایق نعمتی  
حیدودلر نصل یغما ایدر لر سه بونلرده کولکدن صبری  
اوله آلدیلر . »

\*  
\* \*

ز عشق ناتمام ماجمال یار مستغنیست  
بآب و ربک و خال و خط چه حاجت روی زیبارا

— ترجمه —

« بزم ناقص اولان عشقمزدن جانان مستغنیدر .  
کوزل یوز ایچون مشاطه نک تزیناتنه حاجت یوقدر . »

\*  
\* \*

من از آن حسن روز افزون که یوسف داشت دانستم  
که عشق از پرده عصمت برون آرد زلیخارا

— ترجمه —

« یوسفک کوندن کونه مترقی اولان حسنندن »



بیندم که زایخانی عشق پرده عصمتدن البته طیشاری  
چیقارر . . »

غزل کفتی در سفتی بیا و خوش بخوان حافظ  
که بر نظم توافشاند فلک عقد ثریارا

— ترجمه —

« حافظ ! غزل سویلدک : اینجو دلدک . کل ! کوزل  
کوزل اوقوکه سنک نظمکه فلک ، اینجو دیزسی کی  
اولان اولاکری ساچسون . . »

— ۳۲ —

« ابواسحاق »

به بیشم چون خراسانی کر آری صحن بقرارا  
بجوی قایه اش بخشم سمرقند و بخارار

— ترجمه —

« بغراخان خراسانی کی بورک طباغنی حضورمه  
کتیرسهک آنک قایه سنک ( قیعه ) قوقوسنه سمرقند  
و بخارایی باغشلارم . . »

برنج زرد و صابونی اگر داری غنیمت دان  
کنار آب رکن آباد و کلکشت مصلارا

— ترجمه —

« زرده ك حلواك وار ايسه ركن آباد ايرمغني ،  
كلكشت مصلابي غنيمت بيل . »

\*  
\* \*

جمال بره بریان و حسن دنبه کشک  
چنان بردند صبر ازدل که ترکان خوان یغمارا

— ترجمه —

« قوزی بریانك جمالی ، كشكك اورته سنده کی  
تو بروغك حسنی یغما اتمکه دکرلی نعمتی حیدودلر نصل  
یغما ایدرلرسه کوکلدن صبری اويله آلدیلر . »

\*  
\* \*

چه آرایي بمشك وزعفران رخسار پالوده  
بآب ورنك وخال وخط چه حاجت روی زیبارا

— ترجمه —

« پالوده نی مسك وزعفران ایله نهیه تزین ایدیور-  
سین ! کوزل یوز ایچون مشاطه نك تزیناتنه حاجت  
یوقدر . »

\*  
\* \*

مپرس از حکمت سختو وراز سر بمهر او  
که کس نکشود و نکشاید بحکمت این معمارا

— ترجمه —

« مومبارك ، و آنك سرّ سربسته سنك حكمتدن  
صورمه. زیرا علم حكمتله بومعمانی کیمسه کشف ایتدی  
وایده مزده . »

من از آن بوی روح افزا که کیا داشت دانستم  
که زود از پرده پرهیز بیرون آرد دل مارا

— ترجمه —

« شیردان طولم سنده کی روح افزا قوقودن بیلدم که  
کوکیزی قوری پرهیز سوداسندن واز چکیر . »

بگو بسحاق وصف خوشه انکور مثقالی  
که بر شعر تو افشاند فلک عقد ثریارا

— ترجمه —

« بسحاق! اوزم صالقمناک وصفنی برپارچه سوبله که  
سنک شعریکه فلک اینجو دیزیسی کی اولان اولکری  
صاچسون . »

— ٣١ —

« نارنج »

بحق بیت معمور خدا دار السرور اولسون  
فؤاد حکمت آبادی کی کاشانه مدحت

یازلسون زر قلمله طاقه وصفی بوتاریخیم  
نه رعنا قصر نوطرح اولدی ساحه خانه مدحت

۱۳۱۰

..

— ٣٢ —

﴿ صیغه عطفیه ﴾

صیغه عطفیه — مصدرلردن — منفی اولسون  
مثبت اولسون — ادات مصدر حذف ایدلدکن صکره  
قالان ماده نك آخرینه متحرک ایسه « یوب » ، ساکن  
ایسه حرکه لندرك « و ب » علاوه قیانون کلمه دینور .

برر مثال :

چالش میوب اوطور انلرده ذل و یاسه باقلک  
اوطور میوب چالیشا انلرده عز و شانی کورک  
« معلم ناجی »

§

( کذران ) ایلیوب زمان خزان  
ینه عالمده نوبهار اولمش  
ظلمت شب کچوب نهر اولمش  
باشلامش ختمده زمین وزمان

اکرم بک

بوصیغه کلامه حسن و یرمک ایچون استعمال اولنوب  
بر فقردهده ایکی-دن زیددهمی خوش کورلمز . حتی لزوم  
کورلمدکجه بر فقردهده بردن زیاده صیغه عطفیه بولندر-  
ماملیدر .

الله قبرینی پر نور ایتسون مرحوم معلم ناجی افندیکنک:  
« امضایه نقطه قونماقی نیچون ؟ »

دیه باشالایان مقاله مفیده سنده کی :

«امضاسنك صوك حرفى چكوب اوزامغه مساعد اولمیانلر» بزم امضا یا قیش-یقلى دوشمیور «دیه تأسف ایدرده مثلا اسمنك آخرینه تصادف ایدن «م» حرفنه جینیدن بر قویروق طاقوب بوقویروغی یوقارییه طوغری چکر اوزادر.»

فقره سی ایکی صیغه عطفیه یی حاوی اولمقله برابر بونلر بك طبیعی ایراد ایدلدکلرندن کلامه حسن ویرمشلردر. بوفقره ده کی صیغه عطفیه لر مربوط بولندقلری کله لر شکلنه قونلسه یعنی «چکوب - طاقوب» دینلمیوبده «چکمکه - طاقار» دینلمش اولسه ایدی نظم طبیعییه موافق اولمازدی.

بر طاقم فقراندن تشکل ایدن مقاله لرده بیاه بو صیغه نك چوچه بولنسی فنا حالد کوزه چاریور. اسلاف بوبابده اسراف ایتشلر. مثلا نرکسینك :

درزمین بوسیء عبودیت

سرلوحه لی اوفه حق بر مقاله سننده اوندن زیاده صیغه عطفیه کوریلور.

آثار عالیله لری معاصرینه برر معلم ادب اولان  
 اجلاه ادبا بوصیفه یی پک آز استعمال ایتشاردر .  
 مشار الیهمدن برینک « محبت » عنوانلی بنسد  
 مطوانده اوچ ، دیکرینک بر حوابنامه اطوانده دوت  
 صیغه عطفیه تصادف اولانورکه بولانده پک طبیعی  
 اوله رق قوللانامشدر .

..

صیغه عطفیه ، یا افعال بسیطه و مرکبه دن ویا اسم  
 فاعل ، اسم مفعول ، مصدر ، حال ترکیبی ایله صله ،  
 ربط صیغه لرندن برینه مربوط بولنور :

۱ — افعال بسیطه و مرکبه دن برینه مربوط  
 بولنورسه اوفعل هانکی زمانه دلالت ایدرسه بونده  
 دخی اوزمان اعتبار اولنور .

برایکی مثال :

حکیمه ، مالک اولدیغی حکمت باشقه سنده کندی  
 عامنه فائق علم اولدیغی کوسترر . بنساءعایه فوقنده

بوئنان دانشه قارشی اظهار تواضع ایدر . جاهل ایسه  
 کندیسنی منتهی قیاس ایتدیکندن سائقه جهالتله . موقع  
 اعتباردن دوشوب هر کسک منفوری اولور .  
 « معلم ناجی »

## §

« بر وزیر طرف شاهنشاه کردون سریردن  
 رخصتیافته کمال استقلال و احساندیده توجه و اقبال  
 اولدقدن صکرة واجبه درکه مقتضای خیر اندیشی  
 ونیکخواهی پادشاهیده سرمو تقصیر و مسامحه بی روا  
 کور میوب لزومی تقدیرنده سلامت وجود پادشاه ایچون  
 کندی نفسی فدادن کردن پیچ تعال و عناد اولیه .  
 « ترکی »

اخطار — دائما فعل مثبت اولورسه صیغه  
 عطفیه نكده مثبت ، فعل منفی اولورسه صیغه عطفیه نكده  
 منفی اولمسی اقتضا ایتمز . بعضا فعل مثبت اولورده  
 صیغه عطفیه منفی ، فعل منفی اولورده صیغه عطفیه  
 مثبت اوله بیلیر .

برایکی مثال :

« اسد الغابه ابو عامر کنیه سنده مذکور اولانلر



میاننده بری حضرت ابو موسی الاشعرینک عمی و دیگری  
برادری اولمق اوزره ایکی او عامر الاشعری کو سترلمشدر .  
ایکینجینک یالکیز مع عشیره اسلامی ذکر اوانوب  
تاریخ وفاتی کو سترلمه مشدر .

« ذهنی افندی »

## §

شوق کیمه طور میوب کیدرسین

الاهی جست و جوایدرسین

« معلم ناجی »

تعقیب ایدن فعلک . مثلاً مفرد غائب اولمسيله صیغه  
عطفیه نكده مفرد غائب حکم نموده بولنسی لازم کلز ،  
بعضاً فعل مفرد متکلم اولورده — سـوق کلام  
اقتضاسـنجه — صیغه مذکورده مفرد غائب تقدیرنده  
بولنور :

« دنیا ده نه قدر آلام واکدار وار ایسه جمله سی

باشمه اوشوب بی اختیار زقاقه فیرلادم . »

« ن »

ایشته بو مثالده کی « اوشوب » صیغه عطفیه سی  
 « اوشدم » دکل ، « اوشدی » تقدیرنده در .

فقط فعل جمع اولوبده صیغه عطفیه نك مفرد  
 حکمنده بولنسنه مساغ یوقدر . زیرده کی عبارده صیغه  
 عطفیه نك بو صورتلده استعمالنه دلیل اولماز ، برهان  
 مساحه عد اولنور :

« سن عرض دیدار ایدنجه روزکار قوتدن دوشوب  
 بلوطار حضورنده اثبات وجوددن شرم ایله فرار  
 ایدرلر . »

..

۲ — اسم فاعل ، اسم مفعول ، مصدر ، حال  
 ترکیبی ایله صله ، ربط صیغه لرندن برینه مربوط  
 اولورسه یا ایکسی ده مثبت ، منفی ویابری منفی ، دیکری  
 مثبت اوله بیلیر .

برقاچ مثال :

« مصرده اولان خاندان عباسی شعبه سی اورتدن  
 قالدیروب ملوک عثمانیه نی خلیفه انام ایدن سلطان  
 سلیمدر . »  
 « ن »

## §

« طریق تعلیمه جداً چالیشامیوب مجالس عرفیه  
ملازمت ایدلمدجه انسان کامل اولوق مشکدر . »  
« مستقیم زاده »

## §

بعضاری برخدمتده بولنمیوب کندی خانه سنده ویا  
چفتلیکنده مقیم اولدیغی حالدده ارکان یاتیدن عد  
اولتور . «  
« جودت پاشا — برمکتوبندن »

## §

« اسلوب ترکی اوزره جریان ایدن تتابع ، علامت  
ضافت اولان کاف ایله اولوب اولمامقندن خلی قالماز .  
کاف ایله اولورسه یکیدن ، کافسز اولورسه اوچدن  
زیاده سی فصاحتی اخلال ایدر . »  
« معلمناجی — معانی مقاله سندن »

تنبیه — صیغه عطفیه کرک افعال بسیطه و مرکبه دن

و كرك اسم فاعل ، اسم مفعول ، مصدر ، حال تركبي  
ايله صله ، ربط صيغه لرندن برينه مربوط بولانسون ،  
بونلر بعضاً منفي اولورده صيغه عطفيه ، مثبت اولديغي  
حاله منفي حكمنده بولنور .

بر قاچ مثال :

« هانكي عارض رعنا واردركه عذارمه تاباني حس  
وخاشاك جهانه قاريشوب كيتمه مشدر . »  
« سنان پاشا — تضرعاتندن »

### §

ال ويرمدى مكاره دنيا ديه اى دل  
آواره اولوب ايلمه اظهار تلاشى  
جمع ايله مش مجلس عالم ( قورولدن )  
عرفان ايله بريرده خدا عقل معاشى  
« ابن كمال »

..

صيغه عطفيه نك مابعدنده افعال وصيغ مذ كوره دن  
بر قاچ دانه سى بولنه بيلير . صيغه مذ كوره بونلردن هر

وقت برنجیسنه مرتبط اولماز ، بعضاً صکره کیلردن برینه  
مربوط بولنور :

« حکیم مشارالیه — ولوحقسنز اولسون — کرک  
ذاتمه و کرک آنارمه متعاق هر به سویاسه لر بنه ایچون  
اک موافق حرکت قطعاً مقابلهیه تصدی ایتیوب اوییه  
بر حکیمک بنی نصل مؤاخذه ایتمکده اولدیغنی کوزدرک  
تمکن مرتبه حصه یاب اقباه اولمقدن عبارتدر . »

« معین نجی »

صیغه عطفیهیه بعضاً « ده » الحاق اولنور . بو  
« ده » صیغه مذکوریه یتشدیرلماز ، آیری یازیلیر :

پرتو کسیلوبده ای ضیا پوش

ایتسه م سنی شویله بردراغوش

« معین نجی »

نظامده صیغه عطفیه — یرینه کوره — مربوط  
بولندیغنی افعال و صیغ مذکورده دن تأخیر اولمه بیلیر .

برایکی مثال :

جسمن احاطه ایلدی محروطی نظر

کیردی نهان اولوب اوپری زیر چادره

« سامی »

## §

ایلر بنی طور میوب زیارت  
بیت الحزنمده بیک مسرت

« معلم ناجی »

صیغه عطفیه نك مابعدنمه بولمقی لازم کان کلمات  
مبحوث عنہادن بریسی بولندیر لمیوب صیغه مذکورہ نك  
ضمیر نسبی ایله « در » ادات خبر بنه ربط ایدلدیکی  
کوریلور سده بوصورت ، شیوہ لسانه مغایر اولمقله ،  
دکل نثرده ، نظامده بیله تجویز ایدلمز .  
بناءً عایه زیرده کی عبارتہ لر بویولدهده استعمالنه  
سند اوله ماز :

« کوینری بیوت متفرقه دن عبارت اولوب هر  
فردك خانه سی تار لاسی باشنده در . »

« بر مکتوبدن »

## §

« اقدامك حسنیاتی و تسلیك قبیحیاتی شیخص واحد . »

منحصر اولمیوب بر هیئت مجتمعهده بك مؤثر در . »

« بر مقاله دن »

برنجی عبارتده کی « اولوب » صیغه سی « در » ،  
 ایکنجی عبارتده کی « اولیوب » ، صیغه سی ده « دکلدر  
 موقعنده ایراد ایدلمش

— خاتمه —

شمدی صیغه عطفیه « در » الحاقیه اسحاق :

فرقتکله ینه بردرده دوشوبدر اسحاق

گاه بیامز اونودر کندیسنی گاه بیایر

یتنده کورلدیکی اوزره « دوشوبدر » صورتنددهده  
 استعمالی مهجوردر .

..

— ۳۳ —

ضاک یای مضرت فتر اناهی به

معروض جاریه دیرینه نریدرکه

زوجم قدمای رجال عامیه دن ... افندی « جناب

یزدان افدمزی، مقام معالی مشیخته الی آخرالدوران  
 کمال عافیت و اقبال ایله کامران بیورسون « بویدن اوج  
 کون مقدم ارتحال ایدوب جاریه لرله مخدوم کوله لرینی  
 کیرا بوجاقلرنده بی کس و بی چاره بیراقش اولدیغندن  
 واحوال ضرورت اشمال کترانه من حقیقه آجینه جق  
 براراده اولوب بولک دوامنه ایسه مرحمت مسلمه  
 مفتی الانامیلرینک راضی اولمیه جفی بدیهی بولندیغندن  
 احتیاجزانه درجه سی سائرلره قیاس ایدلیوب مقدار  
 کافی معاش تخصیص بیوریلهرق برعاجز عائله نک یکیدن  
 احیایوراسی خصوصنی استرحامه مسارعت و دائماً ورد  
 زبانم اولان دعای تمدای عمر واجلال حضرت پادشا -  
 هی به تردیفاً دوام عافیت و اقبال فتوایناهیلری درود  
 مسعودیله مشغوله اولدیغمک عرضنه مجاسرت ایلرم .  
 اول بابده .

..

— ع —

جناب رب العالمین حامی شرح مبین نور دیده مسلمانین



نائب مناب رسول امین شهنشاه عدالتمدن غازی عبد  
الحمید خان افندمن حضر تلرخی الی یوم الدین مقام  
مقدس خسروانه لرنده کامبین بیورسون امین .

داعی کتتری یکر می سندهن بری . . . جامع نور  
لامعنده مذاکره علوم ایله امرار وقت وساعت و بو  
وسيله ایله دعای دوام عروء فیت جهانبا یلرینه مواظبت  
ایتمکده اولدیغ حالده معاش داعیانهم اداره یتیمه غیر  
کافی اولوب دیون کتیرمه گرفتار اولدیغمدن ورهضان  
مغفرت نشانده حضور فیض اشور شاهانه لرنده تقریر  
اولان دروس شریفه نک برنده بولمق شرفنه مظهر  
اولمق آرزوسی اوتندن بری جایگیر ضمیر عاجزی  
بولندیغدن بوکره منحل اولان مخاطبانه تعیین اولنه رق  
ایکی جهتله ده دلشاد بیورلماقم خصوصنه اراده سنیه  
جناب ملوکالریک بی دروغ بیورلمسنی استرحم الیم .  
اول بایده امر و فرمان شهریار مرحمت گستر و تاجدار  
علما پرور ولی نعمت بی متمز پادشاهمز افندمن حضر -  
تلرینکدر .

— ۳۵ —

سعادتلو افندم حضرتلری

بوکره عهدۀ داعیانمه احسان بیوریلان رتبه‌نک  
 تبریکینی حاوی التفاتنامهٔ سامیلری پیرایش انملہ تعظیم  
 و عبارات عالیہ سی حق عاجزیده کی حسن توجہک  
 ازدیادینی تبشیرایتدیکی جهتله موجب سرور عظیم اولدی.  
 بویله توجه نامهٔ عالیترینه نائیت داعیلرنجه شکرانی  
 غیر قابل بر نعمتدر . بناءً علیه وظیفهٔ شکر گذاریده  
 درکار اولان قصورمک عفوینی تمنا و ابدالنه عنایت  
 بیوریلہ کان توجہات معالی آیات کریمانه لرینک بقاوتزایدی  
 خصوصنی خاصهٔ استدعا ایلرم. هر حالده لطف و اراده  
 افندمن کدر .

\* \*

— ۳۶ —

عملیه نظارت جلدیسی مستشارلغی جانب عالیہ

سماحتلو افندم حضرتلری

مأموریت خصوصه ایله «...» اعزام بیورلمش

و بگو کره عودت ایتش اولان مستنطق ... افندی بنده-  
 لرینک حامل اولدینی تعایات موجبجه حسن ایفای  
 وظیفه به پک کوزل صرف همت ایلمش اولدیغنک عرض  
 و بیانی وسیله سیله مدار مباحات عدایده کلدیکم و دوامندن  
 امین بولندیغم توجهات جایله کر مکاریلرینک تجدد  
 و ازدیادی تمنیات مخصوصه سنه اجتماس ایلرم . اول بایده

..

— ۳۷ —

( شیخ سعدی )

رفیق مهربان و یار همدم  
 همه کس دوست می دارند من هم

— ترجمه —

« رفیق صادق ، یار موافق هر کس دوست اتخاذ  
 ایتدیگی کی بنده ایدرم . »

..

نظار بانیکو ان رسمیت معهود  
نه این بدعت من آوردم بعالم

— ترجمه —

« کوزلاره باقق رسوم معلومه دندر . بو بدعتی  
عالمده بن ایجاد ایتدم یا ! »

\*  
\* \*

توکر دعوی کنی پرهیزکاری  
مصدق دارمت والله اعلم

— ترجمه —

« اتقا دعواسنده بولنورسهك سنی تصدیق ایدرم .  
فقط طوغریسنی الله بیلیر ! »

\*  
\* \*

وکر کویی که میل خاطر من نیست  
من این دعوی نمی دارم مسلم

— ترجمه —

« اگر خاطر من میل ایتیمور دیر ایسه که بن بود عواکی  
تسلیم ایتیم . »

\*  
\* \*

کرفتار کند خویر ویان  
نه از مدحش خبر باشد نه از ذم

— ترجمه —

« کوزلار که کند زلفنه کرفتار اولانک نه مدحدن ،  
نده ذمدن خبری اولماز . »

\*  
\* \*

چو دست مهربان بر سینه ریش  
بکیتی در ندارم هیچ مرهم

— ترجمه —

« دنیاده سینه مجروحمه دست مهربان کبی هیچ  
بر مرهم بوله نم . »

بگردان ساقیا جام لبالب  
بیاموز از فلک دور دمام

— ترجمه —

« ساقی ! طولوقدحی دوندِر ، فلکدن دور دمامی  
اوکرن ! »

■  
\* \*

اگر دانی که دنیا غم نیرزد  
بروی دوستان خوش باش و خرم

— ترجمه —

« دنیـانک مکدر اولمغه دکری اولمدیغنی بیلیور  
ایسهک دوسته کوزل معامله ایله ، خرم کورون . »

■  
\* \*

غنیمت دان چومی دانی که هر روز  
ز عمر مانده روزی می شود کم

— ترجمه —

« هر کون باقی قالان عمر کردن بر کون اکسلدیکنی  
بیلیمور ایسه ک ایام عمری غنیمت بیل ،

\*

..

منه دل بر سرای عمر سعدی  
که بنیادش نه بنیاد است محکم

« سعدی ! کاشانه عمره کوکنمه ، زیرا بونک  
بناسی محکم دکلدر . »

\*

..

— ۳۸ —

﴿ ابواسحاق ﴾

برنج زرد و مرغ و قند باهم  
همه کس دوست می دارند من هم

— ترجمه —

« زرده‌نی، مرغی، شکری هرکس سودیکی کبی  
بن‌ده سورم . »

\*  
\*\*

زحلوا زله می بستند زین پیش  
نه این بدعت من آوردم بعالم

— ترجمه —

« بوندن اولده حلوان طوب یاپارلردی بوبدعتی  
عالمده بن ایجاد ایتدم یا ! »

\*\*

اگر کویی که میل کشکاکم نیست  
من این دعوی نمی دارم مسلم

— ترجمه —

« اگر کشکاکه میلم یوق دیرسه‌نه بن بو دعواکی  
تسلیم ایتتم . »

\*  
\*\*



و کر کو بی که صفرائی مزاج  
مسلم دارمت والله اعلم

— ترجمه —

«اگر صفرائی مزاجم دیرسد که بونی تسلیم ایدرم،  
فقط طوغریسنی الله بیایر.»

×

مراباری زکنکر زخم خاریست  
که آن رادنبه بریانت مرهم

— ترجمه —

«بنده آزیحق (کنکر) نام اوتدن دیکن یارمسی  
واردرکه آنک مرهمی بریان اولمش قویرقدر.»

..

مکو بارشته سوز دنبه زنهار  
که ناکه باز کوید یدش شاغم

« یوفقه یه قویروغک یانغنی صاقین سویلمه ، زیرا  
آنسزین شلغمک یاننده بلکه سویلر . »

\*  
\*\*

غنیمت دان در اول صحن بغرا  
که بنیادش نه بنیادیست محکم

— ترجمه —

« ابتدا بورك طباغنی غنیمت بیل که آنک بناسی  
محکم دكلدر . »

\*  
\*\*

در آن دم وصف نان می گفت بسحاق  
که از کندم حذر می کرد آدم

— ترجمه —

« آدم بغدادین اجتناب ایتدیکی زمان بسحاقا کهکک  
وصفی سویایوردی . »

\*  
\*\*

— ۴۴ —

معروض داعی دیرینہ لریدر کہ  
 من غیر ایاقہ عہدہ داعیانہ مہ تفویض بیوریان برات  
 سنجاغہ کلہ لی ایقای حسن خدمت وعمومک خشنودیسی  
 قازانہ رق بوصورتلہ استجلاب دعوات خیرہ لرینہ  
 مواظبت ایتکدہ اولدیغمہ بوندن ایکی ماه مقدم اہالی  
 طرفندن حضور مفتی الانامیلرینہ تقدیم قیلمان مضبطہ  
 شہادت ایامکدہ بولندیغندن وانفصال عاجزانہ مہ برایی  
 آی قالب موسم شتاتک تقریبی جہتیلہ بورادن حرکت  
 ایسہ ممکن اولہ میہ جغندن اطفالاً و مرحمتاً ایکی ماه دہا  
 تمیدمدتہ مساعدہ جایلہ حضرت شیخ الاسلامیلرینک  
 ارزان بیورلمسی استرحام ایلرم . اول بابدہ

— د ۵ —

مقام سامی منبخت علیابہ

معروض بندہ کمینہ لریدر  
 ولایتی داخلندہ نفس ... قضا سندہ ... محالہ سی

اهالیسندن فلان و فلان ایله بینهلر مزده تحدث ایدن  
 وراثت دعواسی علی الاصول قضای مذکور محکمه  
 شرعیه سنده رؤیت اولنه رق لهمده تنظیم و لاجل  
 التصدیق باب و الای حضرت فتواینا هیلرینه تقدیم ایدلمش  
 اولان برقطعه اعلام شرعی ایله خصم لرم طرفندن  
 برای تمیز و یریان لایحه اعتراضیه مکتوبی قلمنده هر  
 فصلسه ضایع قیلنمش اولمقله باعرضحال وقوع بولان  
 مراجعت مستمندانم اوزرینه خرج التمسکین  
 مذکور اعلام ایله لایحه اعتراضیه نک برر صورت  
 مصدقه سنک مقام سامی جناب شیخ الاسلامیلرینه  
 ارسالی حقنده قضاء مذکور نیابت شرعیه سنه فی ۲۳  
 رجب سنه ۳۰۹ تاریخی والی بش نومرولو برقطعه  
 امرنامه عالی شرف تسطیر بیورلمشیدی .

حال بوکه نائب افندی اجرت و یرمده اوراق  
 مذکورینی کوندرمیه جکئی بیلدیرمکده اولدیغندن  
 و مومالیهک شو حرکتی مغایر رضای عالی اولوب  
 حقوق صریحه عاجزانمکده ضیاعنی مستلزم بولدیغندن  
 بلا خرج ضبط ورقه لرله لایحه اعتراضیه و اعلامک  
 مقام معالی حضرت مشیختنا هیلرینه سرعت ارسالی

ایچون قضای مذکور نیابت شرعیه سنه اکیداً بر قطعه  
امرنامه عالی تسطیری خصوصه مساعدۀ جلیله جناب  
ولی النعمیلرینک سزاوار بیورلمسنى التجاکاه بی چارکان  
اولان آستان معالی عنوان گرامیلرینه ناصیه سای عبودیت  
اوله رق استرحام ایلمرم . اول بابده امر و فرمان حضرت  
ولی الامر کدر .

..

— ۹۱ —

معروض داعی دیرینه لریدر

من غیر لیاقة نیابتی عهدۀ کترانه مه احسان بیوریان  
... قضا سندن آب و هوا سیله امتزاج ایدمه مدیکمدن  
طولانی بوندن سکنز ماه مقدم استعفا ایله در سعادت  
ککش ایدم .

قضاء مذکور کیدیلوب ده ایکی بچق آی صکره  
بالاستعفا عودته مجبور اولیشم عاجز لرینی دیون بی شماره  
کرفتار ایتدیکی شویله طور سون او وقتدن بری حال  
داعیانه مه مناسب بر قضا نیابتیله بکام بیورلمدیغمدن

احوال یأس اشمالم تحمل اولنه میه جق بر رادهیه کلمکله  
 مسلم جهان اولان شفقت جناب ولی النعمیلرینه صیغنه رق  
 آچیقده بوانان... قضاسی نیابتنه تعیین بیورلمقلمغ خصوصنه  
 مساعده جلیله فتوا پناهیلرینک بی دریغ بیورلمسی استر-  
 حانه جرأت ایلرم. اول باید.

°  
 \*

— ۶۶ —

محل مأموریت علیه لرینه بالعافیه مواصلت بیورلدینی  
 مژده سنی حاوی احساننامه کریمانه لری پیرایه دست  
 تعظیم اولدی.

بوراده کچیریلن زمان محبتک شمدیلک رسیده ختام  
 اولدینی تکرار تخطر اولنمغله محزونیت ایچنده قالدیسه ده  
 ابرازینه عنایت بیوریلان توجهات کرشمه عاریلری بو  
 محزونیتی تعدیل ایلدی.

قرباً حسن صورته ینه شرف صحبت علیه لرینه  
 نائلیم خدادن تمنی ایدر و توجهات مفخرت آیات

حقوق پروریلرینک حق عاجزانه مده کوندن کونه متزاید  
اولنه جغنی امید ایلرم .

..

— ۳ —

دولتلو افندم حضر تلری

... نظارت جایله سنک عهدۀ استیبال دولت لرینه  
تفویض بیورلدیغی خبر مسعدت آوری جمله دن زیاده  
داعیلرینی حصه یاب مسرت ایلمش اولدیغندن عاجزانه  
ایقای رسم بهین تسعیده مئابر ت ومعتاد عبیدانه اولدیغی  
اوزره دوام وازدیاد عافیت و اقبال دستور اعظمیلری  
دعاسنده ویکانه باعث فیض وافتخارم اولان توجهات  
مکارم آیات داور افخمیلرینک بقا وتوافری تماسنده  
یولندیغمک عرض وبیاننه جرات ایلرم .

..

— ۴ —

فضیلتلو افندم حضر تلری

کفایت باند رتبت فاضلانلرینک برکوچک اثری

ولمعه فشانء نیر اقبال کریمانه لرینک بر مقدمه مسعدت  
 کسـتری اولمق اوزره بوکره ۰۰۰ باش کتابتک ذات عالی  
 کماله نپناهیلرله تشرف ایتدیکی سامعه پیرای فخر و مسرت  
 اولمش اولمقله توافر شان و اقباللاری ادعیه خالصه سـنه  
 تردیفالوازم صداقتدن بولندیفی وجه ایله عرض تمهـنیت  
 و بوکوزل وسیله ایله حق داعیانهمده مجزوم البقا اولان  
 توجهات دیرینه حقوق پروریلرینک آثار جلیله از دیادی  
 کورمکله مفتحـر بیوریله جغم خصوصنده کی امنیت اخلاـ  
 صمندانهمک ابرازینه جرات ایلرم .

۲۰

\* \*

— ۵۵ —

میرم !

ینه بر مکتوبکی آلام . بونده صنایع ادبیـه دائر  
 خیلی سوز وار . « مناظر الانشا » ده اولان غزله  
 متعلق ایضاحاتی بکنیورسین .

واقعا حسین واعظک « بدائع الافکار فی صنائع  
 الاشعار » عنوانلی اثرنده غزله دائر بسط ایدیان



مطالعاته نظراً خواجه جهانك « مناظر الانشا » ده  
ویرمش اولدینی ایضاحات دها شمولیجه در .

فقط معلم ناجی افندی مرحومك آثار استادانه سندن  
اولان « اصطلاحات ادبیه » سنده غزله دأثر تمهید  
ایدیان مطالعات مشکلی بر اندازانه بوبابده کیسه سوز  
بیر اقامشدر .

مرحومك بواثر بر کزیده سنی نظر مطالعیه آلوبده  
روحنه فاتحه خوان اولیه جق بر سیخن شناس تصور  
ایده مم .

شمدیه قدر — ترجمه اولسون ، فرسجه  
اولسون — نظر مطالعندن چیروبده « صنعت ترصیع » ی  
حاوی اولان سوزلرده کوزل بر پارچه به تصادف اولنه  
مدینی در میان ایدلدکن صکره دینورکه :  
« جناب جامنیک :

حرز جانها ست نام دایرما  
ما اعز اسمہ وما اعلی

مطلعی کی ابیات مامعه بی پک سورم . بویله اولان بیتلرده  
باشقه قوت ، باشقه لطافت کوریلور . «

واقعا «ایکی فقره دن هر برینی تشکیل ایدن الفاظک  
وزن وقافیه جه بر برینه توافقندن عبارت» اولان «ترصیع»،  
کلفت محضه اولدیفندن آثار مرصعه ده کوزل سهوزله  
پکده تصادف اولنه مازسه ده هیچده یوق دکلدرد. بعضاً  
انورینک :

ای منور بتو نجوم جمال  
وی مقدر بتور سوم کمال

مطلع مرصعی کی آثار سلیسه ده کورلدیکی واردرد.  
بومطلع، قوامی کنجوینک :

ای فلک راهوای قدر توبار  
وی ملک زائنای صدر تو کار

مطلع مرصعندن خوشدرد.  
شناسینک :

نقل و کتاب مائل تقدیر ایدر بزی  
عقل و حساب قائل تدبیر ایدر بزی

بیت مرصعی ده فنا دکلدرد .

غریب دکنی ؟ بعض کتب ادبیہ دہ « ترصیع » دہ  
دائر سرد ایدیان مثالار اکثر یا مثل اید غیر مطابق !  
از جملہ « مانی الانشا » دہ صنعت مذکور یہ دائر  
ایراد قیانتان امثلہ میانندہ :

« بشرده دائم اولان کالدر، جمال متحول اولور .  
اژده قائم اولان مقالدر، مال منتقل اولور . »  
کلامی کوریایور .

شمدی بوکا « مرصع » دینیلہ بیایرمی ؟

دینیلہ مز، چونکہ « متحول » کلمہ منہ مقابل اولان  
« منتقل » کلمہ سی قافیۂ موافق ایسده و زنا یعنی حرکت  
وسکونده موافق دکادر .

مرحوم مشارالیه لغت کتابندہ « ترصیع » ی بروجه  
بالا تعریف ایتہ دکن صکرہ نمونہ اوله رقیات آتین  
ایراد ایدیور :

منحصردر سوزلرم اوصافکه  
منتظر در کوزلرم الطافکه

« لا »

سرورزی مرحوم (۱) ده تالیف کرده‌سی  
اولان «بحر المعارف» ده صنایع بدیع‌ه‌بی جامع اولمق  
اوزره تنظیم ایتمش اولدینی قصیده بک، طاعی اولان :

ای سکندر در سلیمان سطوت و داراب دار  
وی غضنفر فرییمان رتبت و سهراب وار

بیتی «ترصیع» . مثال اوله رق یازیور .

دقت ایدیلیورمی ؟ برنجی بیتده «منحصردر» ایله  
«منتظردر» ، «سوزلرم» ایله «کوزلرم» ، «اوصافیکه»  
ایله «الطافیکه» کله‌لری قافیه اولدینی کی وزناده یکدیگریله  
توافق ایلمیشلر .

حال بوکه ایکنجی بیتک «صراع اوانده بولنان» سکندر ،  
سلیمان ، سطوت ، داراب «کله‌لرینه» صراع ثانیس‌نده  
مقابلاری اولان «غضنفر ، فرییمان ، رتبت ، سهراب»  
کله‌لری قافیه موافق ایسه‌لرده وزناً موافق دکلردر .

(۱) مثنوی شریفه فارسی ، گلستانه عربی ، دیوان حافظه  
ترکی شرح یازان ذاتدر . بونلردن باشقه ده برچوق تالیفاتده  
وارددر . (۹۶۹) ده وفات ایتشد .

نه جهتمندی؟ حرکه جهتمدن :

از جمله «سکندر» کلمه سنک برنجی حرفنک حرکه سی  
کسره اولدینی حالد و مقابلی بولنان «غضنقر» کلمه سنک  
برنجی حرفنک حرکه سی فتحه در .

اسلاف توسیعاً حرکه ده مساحه بی تجویز ایتشلسده  
علم مرحومک بو باده کوسه تردیکی نمونه نظر ا بونا  
جواز ویرمدیکی آکلاشیایور .

البته مساحه دن عدم مساحه اولادر .

...

«شعری ایکی ویا اوج لسانی مزج ایدرک سوبامکدن  
عبارت بر صنعت ادبیه دیه تعریف اولنان «تلمیع» ه  
دائر سویایه حکم سوزلرک برنجیسی صنعت مذکورده  
حاوی شعره «ملمع» دنیللمه سی توصیه سندن عبارتدر .  
بوصنت فارسی ایله ترکیه یه مخصوص کیدر . بلغای  
اعجام ایچنده صنعت مذکورده ابراز مهارت ایدرک  
برنجیسی جناب جامیدر .

• مشارالیه :

«اگر خصیصه فهم مالک ايسه نایک اسراری

بتون سماعدره عقلت قیاس ایله بونی ادراك ایتمی  
ممکن دکلدره. « مآلنده اولان :

اسرارنی ارفهم کی جمله سماعیست  
لایمکن ان یدرکها العقل قیاسا

ییتی « تلمیح » ک کوزل نمونه لرندندر .  
لسانمزده « تلمیح » ایکی صورتله جلوهر اولدیغندن  
اشعار عثمانیه ده بو صنعتی حاوی ایسه - فارسی به  
نسبتله - پک چوق تصادف ایدمک لازم کایر سه ده شعر امن  
بو وادیده سخنوران عجم قدر خامه ران اوله مامش لر در .

سنسین ایدن امداد ایله ممون صعفای

دل قطره سیاب شدای صبر کجایی

« معلم ناجی »

بو بیتلری یازارکن وادیء نظامک اکثر اقسامنده  
اولدیفی کی « تلمیح » لی شعر سویلمکده ده برنجیلکی  
احراز ایتمش اولان فضولینک :

قدانازالعشق للعشاق منهاج الهدا

سالک راه حقیقت عشقه ایلر اقتدا

مطلع عاشقانه سی خطور ایتدیکندن بویله « تالبع » لی  
 اشعارندن برقاج بیت دها یازمنی مناسب کوروب  
 اوسخنور یکانه نك دیوانسه بالمراجعه زیرده کی نعت کونه  
 غزلی انتخاب ایلدم :

« غزل »

وسلك بكا حیات ویرر فرقتك ممت  
 سبحان خالق خاق الموت والحیات

هجرانكه تحمل ایدن وصالکی بولور  
 طوبی لمن یساعده الصبر والثبات

مهرکدر آفتاب مقاصد وسیله سی  
 ماشاء من اراد به الفوز والنجات

دوگمش ریاض طبعمه باران شوقکی  
 من انزل المیاه واحیی بها النبات

حق افرینشه سبب ایتدی وجودیکی  
 اوجبت بالظهور ظهور المکونات

ازد سریر حسنه‌نی قیلدی پادشاه  
اعلی کمال ذانک فی احسن الصفات

قیلدک ادای نعت فضولی تمام قیل  
کلمت بالسلام و تممت بالصلاة  
خوش دگی؟

— خاتمه —

« صنعت تلویع » ده لمعه فشان اقتدار اولمق ایچون  
عربییه، فارسییه ایجه وقوف اقتضا ایدر. بوایکی کنجینه  
بی کراندن التقاطه قدر تیاب اوله میا نار صنعت مذکورده  
ایشار نور معرفت ایده مزلر. باقی . . .








بعد از کتاب  
استان فلک بنیان دوزخه استبسیار من کل الوهه عشت شرف به حبس اولو کبار و  
جمعه دوشنبه که استان عظمی و عرصه عبودیه شتای بر وظیفه مقدس پیغمبر عظیمه حد  
همه برون محنت مقرون و صفت انجی زنده هم از صنادید رب العالمین امام الماسیخه خلیفه عدل  
امین مارت هر افروز قضاوتی الاقر الایم کمال شکوه سر بر سر خطه دانم و س  
را هم و این شاهانه ذات ستود صفت انجی زنده سلم اقبال آن نهانته ارتقاء  
از نهانته الدوانت فایده پیوسته اعای نفوسه الاذاسنه نردیفا انجیای ستم  
جلای همایونه صاحب دوزخه علامه علامه علامه علامه علامه اندال سوریه کلای  
نورای حیاتیه ای او تکریم بقا و از دیاری ستر خانه مجازت انجی

## ❖ فهرست ❖

| صفحہ |                                           |
|------|-------------------------------------------|
| ۳    | مقدمہ                                     |
| ۵    | قصیدہ ( اوصاف حضرت خلافتِ اہلی بی متضمن ) |
| ۸    | عرض شکران ( خاک پای جناب فتوا پناہی )     |
| ۱۰   | مکتوب ( بعض مطالعات ادبیہ بی حاوی )       |
| ۱۵   | تبریکنامہ                                 |
| ۱۶   | عریضہ                                     |
| ۱۷   | مکتوب ( بعض وصایای حاوی )                 |
| ۱۹   | تشکرنامہ                                  |
| ۱۹   | جوابنامہ                                  |
| ۲۰   | بند مخصوص ( حضرت، جناب کلمہ لورینہ دائر ) |
| ۲۷   | قصیدہ                                     |
| ۳۱   | جوابنامہ                                  |
| ۳۲   | عرضحال                                    |
| ۳۳   | ❖                                         |
| ۳۳   | نطق                                       |
| ۳۶   | تبریکنامہ                                 |

| صفحه |                                   |
|------|-----------------------------------|
| ۳۷   | عریضه ( خاند پای حضرت خلافتناهی ) |
| ۳۹   | عریضه                             |
| ۴۰   | عریضه ( خاند پای حضرت خلافتناهی ) |
| ۴۱   | عریضه                             |
| ۴۲   | تبریکنامه                         |
| ۴۳   | شهادتنامه                         |
| ۴۳   | استعلامه جواب                     |
| ۴۵   | بعض مطالعاتی حاوی بر مکتوب ادبی   |
| ۵۰   | مکتوب                             |
| ۵۲   | »                                 |
| ۵۳   | جوابنامه                          |
| ۵۴   | عریضه ( خاند پای حضرت خلافتناهی ) |
| ۵۵   | »                                 |
| ۵۷   | بر مکتوب ادبی                     |
| ۶۲   | حافظك بر غزلنك ترجمه‌سی           |
| ۶۳   | ابواسحاقك » »                     |
| ۶۶   | تاریخ                             |
| ۶۶   | مقاله ( صیغه عطفیه به دایر )      |

| تخفیه |                                        |
|-------|----------------------------------------|
| ۷۷    | استرحامنامه ( شیخ لاسلامه )            |
| ۷۸    | عرفحال ( خالکپای شیخ خالافتناهی )      |
| ۸۰    | تبریکنامه جوانی                        |
| ۸۰    | عریضه                                  |
| ۸۱    | شیخ سمدینک برغزلنک ترجمه‌سی            |
| ۸۵    | ابو اسحاق شیرازینک ترجمه‌سی            |
| ۸۹    | تمدید مدت ایچون استرحامنامه            |
| ۸۹    | عرفحال ( مقام مشیخته )                 |
| ۹۱    | عرفحال »                               |
| ۹۲    | مکتوب                                  |
| ۹۳    | تبریکنامه                              |
| »     | »                                      |
| ۹۴    | بعض مطالعات ادبیه‌ی حاوی بر مکتوب ادبی |



« تصحیح »

بشنجی صحیفہ دہ مصرعہ دہ کی « ایتکہ دہ »  
« ایتکہ دہ » اولہ جق .

یکرمی بشنجی صحیفہ دہ کی « ترفہ نہ » ، « ترفہ نہ »  
اولہ جق .

یکرمی طقوزنجی صحیفہ دہ کی « سنین » دہ « سنسین »  
اولہ جق .

اللی سکرنجی صحیفہ دہ کی اوچنجی بیتک ایکنجی  
مصرعہ دہ کی بولنان « بر » فضلہ در .

یتمش دردنجی صحیفہ دہ کی « ایلمہ مش » دہ « ایلمہ مش »  
اولہ جق .



اشتریت بہر شرف و کرامت

در

شیخ وصفی

# مطالع

هرنوع مسوداتی حاویدر

-----

معارف نظارت جلیله سنک رخصتیه طبع اولنمشدر

-----

استانبول

قرمبت مطبعه سی — باب عالی جاده سنده

۱۳۱۴

قره بت مطبعه سی — باب عالی جاده سنده



## مقدمه

﴿مطالع﴾ نامی ویردیکم بوائر، معلمخانه نوآبد  
طلبه کرامه عاجزانه استکتاب ایتدیکم مسوداتدن  
متشکدر .

طلبه مومالیهم . [ لوامع - بدایع - سواطع ]  
عنوانلی اثرلرم کبی بونک ده طبع و نشری خصوصنی  
التماس ایتدکارندن - دکر سزایکنه باقیه رق - ساحه  
مطبوعاتیه وضعنه متجاسر اولدم . و من الله التوفیق .  
شیخ وصفی

---

ذات خجسته صفات حضرت مشیختپناهی به

## عرض شکران

— ۱ —

ای خداوند مکارم پرور  
مظهر عاطفتک اولیده یم  
یوق ایکن بر دکرم ذره قدر  
فیض لطفکله شرف بولده یم

— ۲ —

عاجزم وصفکی املا ایدم  
لادر طوغریسی کلک شکران  
لطف و احسانکی احصا ایدم  
اولمش اولسه ده حریری زمان

— ۳ —

کوره من مثلکی چشم دوران  
علما و ادبا اینچره شنک  
عاله اولده در غبطه رسان  
نور عرفان ایله فیض سخنک

— ۴ —

یوکسلیر فکر معالی پرور  
شرف ذاتکی یاد ایتدیکه

کلیک تر جذبه‌لر اظهار ایلر  
شوق اوصافک ایلله کیتدیجه

— ۵ —

ایلرم ادعیه کی صبح و مسا  
رفع درگاه خدای علام  
اول شرفبخش مقام افتا  
دولت و شان ایلله تاروز قیام

— ۶ —

ولی نعمت افندم

ینه بو کونلرده لطفنامه‌لریله قریب العین اولوق شرفسندن  
محروم بیور بلیورم ! بویله معجور التفات بیوریه جق قدر بر  
کستاخلق ایتدیگمی درخاطر ایده بیورم . بناءً علیه فنا حالده  
مضطرب اولیورم .

داعیلری کبی بی وایکانت هر حرکتی بر قصور صاییه جغنی  
بیلز دکه . مع هذا افندمن کبی وایله داران کرمک الک کوچک  
اطفی درماندکانت الک بیوک قباحتنه نظر بیور مامق اولدیغی ده  
سوز کوتورر مواددن دکلر . « درغنو الذیتست له درانتقام  
نیست » مصراعی ده بو حکمی تأیید ایدیور . بقی برات  
سعادت بیلدیگم لطفنامه‌لرینه شدت انتظار .

فی ۱۱ نیسان سنه ۳۰۹

— ٢ —

برادرم افندم حضر تلری

شیرین و دلنشین سوزلرله خاطر نشان طرفین اولان محبت  
دیرینه بی مصور و مجدد و حق عاجرانه مده کی توجهات علیه  
لطف شعار یلرینک حال ترقیده بولندیغنی مبشرو مؤید فی ۱۵ ایلول  
سنه ۳۰۹ تاریخی تبریکنامه کریمانه لری زیور انامل احترام اولمشدر.  
اول وجه ایله اظهار آثار لطف و انسانیته مصروف  
پسوریلان هم والای مرو تکستریلری موجب مزید ممنونیت  
اولغله متقابلاً عرض کلدسته شکران ایله برابر بعد ازیں دخی  
کوکلرده کی ریاض طراوتنای محبتک بر بهار دائمی یه مالک  
بولنمی تمنیات خالصانه سیله ختم کفتار ایلرم افندم .

فی ۱۸ اغستوس سنه ۳۰۹

\* \*

— ۳ —

مساند علیه دولتدن هر بری وجود مسعدتمود دولتلریله  
تشریف و استسعاد مهالک و منتظر بولندیغنی حالده بو شرفی  
عدلیه نظارت جلیله سی قازانه رق غبطه فرمای مقامات اولدیغنی  
استخبار و استبشار ایدلدیکندن ادای فریضه رسم تبریک ایله  
برابر بالاترین مراتبه قریباً شرفبخش صمود اولملری پیرایه  
زبان عبودیت قیلنمده اولدیغنک عرضنه مجاسرت ایلرم .

فی ۲۲ اغستوس سنه ۳۰۹

\*  
\* \*

— ۵ —

بو کره مقام مشیخت عظمی مکتوبیجیلغنک وجود حصافت  
 پروریلریله تشریف که ایساق برکزیده فاضلانه ری اقتضای  
 حکمت احتواسنددر . کمال مسرت و منفخرتله استخبار  
 اولغنه حسب الاختصاص وصول حسن موفقیت و تصاعد  
 کوکب سعادتلی دعای مفروضی پیرایه زبان اخلاص قیلغش  
 اولدیغندن عرض تهنیت وسیله مسعوده سیله تجدید روابط  
 عبودیت و حق عاجزانه مده کی توجهات منعمانه رینک تراید  
 اوزره بولغمی استدعای مخصوصه بجامسرت ایلرم .

فی ۲۵ اغستوس سنه ۳۰۹

— ۵ —

صنوف التفاتی حاوی فی ۲۵ اغستوس سنه ۳۰۹ تاریخلی  
 اراده نامه حضرت ولایتیناهیلری هاده پیرای انجبال اولدی .  
 بونده منظور دیده نعمت و مباحات اولان توجهات عالی درجات  
 دستور اکرمیلری موجب مزید مستداری و شکران اولدیغی  
 و کترلرینک مسلك متخدم اوتهدن بری تمامیه ایفای وظائفه  
 سعی و اقدام اولدیغندن بو وظیفه نك محافظه سنه معیت شرف  
 منقبت کار آ کاهیلرنده دها کوزل بر صورتده موفقیت عاجزانه م  
 لطف حقندن مستدعا بولدیغی عرض و بیانیه تقدیم تشکرنامه  
 رقیب علامه به اجتناسار ایلرم . فی ۲۵ اغستوس سنه ۳۰۹

— ۶ —

لیاقت مسلمة علیه نری اقتضاسی وجه ایله بو کره مجلس  
انتخاب حکام باش کتابتک وجود کفایت نمود کرمانه لریله تشرف  
ایتمش اولدینغی سامعه رس مفخرت اوله رق دعای تصاعد نجم  
اقبال مکارمکستریلری یکیدن آورده زبان محالست قیلندینغی  
موقع تبریکده عرض ایله برابر مقام جلیل مشیخت عظمایه  
اوله رق لفا و مکشوفاً متجاسر تقدیمی اولدینغ عریضه نک  
موافق رأی عالیرلی بیورلدینغی حالده بر صورت منامیده  
مقام مشارالیه عرض و تقدیمه بذل عاطفت وشو صیره ده آثار  
توجهات محاسن آیات مروتکارانه لرینی کوره جگمی هر زماندن  
زیاده امید ایتکده اولدینغمدن شیمه مجربه انسانیته شعاریلری اوزره  
حق داعیانهمده معاونت ممکنه نک ابدالله عنایت بیورلمسی تمنیات  
مخصوصه سنه اجتناسار و ظهور آثار لطف و عاطفتنثاریلرینه منتظر  
بولندینغمی تکرار ایلرم . اول بابده لطف و کرم برادر ستوده  
شیم افندمن حضرتلرینکدر .

فی ۲۸ صفر سنه ۳۱۱ و فی ۲۸ آغستوس سنه ۳۰۹

°  
°°

— ۷ —

عین عنایت و مشهود چشم مفخرت اولان حسن توجهات  
محاسن نکات ادیبانه لرینک سویدای دله تودیع ایتمش اولدینغی

شوق انجذاب پیوسته تمایل افزای تجدید و تأیید انساب اولاد یغندن  
 حلول ایدن عید سعید فطرك تسعیدی وسیلهٔ جبهه سیاه  
 ابراز اختصاص و مخالفت به ابتدار و بالاترین مراتبه شرف بخش  
 صعود اولملری تمنیات معتاده سندن بر آن خالی قلمه مقدمه اولدیغمی  
 عرض ایله کسب افتخار ایلم .

فی ۶ جمادی الاولی سنه ۳۱۱ و فی ۳ تشرین ثانی سنه ۳۰۹

— ۸ —

بوریه کلام کلی حکم کرده اولدیغم درد بی حسد اگر چه  
 تجدید اختصاص خصوصیه وقوعه کسکده اولان قصور می  
 نزد عالی حضرت مباحثه نایلر نده قرین عنوجیل ابتدیه به جاک  
 بر معذرت صحیحه عد اوله بیلیر ایسه ده خاك پای ناعیه برای  
 کرامیلرینه شدت تعلق بداهتمده بولان کوکلم شو موفقیتم سزانه  
 بر تقصیر صحیح نظریه با مقدمه اولاد یغندن حلول ایدن عید سعید  
 فطرك تبریکی وسیلهٔ جبهه سیاه تلاوتی تسلی بخش درون اولان  
 ادعیه خیریه ولی نعمتانه رینه مواظبتدن آیرندیغمک وتوجهات جلیله  
 خداوندا کرامیلرینک حق داعیانه مده بقایمی عنده مده تحق اولمق  
 جهتیه او مجتهد سوزا راندن انصراف ایله قاعده تأدب و خصوصیه

رعایتی انساب کوردیکمک عرض و بیانته مجاسرت ایلرم . اول  
بابده امر و فرمان حضرت من له الامر کدر .

فی ۱۳ جادی الاولی سنه ۳۱۱

و فی ۱۰ تشرین ثانی سنه ۳۰۹



محفوظ کوهردان قلب اخلاصمند اولان جوهر اختصاص  
منحصر تمدار عنایت شعاریلری تجدد و تشدید رابطه صدق و مخالصة  
تهییج میل و شوق ایتمکدن خالی قالمدیغندن حلول ایدن لیلۀ  
مبارکۀ رغائبک وسیلۀ تمنیتی الیه حق داعیانۀ مدۀ مشهود  
الآثار اولان توجهات مکارم آیات عاطفت دثاریلرینک استمرار  
و ازدیادی تمنای مخصوصه مسارعت و منظور عین عنایت  
عالیۀ کرمکستریلری بیورلمقده اولمسنندن امین بولندیغم مخدوم  
عاجزی . . . . بندهلرینک دائرۀ فاخرۀ تربیت فاضلانۀ لری  
داخلمنده بولمق شرفنه مظهریتندن طولایی حائر اولدیغم فخر  
و ممنونیت فوق العادهنک علاوه عرض و اظهارینه مجاسرت  
ایلرم . اول بابده امر و فرمان حضرت من له الامر کدر .

فی ۵ جادی الآخره سنه ۳۱۱

و فی ۲۰ تشرین ثانی سنه ۳۰۹



— ۱۰ —

نظرگاه ادیبانه لرینه

سعادتلو افندم حضرتلری

بو کره عهدۀ داعیانمه احسان بیوریلان رتبه‌نک تبریکتی  
 حاوی التفاتنامه سامیلری بیرایش انملۀ تعظیم و عبارات عالییه سی  
 حق عاجزیده کی حسن توجهات از دیادینی تبشیر ایتدیکی جهته  
 موجب سرور عظیم اولدی .

بویله توجه نامه عالیدرینه نائیت داعیلرنجه شکرانی غیر قابل  
 بر نعمتدر . بناءً علیه وظیفۀ شکر گذاریده در کار اولان قصور مک  
 عفونی تمنا و ابدالیه عنایت بیوریه کلن توجهات معالی آیات  
 کریمانه لرینک بقا و تزییدی خصوصنی خاصۀ استدام ایلوم . هر  
 حالده لطف و اداره افندمن کدر .

فی ۱۰ جمادی الآخرة سنه ۳۱۱

و فی ۲۵ کانون اول سنه ۳۰۹

— ۱۱ —

سعادتلو افندم حضرتلری

فضیلت مغبوضۀ مسلمهری مقتضیات طبیعیه سنن اوله رق  
 بو کره روم ایلی پایه سی شرف نادرۀ تحریرانه لرینه انضمام ایله  
 کسب اعتلا ایلدیکی مع الافتخار استبشار قیلمدیغندن تبریک

وسيلهٔ جيله سيله مشهود چشم مباحات اوله جق مآثر لطيفه سنی  
 سرمایه تأمین استقبال بیلدیکم توجهات فیض آیات سمو حیلرینک  
 حق داعیانہ مدہ استمرار و ازدیادی تمنیات معتاده سنی توافر حسن  
 اقبال سماحت پناهیاری دعای واجب الایفاسنه تردیف ایله ختم  
 کلام ایلرم . هر حالده امر و اراده ولی نعمت افندمن  
 حضرت تلرینکدر . فی ۸ کانون ثانی ۳۰۹

— ۱۲ —

حضور عالی سمو حیلرینه  
 سماحتلو افندم حضرت تلری

ارباب لیاقت و استقامته هر آن الطاف مخصوصه ملوکانه لری  
 رایکان اولان شهریار فضیلت پرور تاجدار معدلت کسرت  
 افندمن حضرت تلرینک حق تحریرانه لرنده نوالی ایتمکده بولنسان  
 آثار فیض مدار پادشاهانه لری جلهٔ جيله سندن اوله رق بوکرده  
 عهدہ استیصال سمو حیلرینه احسان بیوریلان پایه نك تهنیتی وسيلهٔ  
 جيله سيله ترايد حسن نظر محاسن اثر کرامیلرینک تمناسنه مجامرت  
 و روز و شب ذات فضائل آیات منعمانه لرینک بویله نیجه نیجه  
 رتب جلیله احرازیله کامور اولملری درودینی رفع بارگاه رب  
 متعال ایتمکده اولدینمک عرضنه مبادرت ایلرم . اول بایده امر  
 و اراده افندم حضرت تلرینکدر . فی ۱۶ نیسان سنه ۳۱۰

— ۱۴ —

تحت نظارت حضرت فتوایانهایلرنده بولان مکتب نواب  
شاگردانك هر سنه خروج و ترقی صنف امتحانلری بو سنه  
رمضان شریفدن صکرمیه تعلیق ایدلدیکی شاگردان مومالیجه  
اولجه تبلیغ بیورلمش اولدیغنه بناء اجرای امتحانلری ضمنده بهر  
کون داعیلرینه مراجعت ایتکرده بولندقلرینك برای معلومات  
عرض و اشعارینه متجاسر اولدم. اول بابده امر و فرمان حضرت  
ولی الامر کدر .

فی ۲۴ شوال سنه ۳۱۱

و فی ۱۸ نیسان سنه ۳۱۰

— ۱۵ —

خاك پای عالی فاضلانلرینه

استاد محترم افندم حضرتلری

من غیر استحقاق نائل اولدیغم رتبه نك تبریکنی حوی اولان  
التفاتنامه تحریرانلری انمله پیرای تکریم و قلب مستندانم لبریز  
شکران عظیم اولدی .

مدار فیض و مباحاتم اولان نیر حسن توجه استادانلرینك  
استیفا سنه ابتدار و وظیفه شکر گذاریده اولان قصورلر مه عطف  
نظر مسامحه بیورلمسی خصوصنی استدعا ایچون خاك پای

منعمانه لرینه یوز سورمکه توکیل ایتدیکم عریضه عبیدانه می تقدیمه  
اجتسار ایلرم . هر حالده لطف و مرحمت حضرت استاد کدر .  
فی ۶ ذی القعدة سنه ۳۱۱ و فی ۳۰ نسیان سنه ۳۱۰

— ۱۵ —

خاک پای فاضلانه لرینه

فضیلتلو افندم حضرتلری

کوکله جلوه کر اولمده بولسان حسیات شکر کذارانه  
مقتضاسی اوله رق صبح و شام توافر عمر و اقبال فاضلانه لرینک  
درود فیض نمودینی رفع بارگاه رب انام ایتمکده اولدیغمک  
عرض و بیانه مسارعت و حق تلمیذانه مده ابدانه عنایت  
بیوریه کلن حسن توجه استادانه لرینک دوام تمیسنه تردیفاً طبع  
و نشرینه متجاسر اولدیغم . « عنوانلی اثر عاجزانه مک  
— مجبول اولدقلری سجایای عالیة خطا پوشانه لرینه استناداً —  
دکرسز لکنه باقیه رق قبولی استرحامیله تقدیمه مئابر ایلرم .  
فی ذی القعدة سنه ۳۱۱ و فی ۴ مایس سنه ۳۱۰

— ۱۶ —

مودوع فطرت عالیہ نری اولان کنسایت مغبوطہ مسہ نری  
 مقتضیات طبیعہ سندن اولدیغی وجه ایله بوکره رتبہ بالا اسباب  
 نادره عز و شرف حصه قنایه نری انضمام ایله کسب فخر و اعتلا  
 ایلدیکی مع الافتخار استبشار قیمندی . تبریک وسیله جیالسیله  
 مشهود چشم مباهات اوله حق مآثر لطیفه سنی سرمایه تأمین  
 استقبال بیلدیکم محاسن توجهات رافتکستریلرینک حق داعیانہ  
 استمرار ازدیادی تمنیات معتاده سنی توافر حسن اقبال عاطفتشعاریلری  
 دعای واجب الایفاسنه تردیف ایله ختم کلام ایلرم .

فی ۲۵ ذی القعدة سنه ۳۱۱ و ۲۵ تموز سنه ۳۱۰

— ۱۷ —

حضرت !

هاله پیرای درویشانہم اولان صوکه ایکی التفاتنامہ کزہ  
 — اوزرندن آیلر ، کونلر مرور ایتدیکی حالده — برجوابنامہ  
 تحریرینہ شمدی وقت بوله بیلدم . بو بابده کی قصه سورمی عنو  
 بیورک .

مفتی افندی حضرتلرینک حق ناچیزانہمده کوسترمش  
 اولدقلری حسن توجهه تشکر ایدهرک مبارک الیرندن اوپریم .

عرضحال. خاك پای شیخ الاسلامی به تقدیم قیلندی. مع التأسف  
حکمر بر اقلیدیغنی عرض ایلرم .

قطعه ر خوش . سائرلری کبی بونلری ده مانند اوراد  
درویشان، صباح. اقشام او قویورم. وار اول حضرت باقی اخوت.

فی ۵ تشرین اول سنه ۳۱۰

• •

— ۱۸ —

شیء کریمه قدر دانیلری مقتضاسیجه کوشه کیر ضرورت  
اولان ارباب استقامت و لیاقته دستگیرک خصوصنده دریغ  
عاطفت بیورمیه جقلری درکار اولدیغنه بناء شمدی به قدر  
بولندیغنی نیاتلرده ابراز حسن خدمت ایتیش اولان و اباعن جد  
اصدقای سلطنت سنیه دن اولوب افصل قضاتدن بولان ....  
افندی داعیلری حقنده نظر شفقت اثر جناب ولی النعمیلرینی  
جلبه مجاسرت و هر نه قدر صنفنک فوقنده ایسه ده یفینده  
آچیله جغی استخبار ایدیلان ... قضاسی نیاتنه تعین ایله کرفتار  
اولدیغنی تنکی معیشتدن رها بیورلمقلغی استرحامنه مسارعت  
ایلرم . فی ۸ تشرین اول سنه ۳۱۰

• •

خاك پای معالی پیرای حضرت فتواینه‌ییه

معروض داعی دیرینه‌لریدر

خاك پای ناصیه پیرای حضرت فتواینه‌لرینه اولان نسبت  
داعیانمك فریضه شکرینی ادادن عاجز اولدیغم خالده حق  
ناچیزانه‌مده متوالی الظهور اولان الطاف مراجع انصاف  
ولی النعمیلرینه بر لاحقته فائقه اومق اوزره بو کره عهد  
مکرانه ده .... پایه‌ی احسان بورمی مستدرخمی قوت قوت  
تزیید ایلشدر .

بو لطفك شکرینی ایسه طریق ثنا کاریده :

شمعی سجادۀ معنیده بنم مرشد کل

خرقه پوشان بیان بدن آلیر فیض کلام

بیتك قائل اولان نفی معجز بیان کبی شمسواران بلاغدن  
اولسه‌مده نه بحق ایفا ایدهمیه حکم هویدادر .

بناءً علیه بو بابده کی قصورمك عنویاه جانمن اعز بیلدیکم  
توجهات فیض آیات جناب مشیختیناهیلرینك دواء و ازدیای  
تمنیه‌ی معرضنده آستان مرحمت بنیان دولتیرینه وضع جبین  
افتقار و :

ایله صدر عافیتده کامران  
 حضرت مفتی الانامی یا اله  
 مشرق نور سرورایت قلبی  
 لمعه باش اولدجه دهره مهر و ماه

قطعه دعائیه سیه تزیین لسان مصادقت ایتمکده اولدیغمک عرض  
 و بیانه اجتناسار ایلرم . هر حالده امر و فرمان حضرت  
 ولی الامر کدر .

• •

— ۴۰ —

حضور عالی عرفانیهیلرینه

عطوفتو افندم حصرتلی

بورایه کله لی اوچ ماهی مرور ایتدیکی حالده هنوز بر  
 احساننامه سامیلرینه دسترس اوله مدیغم جهته محزون اولیورم .  
 مع مافیه شمدییه قدر بر التفاتنامه کرم پروریلرینه عدم نائلیم  
 باشقه بر شیدن اولیوب مجرد مشاغل عطوفیلرینک بو کونلرده  
 تکرارندن ایلری کلدیکنه حکم ایدهرک بر آرز تسلی بولیورم .

التفات محاسن آیات گرامیلرینه مظهریت داعی اصدقلری  
 ایچون هر حالده موجب فیض وسعادتدر . عکسی ایسه —  
 حفظنا الله تعالی — بادی ادبار ونخوستدر . بناء علیه لوازم  
 وظیفه شکر گذاریدن بیلدیکم دعای ازدیاد عمر واقبال ولی



نعمتيلريني هر بار رفع اجبتگاه پروردگار ايتمكده اولديغيمك عرض  
 و بيان مبادرت و حسن نظر فيض اثر عالييرينك ايندالي تمنياتي  
 معروضنده بو وورقپاره جگمى ده خاكپاي ناصيه پيراي ساميلرينه  
 تقديمه مجاسرت ايلرم . في ۲۷ تشرين اول سنه ۳۱۰

\*

\* \*

— ۲۱ —

### دولتو افندم حضرتلري

آستان معدلت بنیان ولايتناهيلرينه اولان انتساب عبيدا.  
 نه مدن ضولايي عهدۀ داعيانهمه ترتيب اين درود مسعود  
 مراجع شهاريلرينك اداسنده قصور ايتديكم نزد دولتلرنده  
 بديهي اولديغدن بوبابده اطاب كلامدن صرف نظره حق  
 عاجزانه مده دائمي الممان اولان خورشيد توجهات فيض غايات  
 آصف اكرميلرينك بقاسندن امين اولديغ جهتله آره صيره  
 تصديعه جرأت ايتمكده اولديغ كي بو كرده متقدم عريضۀ  
 كترى فلان افندي بنده لرينك اوراجه بر ايشله اشغال پورلمسي  
 خصوصي استرحامه مبادرت ايلدم .

موماليه اولدجه اوقور يازار طاقدن اولوب بعض خد.  
 متلرده بولمش ايسه ده حسب القدر بوكونلرده برايش بوله ميوب  
 آچيقده قلمش وبى چاره نك ضرورت اطرافنى آلمشدر . كنديسي

هر جهته شایان معاونت وداعی قدیم لرینده مناسبتی اولمغه  
حقنده ابدال ایدیه جک مرحمت عاجز لرینجهده مستلزم محمدتدر .  
جبین نوراً کین گرامیلرینده درخشان اولان نجابت وانسانیتک  
دلالت ساطعه سنه نظراً بویه بر عازک وادی مضایقه وضجرتده  
قلمسنه رضا ویرلیه جکی بیدار اولدیغندن اسعاف مسئولنه  
مساعده جلیله جناب دستور اعظمیلرینک بی دریغ بیوریه جغنی  
یلدیکم ایچون شمیدین تقدیم کلدسته منتدارییه مسارعت  
ایلرم . اول بابده امر و فرمان حضرت من له الامر کدر .

فی ۲۷ تشرین اول سنه ۳۱۰



— ۶۶ —

معروض شا کرا احسانلریدرکه

حسن صیت عالمکیر تحریرانه لرینک بر تعریف مختصری  
اولان کمالات فائقه کر مکاریلری اقتضای طبعیسی وجه ایله  
بوکره مجلس تدقیقات شرعیه ریاستی وجود مسعود سمو حیلرله  
تشریف ایتدیکی استبشار قیلنش وحصافت مسئله فوق العاده لری  
امور ریاستی حسن ایفایه مع زیاده کفایت ایده جکی بدیه یاتدن  
بولنش اولمغه السنه صادقه نک ورد متینی بولنان موفقیت کامله  
ریاستپناهیلری دعواتیه حسب الصداقه تزیین لسان عبودیت

ایتمکده اولدیغیمک معروض تهئیتده عرضنه اجتمسار ایلرم . هر  
حالده امر و فرمان حضرت من له الامر کدر .

فی ۲۰ صفر سنه ۳۱۳ و فی ۳۰ تموز سنه ۳۱۱

..

— ۲۲ —

دولتلو افندم حضرتلری

شهور ثلاثه نك حلولی مساسبتیه از میره عزیمت ایدن خواجه  
فلان افندی داعیلری شایان حرمت بر صاحب فضیلت اولدیغندن  
و مجبول اولدقلری شیئه کریمه قدر دایلری اقتضاسیجیه ارباب  
علی عاطفت و حمایت دولتورندن دور بیورمیه جقلری بدیهی  
بولندیغندن افندی مومالیله حقمنده ابدال عنایت و معاونت  
دستور اکرمیلری رجاسنه مجاسرت ایلدم .

فی ۱۳ تشرین ثانی سنه ۳۱۰

..

— ۲۳ —

بورایه کلهلی اوچ بچق آی اولدی . هنوز بر احساننامه  
گرامیلرینه دسترس اولوق شرفنه مظهر اوله مدم .

کرم قیل کسمه ساقی التفاتک بی نوالردن  
الکدن کلدیکی خیری دریغ ایتمه کداردن

یوللو فریاد ایتمه حکم یوقی ؟

اوت ! فلان افندی بندلرندن آلمقده اولدیغم التفاتنامه لرده  
طرف سمو حیلرندن ده پرسش خاطر عاجزی به تنزل بیورلدیغی  
تبشیر اولنیور . بونک ایچون عرض شکران ایدرم . فقط  
کوکل بالواسطه دکل . بالذات مظهر توجه عرفانپناهیلری بیورلمق  
آرزوسنده بولنیور . چونکه لطف مخصوص صلیبیه نائل اولمق  
داعیلرنجه مستلزم شرف عظیمدر .

ارسال احساننامه به تنزل بیورمیشلرینی حق عاجزیده بر  
نوع جزا اولمق اوزره تلقی ایتک ایستیورم . بویله بر جزایه  
لایق کورلمککم ایچون ده بر قباحتیم اولمق لازم کلیر . حال بویه  
مستحق مجازات اوله جق بر حرکته بولندیغمی در خاطر ایده میورم .

قباحتیم نه ایسه عفو بیورلمسنی کمال افتقار ایله استرحام ایدر  
و برات سعادت بیلدیکم مرحمتنامه سمو حیلرینی چارچشم ایله  
بکرم . هر حالده لطف و کرم افندمن کدر .

۲۴ کانون اول سنه ۳۱۰

\*

\*\*

— ۲۵ —

برادر عزیزم افتدم

بر مخدوم عالی‌تری کهواره جهانیه شرفبخش اولدیغی واصل  
صماخ عاجزانه‌م اولدی . بو مژده نوله کوکله تازه‌جان بولدی .  
جناب رب بی انداد فیض و عمرینی مز داد و دو جهانده  
الطاف مالانهایه صمدانیه سیله دلشاد بیورسون .  
ارسال مکتوبده واقع اولان قصورمک عنوینی نیازه  
محاسرت و بویه نیجه نیجه احسان الهییه مظهر اولملری دعاسنی  
رفع بارگاه احدیت ایلرم . باقی اخوت .

فی ۲۸ کانون اول سنه ۳۱۰

\* \*

— ۲۶ —

معروض داعی دیرینه‌لریدر

داعی اصدقلری قسمت عسکریه باش کاتبی اسبق متوفی  
فلان افندی‌نک مخدومی اولوب سایه مرجتوایه حضرت  
خلافتیناهیده مخصصات علیه‌دن الی غروش معاشه نائل اولمش  
ایسه‌م ده معاش مذکور اداره عاجزانه‌مه غیر کافی اولدیغندن  
و ذات مکارم صفات ولی التعمیلرنجه‌ده معلوم اولان معلولیت

داعیانہم تأمین معیشت ایدہ جک بر خدمتہ سلو کہ مانع بولندیغندن  
معاش ناچیزانہ مک درجہ کفایہ ابلاغیہ گرفتار اولدیغ قید  
ضرورتدن خلاص بیورلمقلم خصوصنه مساعدہ جلیله جناب  
فتواپناهیترینک بی دریغ بیورلمسنی خاک پای امل بخشای شفقت  
کستریلرینه وضع جبین افتقار ایدہ رک استرحام ایلم . هر حالده  
امر و فرمان حضرت ولی الامر کدر .

فی ۱۰ کانون ثانی سنه ۳۱۰

\*

\*\*

— ۲۷ —

کوکل آرزوسی وجه ایله معیت مفاخر منقبت آصفانه نرنده  
بولنق شرف عظیمه نائلیت دیمک اولان نعمت جوار باعث مزید  
افتخار اولقده بولندیغندن ولایت جلیله لری مرکزینہ وقوع  
تشریف میمنت ردیف اکرمیلرینی تبریک وسیله جلیله سیله  
دیومت عافیت و اجلال وزیرانه لری ادعیه معتاده سنه مداوم  
بولندیغمی عرض ایله برابر حسن توجهات سلامت غایات  
مرحمتپناهیترینک حق داعیانہ مدہ مزاید المآثر بیورلمسی استرحام  
مخصوصنه اجتناسار ایلم . اول بابده امر و فرمان حضرت  
من له الامر کدر . فی ۲۲ نیسان سنه ۳۱۱

\*

\*\*

— ۲۸ —

خاك پای مراجع پیرای حضرت شیخیناهی به

معروض داعی اصدق لریدر

سایه سعادتوایه حضرت ولی التعمیل رنده بوندن ایکی سنه  
مقدم اموال ایام علیه صندوقندن استندانه ایدمرك بر کلبه جاك  
ایدنمش ایدم . نه چاره که معاش عاجزانه مک کافه سنی صندوقه  
ترك ایتش اولدیغم حالدده هنوز دین مذکورى تماماً ادايه موفق  
اوله مدم . داعیلرینی اوسز لکدن زیاده دوچار فتور ایدن بو  
حاله آرتق تحمل قالمدیغندن متداخل معاش ناچیزانه مک احسانی  
استرحامی معرضنده خاك پای مرجت پیرای جناب مفتی الانامیلرینی  
تصدیعه مجبور اولدم . هر حالدده امر و فرمان حضرت ولی  
الامر کدر .

فی ۱۳ ذی القعدة سنه ۳۱۲

و فی ۲۵ نیسان سنه ۳۱۱

•••

— ۲۹ —

خاك پای عالی منعمانه لرینه

سماحتلو افندم حضرتلری

انتساب در دولتریه مباحی اولان کوکله احتیاسات شکر

کذارانه سنی حضـور عرفانـه ایلرینه هر زمان عرض ایتـمک  
ایستـیورسـه ده صیق صیق تصدیع ایتـمک ایچون بو بابده اجاله  
خامه یی بر وسیله جیله نک ساحه آرای بروز اولسنه براقش  
ایدم .

مبدأ سعادت سرمدیه اولان لیلۀ مبارکۀ ولادت محمدیه نک  
شرف حلوانی تحکیم رشتۀ اختصاص ایچون نعم الذریعه عد  
ایده رک ایفای وجیهۀ رسم تبریکنه متجاسر اولدم . هر آن :  
کورمیه روی کدر عالمده او خداوند فضائل پرور  
اوله هر ایشده معنی الله ایده ایامی سعادتله کدر  
قطعه دعایه سیله تزیین لسان شکران ایتـمکده اولدیغمک بیانه  
مبادرت و واقع اولان قصـور لرمک عفو پورلمسی معرضنده  
تقدیم ضراعتنامه یه مشـارت ایلرم . هر خالده امر واراده  
افندمن کدر .

فی ۱۵ صفر سنه ۳۱۳

و فی ۲۵ تموز سنه ۳۱۱



— ۳۰ —

عاجزه لری پلونه ملحمۀ کبراسنده معیت جلادت منقبت  
داور اعظمیلرنده بولنق شرفنه نائل و دشمن دینک هجوم  
آتشبارینه مردانه کوکس کره رک مرتبۀ شهادته واصل اولان



صامسون ردیف میرآلایی متوفی . . . . بکک حرمی اولوب  
میر مومالیهک وفاتیهله پک بیکس قالمش و او وقتلر تخصیص  
بیورلمش اولان سکسان غروش معاش ايله قوت لایموت  
درجه سنده اولسون کچنمک قابل اوله میوب شمعیه قدر اوتله  
بری صانه رق امرار وقت ایدیلوب آرتق بو کونلرده فنا حالده  
بوکالمش اولدیغمن احوال ضرورت اشغال جاریانه مه مرجه  
و زوج شهیدمک خون لعل کونه حرمة معاشمک حد لایقه  
ابلاغیه بو قید ضرورتدن رها بیورلمقلم خصوصه هم جلیله  
آصف اکرمیلرینک بی دریغ بیورلمسی استرحامی معرضنده خاک  
پای شفقت احتوای عجزه پروریلرینه وضع جبین ایتاله مجامرت  
و مسئول ناچیزانه مک اسعافی ایچون ده حیت عسکریه رینه  
دخالت ایلرم . هر حالده امر و فرمان حضرت ولی الامر کدر .

— ۳۱ —

دستمایه مباهات و شرف یلدریکم عبودیت خالصه داعیانهم  
وسيله جوی تجدد بولمقده اولدیغمن حلول ایدن عید خجسته نک  
ایفای تبریکنی نعم الذریعه عدایله حق کترانه مده لایم و بالجمله  
محاسن بنده پرورانه بی جامع بولنان توجهات معالی آیات حضرت  
ولی النعمیلرینک بقا و ازدیادی تمنیات مخصوصه سنی تراید اسلا  
بنده نوازیلری دعای مفروضه تردیفاً یاد ایلرم .

— ۳۶ —

## حضور مراجع نشور مشیختپناه‌ی به

## معروض داعی دیرینه‌لریدر

ذات معالی صفات نجابتپناهیلرینک مقام معالی مشیخته  
 سایه بخش شرف اولدقلری کوندن، بری حامی شرع مبین  
 خلیفه رسول امین افندمن حضرتلرینک رضای شفقت ارتضای  
 ملوکانه‌لرینی استجلابه بذل مقدرت و باخصوص کترلری کبی  
 آستان مرحمت بنیان فتوایپناهیلرندن باشقه استنادگاهی اولمیان  
 آزرده دلانک تسریرینه وقف همت بیوره کلدکلری زیورالسنة  
 شکراندر . بناء علیه داعیلرینه علی الاصول احسان بیورلمش  
 اولان . . . قضااسندن انفصالم اون اوچ سنه‌یی مرور ایتدیکی  
 حالد هئوز دوریه مولوتی قضاارندن دیگر برینک دها احسانیه  
 تلطیفم خصوصه‌نه هر نصلسه عنایت بیورلمدیغندن و هر بار  
 دعوات خیریت آیات شیخ الاسلامیلرله سمحه شمار اولان بر  
 عاجزک چار چشم ایله مترقب اولدیغی بر نعمتدن بی بهره  
 قالیشنه شیمه کرمیه عجزه پروریلری هیچ بر وجه ایله راضی  
 اولیه جعندن خاک پای ناصیه‌پیرای دولترینه عرض حال ایله  
 تصدیقه جرأت و مسئول ناچیزانه مک اسعافنه مساعدت جلیله  
 مشیختپناهیلرینک بی دریغ بیورلمسی نیازی باینده عاطفت و مرحمت

جناب مفتی الانامیلرینہ کمال ابتہال ایلہ دخالت ایلرم . اول  
بابده وهر حالده امر وفرمان حضرت ولی الامر کدر .  
فی ۵ جادی الاولی سنه ۳۱۰

..

— ۴۲ —

حسن التفاتکز ایله مفتخر بر داعیکر اولدیغم حالده بورایه  
کله لی بر احساننامه کزه نائل اوله مدیغم ایچون کوکم بر اضطراب  
دائمی ایچنده بولنیور . هر کون :

« سعادت صبحی ایرمزمی شب غم زائل اولمازمی »

طرزنده فریادلر ایله پوسته خانه یه مراجعت ایدیورم . فقط  
کمال تحسر ایله منتظر اولدیغم برات سعادتک کمدیکنی کورنجه :  
« صوچم نه در آی افندم آ باشمک تاجی »

دیهرک مکدرانه عودت ایدیورم .

خاک پای عالیکزه قارشی شمیدییه قدر بر کستاخلقده  
بولندیغمی درخاطر ایده میورم . مع مافیله ایتش اولدیغم بر  
کستاخلقدن طولای مظهر التفاتکز اولمق شرفندن محروم  
بیوریلیورسم . چکمکده اولدیغم اضطرابات وجدانییه جزای  
کافی عد ایده رک متحسری بولندیغم لطفنامه کز ایله قریر العین  
اولمقلم خصوصنه عنایت بیورمکزی نیاز ایلرم .

..

— ۴۴ —

خاك پای فیض احتوای سامیله

سماحتلو افندم حضرتلری

ذات خجسته صفات نحریرانهلری کبی بر وجود محاسن  
نمودك كوندن كونه اعتلاياب سلم اقبال اولملری اودای جناب  
سمو حیلری ایچون موجب انبساط درون اوله جغی شهه دن  
وارسته در . هله توجهات مکارم آیات منعمانه لینه مظهرینه  
بین الامثال احراز شرف بی مماثل اتمکده اولان داعی عاجزلری  
کبی بر بنده شا کر الاحسانك قریر العین اولماسی فصل قابل  
اولور .

عهده استیمال عرفانیناهیلرینه مشیخت علیا مستشارلغتك  
تفویض بیورلدیغنی استبشار ایتدیکم کبی آستان فیض بنیان  
سعادتلرینه انتساب ایله مفتخر اولان کوکلم سرور مجسم کسلدی .  
بو شوق ایله :

« ای ولی نعمت صباح حشره دك

مهر اقبالك اوله پرتوفشان

بر زمان روی کدر کوستر مسون

ایلسون هر دم سنی حق شادمان »

قطعه سنی کویا اوله رق عاجزانه ایفای فریضه رسم تبریکه مبادرت  
ودر ماندکانی درجات رفیعه بختیارینك مرتبه قصواسنه اعلا

ایتمک خصوصاً تأثیر جلیلی مسیه اولان حسن توجه گرامیلرینک  
ابذالی نیازینه مجاسرت ایلرم . هر حالده امر و اراده ولی نعمت  
افندمن حضرت تلرینکدر . فی ۳ ربیع الآخر سنه ۳۱۲

— ۳۵ —

فضیلتلو افندم حضرت تلری

ذات عالی حضرت ولی انعمی به اولان عریضه ملفوفه  
عاجزانه مک بر وقت مناسبده حضور سامی مشار الیه تقدیمی  
باهر الآثار اولان لطف جیل مرحتیناهیلرندن مستعدادر .

مشار الیه افندمن حضرت تلرینه نسبت قدیمه داعیانهم جهتیله  
حقمده تجدد و تزییدن مطمئن بولندیغم توجهات ثریا درجات  
مفتی الانامیلرینک مأثر عالیه لطیفه منی عن قریب مشاهدیه  
امیدوار و بو امنیه نیک مساعدا اولان شو زمانده تسریع  
حصولی ایچون وساطت علیه کر مگستریلری کبی موافق و مثر  
بر وسیله عالییه نائلیتله بختیار بولندیغمندن اول بیده مبدولی  
الطاف مخصوصه مروتش عاریلرندن امین اولدیغمک عرض  
ویاتنی خاتمه کفتار ایلرم فی ۴ صفر سنه ۳۱۲

— ۳۶ —

مقام سامیٰ صدارت عظمایہ

معروض داعیٰ کینہ لریدر کہ

عاجز لری شمیدیہ قدر خاک پای مراجع احتوای حضرت  
 صدراعظمیلرینی تصدیعہ جسارتیاب اولمدیغم حالده بو سنه فاتح  
 عسکری رشیدیہ سندن چیقوب علی الاعلیٰ درجہ ده شهادتنامہ  
 اخذینہ موفق اولان مخدوم . . . افندی کوله لرینک دائرہ  
 جلیلہ جناب صدارتیناہیلرندہ مناسب بر قلمہ چراغ بیورلمسی  
 آرزو سنده بولندیغمدن و اوتہدن بری دار الامان بی چارکان  
 اولان آستان دولترینہ منسوبیتلہ مباهی بولنان داعیٰ مکتزلری  
 کبی بر عاجزک مراجعتی رد بیورلمیہ جغنی بیلدیکمندن مسئل  
 عبیدانه مک اسعافی خصوصنه مساعدہ جلیلہ عجزہ پروریلرینک  
 بی دریغ بیورلمسی نیازینہ متجاسر اولدم . هر حالده امر و فرمان  
 حضرت ولی الامر کدر .

\*  
\*  
\*

— ۳۷ —

مقام معالیٰ حضرت صدارتیناہیہ

معروض چاکر کینہ لریدر کہ

مکتزلری اباً عن جدِ اصدقای سلطنت سنیہدن اولوب

عاجزانه شمیدی به قدر بولندیغ مأموریتلرده مخالف دخواه عالی  
هیچ بر حرکت کورلمدیکی حالدہ آب و هوا سیلہ امتزاج ایدیله مدیکی  
جهتله استعنا ایش اولدیغ . . . قائم مقاملغدن انفصال ایکی  
سنه یی تجاوز ایدوب هنوز منسب بر قائم مقاملغه تعیین  
یورلمدیغمدن و بو حاکم دوا می ایسه بنده کز کی دیون  
کثیره آئنده ازلمکده بولان بر بی چاره یی محو ایده جکی بدیهی  
اولدیغدن متحاق بیورلدقلری حقیقه شفق گستریلرینه استناد  
احیقده اولدیغی خبر آلدیغ . . . قائم مقاملغه تعیین مخصوصه  
مساعده جلیله جناب صدارتیناهیلرینک بی دریغ یورلمسینی استرحام  
ایلرم . اول بنده امر و فرمان حضرت من له الامر کدر

..

— ۲۸ —

هیچ بر دکریم اولدیغی حالدہ حق کمترانه مدده رایگان  
یورلمقده اولان توجهات مکارم غایات سموحیلری ثمره بهره می  
اوله رق مدت نیابت داعیانہ مک بش آی دها تمیدی خصوصه  
مساعده بیورلدیغی کمال مسرت ایله خبر آلدیم .

اگرچه طریق شکر گذاریده راجل ایسه مدده عاجزانه تقدیم  
کلدسته شکرانه مبارکدوت و هر بار دعای دوا عمر و اقبال

منعمانه لریخی رفع بارگاه جناب پروردگار ایتمکده اولادینمک عرض  
و بیانیه محتاجی بولندینمک حسن نظر فیض اثر عرفانیناهیارینک بقاسی  
استرحامنه مسارعت ایلرم . هر حالده لطف و کرم افندمن  
حضر تلرینکدر . فی ۱۰ تشرین ثانی سنه ۳۱۰۴

..

— ۳۹ —

بالیکسیرینک ... محله سندن فلان بن فلان حقنده شرفوارد  
اولان ۲۵ نومرولو فی ۲۷ کانونی ثانی سنه ۳۰۹ تاریخی امرنامه  
کریمانه لری . موجبنجه کیفیت بالیکسیر سنجاغی نفوس مأمورلغنه  
یازلمش ایدی . بوکره مذکور نفوس مأمورلغندن جواباً وارد  
اولان تحریراتده نفس بالیکسیری سنجاننده ... محله سی اولیوب  
مشابته اولان ... محله سنک دردنجی خانه نک برنجی نومروسنده  
فلان بن فلان مقید اوله رق تذکره عثمانیه سی ویرلمش و مرقوم  
الآن بالیکسیریده اولوب اتمکچیلک ایتمکده بولندیغی و بوندن باشقه  
برقیده تصادف ایدیه مدیکی بیلدیرلمش اولغله اول وجه ایله بیان  
کیفیه اجتسار قیلیندی .

..



— ۵۰ —

### دولتو افندم حضرتلری

دائماً حق عاجزانه مده اشعه بار اولان خورشید توجهات  
معالی غایات آصف اگر میلرینه استناد آره صیره ذات محاسن صفات  
ولایتیناهیلرینی تصدیقه متجاسر اولدیغم کبی بو کرده داعیلرینه  
مناسبت کامله می اولان وهر جهته سزاوار مرحت و معاونت  
بولان مقدم عریضه کتری فلان بنده رینک حاله مناسب برایشله  
قایر بله رق احیا پورلسی استرحامنه مسارعت ایلد اول باده .

( ۵ )

### دولتو افندم حضرتلری

... نظارت جلیله سنک عهدۀ استیمال دولتورینه تفویض  
بورلدیغی خبر مسدت آوری جمله دن زیاده داعیلرینی حصه یاب  
مسرت ایلش اولدیغدن عاجزانه ایفای رسم بهین تسعیده متابرتله  
برابر معتاد عبیدانه اولدیغی اوزره دوام ازدیاد عافیت واجلال  
دستور اعظمیلری دعا سنده ویکانه باعث فیض و افتخارم اولان  
توجهات مکارم آیات داور افخمیلرینک بقا و توافری تمناسنده  
بولندیغمک عرض و بیانه جرأت ایلم .

\*

\* \*

— ۴۲ —

مخله مزده محمد آغا جاده سنده ... نومرولو خانه ده مقیمه  
تحصیلات قومیسوینده مستخدم ... طوپچی صاغ قول آغایی  
متوفی فلان افندیك والدہ سی ... خانم الیوم بر حیات اولوب مومالیه  
... افندیك وفاتندن شمديه قدر بر اره وارمديغنی ونامنه تنظیم  
قیلنان سند رسمی حامل علم و خبر طوپچی دائرہ سی چاوشلرندن  
... چاوشه تسلیمده بر بآس اولمديغنی مبین اشبو علم و خبر ویرادی.

— ۴۳ —

زوج سابقم طوزجی ... آغانك ذمتنده با حجت شرعیه شهری  
... غروش نفقه نك اخذ و قبضه و تسویه سنده امتناع ایلدیکي  
حالده حبسنه و صلح و ابرایه و وضع امضایه و حجز و فیکه و متوقف  
اولدیغی امورك کلیسنه طرفدن قبوله مقارن بیوک پدرم ...  
آغایی وکیل نصب و تعیین ایلدیکمی مبین اشبو وکالت علم و خبری  
بالتنظیم در سعادت اعلیات شرعیه اجرا دائرہ مننه تقدیم قیلندی.

— ۴۴ —

فلان دائرہ ده چهارشنبه بازاری جوارنده قوغه جی دده  
مخله سنده تکیه زقاقنده ... نومرولو خانه ده ... قلمی کتبه سندن

...افندی ذمتنده بر قطعه سند مو جنبه آله جفم اولان ... عروشك  
 تأمین استیفاسی ضمننده مديون موماليهك تحت تصرفنده اولوب  
 ايكنجی دائرة بلديه داخلنده ... محله سنده فلان زقاقنده ...  
 نومرولو بر باب عقار دكانك تحت حجزه آلمسني و ... نسخهدن  
 عبارت اولان اشبو استدعارك اقتضا ایدن محله ره تبليغيله معايلات  
 مقتضيه قانونيهك ايفاسنه قرار ويرلمسني طلب ايلرم .

..

— ۵۵ —

معارف نظارت جليله سی جانب عاليسنه

دولتو افندم حضرتلری

باب والای فتوایهای سجل قلمنه تقدیم ایتدیکم ترجمه حال  
 ورقه سنده « فلان ، فلان ، فلان » عنوانلی اثرلرم ذکر اونمسی  
 و حال بوکه قلم مذکوره اراءه سی لازمه دن اولان رخصتنامه  
 رسمیلری ضایع ایدلمش اولدیغندن آثار مذکورمك بارخصتنامه  
 رسمی طبع ونشر ایدلديكنك عرضحال داعیانه شرح ويرلمسی  
 خصوصنه مساعده جليله جناب نظارتدناهیلىرىك بی دریغ بیورلمسني  
 نیاز ايلرم . اول بابده

..

— ۵۶ —

عاجزلری اون سنه بی متجاوز بر زماندن بری ایوب محکمه  
 شرعیه سی باش کتابت معاونلککنده ايفای حسن خدمته چالشقده

ایسه مده عائدات داعیانهم تعیشمی تأمین ایدهمیوب دیون کثیریه  
 گرفتار اولدیغمدن حال ضرورت اشتغالیه مرحله بالامتحان مسبقین  
 سلیکنه قیدوقبولم ایله چراغ بیورلقلغم خصوصنه مساعدۀ جلیله  
 جناب فتواپناهیلرینک ارزان بیورلسنی استدعا ایلرم

\*

\* \*

## — ۴۷ —

من غیر لیاقة عهدۀ داعیانهمه تفویض بیوریلان برات سنجاغنه  
 کله لی ایفای حسن خدمت و عمومک خوشنودیسنی قازانه رق بو  
 صورتله استجلاب دعوات خیریه لرینه مواظبت ایتمکده اولدیغمه  
 بوندن ایکی ماه مقدم اهالی طرفندن حضور مفتی الانامیلرینه  
 تقدیم قیلنان مطبظه شهادت ایتمکده بولندیغندن و انفصال عاجزانه مه  
 بر ایکی آی قالوب موسم شتاتک تقریبی جهتیه بورادن حرکت  
 ایسه ممکن اوله میه جغندن لطفاً و مرحله ایکی ماه دهاتمدیدمدته  
 مساعدۀ جلیله حضرت شیخ الاسلامیلرینک ارزان بیورلسنی  
 استرحام ایلرم .

•

\* \*

## — ۴۸ —

کترلرینک ... نیابت شرعیه سندن انفصالم تام ایکی سنه یه رسیده  
 اولوب هر نه قدر بوندن بر سنه مقدم ... و بر آی صکره ...

نیابتی حسب الاصول تکلیف اولمش ایسه ده او ائشارده اعصابه  
عارض اولان ضعف کوندن کونه تزايد ایتکده اولدیغندن مذکور  
قضاری قبولدن استنکافه مجبور اولمش ایدم .

هنوز کسب عافیت ایدم بلوب برقاج نیابته طالب اولدمسه  
ده بونلردن بری عاجز زینه احسان یورلدیغندن و ضرورت  
عبیدانه ایسه آرتق تحمل ایلمز بر رادیه کلدیگندن عمو داعیاه  
مبذول اولان عواصف عالیّه جناب ولی التعمیری حق نایزانه .  
مده ده رایکان یوریلهرق قریباً مدتدری رهین ختام اوله جق ...  
و ... نیابتلردن برینه تعیین ایله مسرور یورلقلغم خصوصنی  
استرحام ایلرم .

— ۹۵ —

مکتوری ... ولایتی داخلنده ... شجاعی نیابتدن انفصال  
ایده لی ایکی سینه یی نجماوز ایدوب هر نه قدر بش آی مقدم  
ولایت مشارالیه داخلنده ... نیابتی حسب الاصول تکلیف اولمش  
ایسه ده او ائشارده زیاده جه کیفتمز بولندیغم جهته نیابت مذکورده یی  
قبولدن استنکافه مجبور اولمش ایدم .

بحمدالله تعالی مؤخرأ اعاده عافیت ایدوب بعض قضا  
نیابته طالب اولدمسه ده هر نه دن ایسه بونلر عاجز زینه احسان  
یورلدیغندن و احقرزینک ایسه باب دولتمآب جناب شیخ

الاسلاميلارندن باشقه التيحاكاهم اولمديغندن دوچار اولديغ حال  
 ضجرت اشتماله مرجه انقضاى مدته ايكي بحق ماه قالمش اولان  
 ... قضاسى نيابتيله بكام بيورلقلغم خصوصنه مساعدۀ مرحمت  
 عادۀ حضرت ولى النعميلرينك ارزان بيورلمسنى كمال افتقار ايله  
 استدعا ومسئول عبيدانه مك اسعافى بابتده دريغ عاطفت بيورلما-  
 مسنى تمنا ايلرم .

\*

..

- ۵۵ -

عاجزلى اوچ يوز بر سنه سى رمضان شريفنك يكرمى  
 يدنجى كوفى عريانى زاده مرحوم اسعد افنديك زمان مشيخننده  
 استابول باب محكمه سى قلمنه چراخ بيوريلوب تاريخ مذكور دن  
 برى مصالح شرعيه نك ضبط مرافعه سنده اكتساب فيض وبهره  
 ايله امر لرمك حسن ونظر لرني قازانه رق حق ناچيزانه مده  
 ابدال بيوردقلى توجهات مشوقانه ثمره سيله انفاى وظيفه ده  
 قصور ائمه مكه چاليشيور سه مده حصص الاصول قلم مخصوصاتى  
 مياننده نائل اولديغم جزئى بر مبلغ ايله ضرورتلى شايدان ترجم  
 بر راديه گلش اولان عائلۀ داعيانه مك تأمين اعاشه سى قابل  
 اوله مديغندن چكلرده آچيلان مسبوقين امتحانده بولنه رق سايه  
 فيضوايه جناب ولى النعميلر نده برنجيله كه كسب لياقت ايتش  
 اولديغمن لطفاً و مرجه آچيقده بولنديغنى خبر آلديغم مسبوقين

را ده سنده اولان فلان قضاتك احسانيله عالمه جه تسيير بيور.  
ملقلمغزى كمال ابتهاى ايله استدعا ايلرم

— ۵۱ —

عاجزلىرى خيلى زماندن برى فلان محكمه شرعيه مى باش  
كتابتنده ايفاي حسن خدمتده قصور ائتمكه چالشيور سنده  
كتابت مذكوره به عائد اولان عائدات ايله طقوز نفره بالغ اولان  
عالمه داعيانه مك اعاشه مى تأمين ايديله مديكى جهته يقينده  
آچيله حق اولان مسبوقين امتحانه قبول بيوريله ررق اهليتيم تبين  
ايتديكى صورتده تحمل كداز اولان حال ضرورتمه مرجه همان  
مناسب بر فضا نيابتيله قارملقلمغ خصوصنه مساعدت جليله جناب  
ولى النعميلرينك ارزان بيورلمسنى تمنى ايلرم .

— ۵۲ —

من غير لياقة عهدت كترانه احسان بيوريلان ... سنجاغى  
نيابتندن انفصال ايله در سعاده عوتم ايكي سنه ي تجاوز ايتد .  
يكنندن واحوال ضرورت اشماله ايسه ارتق تحملقر ساورد رجه به  
كلديكنندن حال عاجزانه مناسب بر محل نيابتيله بكام بيورملقلمغ  
خصوصنه مساعدت مرحت عاده جناب مشيخته پناهيلرينك

بی دریغ بیورلمسنى يكانه التجا كاھم اولان دارالامان دولتلىرىنه  
ناصيه ساي عبوديت اوله رق تمنا ايلرم .

— ۵۳ —

عاجزلى درت سنده دن برى روم ايلي صدارت عليه سى  
وقايع قلنه دوام ايله حسن خدمت ايدمرك سايه سماپايه جناب  
فتواپناهيلرنده خدمت مذكوره مه مكافاة ايكي يوز غروش  
معاش احسان بيورلمق صورتيله بكام اولمش برداعيلرى اولديغمه  
واوچ درت سنده محاكم شرعيه دن برينه دوام ايدنلرك بالامتحان  
نيابته كوندرلملى اصول قديمه دن بولنديغنه بناء بوكره اجرايى  
مصمم اولان مسبوقين امتحانه قبول ايله تسريرم خصوصنه ..

— ۵۴ —

محل مأموريت عليه لى اولان کوتاهيه يه مصحوباً بالعافيه  
وقوع تشریف معالى ردیف فاضلانلرينى مبشر کرمنامه عالى  
داعى نوازيلرى پيرايه بخش هامه تکریم اولمش ومأل عاطفت  
اشتالندن حق عاجزانه مده کی توجهات مفخرت آیات منعمانه لرینک  
رهین مرکز کمال اولديغی استنباط واستبشار قيلمش اولمغله



دوام شان و سعادت و حصول حسن موفقیت کار آگاهیلری  
دعای مفروضیه بتکرار تزیین زبان قیلندیغناک عرض و بیانیه  
بجاسرت اولندی .

• •

— ۵۵ —

تجلیل ابدیه سزا بر شرف وار ایسه اوده ذات سمو .  
حیلرنده کی جوهر فضیلتدر . بونک جهان جهان تقدیره شایان  
اولدیغنی تصدیق ایتمه . ک بر صاحب اذعان تصور اولنورمی ؟  
مقام والای ریاستک عهدۀ تحریرانه زینه توجیهی تبشیرینی  
غزته لرده کورنجه بی اختیار :

شرفنخشا اولورکن خلقه مسند

تشرف ایتدی ذانکله ریاست

بیتنی زینور لسان عبودیت ایلدم .

شو توجیه و جیهی یار و اغیار همزین افتخار اوله رق تذکار  
ایده جکارندن امینم . وجیهه رسم تبریکی حقیقه ایفادن غجزمی  
اعتراف ایله برابر افسدمزک ذاتاً هر مظهریتنی ازلی اوله رق  
تسعید ایدنلردن اولدیغناک عرضنه اجتناسار و بو وسیله حسنیه ایله  
حق داعیانمه ابدال بپوریه کلن حسن توجیهک بقا و از دیدی  
تمناسنه ایتدار ایلرم . باقی مباد هرکه نخواهد بقای تو

— ۵۶ —

داعیلری من غیر لیاقة بش سندهن بری ... ولایت  
 جلیله سی استیناف محکمه سی ریاستنده بولنه رق ایقای وظیفه ده  
 قصور ایتمه مکه چالیشور سه مده وجود عاجزانه مه عارض اولان  
 علتدن طولای تبدیل آب وهوا ایتمکلم لازم کلدیکی بلدییه  
 طبیبی طرفندن ویریلن مربوط راپوردن آ کلاشیله جغی و علت  
 مذکور هک تشددی حالنده استیفایه مجبوریت حاصل اولوب  
 بوا یسه کمتلری کبی بیوا یکانک محوینی مستلزم اوله جغی جهته  
 بروسه ولایت جلیله سی استیناف محکمه سی رئیس یله بجایشمز  
 خصوصنه همت معالی منقبت مرحمت شعار یلرینک ابدانی حق  
 عاجزانه مده دائمی اللمعان اولان تیر حسن توجه سمو حیلرینه  
 استناداً استرحام ایلرم . اول بابده امر و فرمان حضرت من له  
 الامر کدر .

\* \*

— ۵۷ —

شیمه کریمه داعی نوازیلری مقتضیاتندن اوله رق نائل  
 اوله کلدیکلم الطاف جلیله آصف اکرمیلرینک ادای حق تشکرندن  
 عاجز اولدیغم حالده بو کره انهای دولتلری آثار باهره سندن  
 اوله رق ... رتبه دن بر قطعه مجیدی نشان ذی شانی ایله تلطیف  
 پور لملغم داعیرینی بتون بتون غریق بحر منتداری ایلدیکندن

لوازم شکر کذاریده کی قصورمک عفوینی استرحامه ابتدار  
وتوجهات محاسن غایات دستور اعظمیلرینک حق کمتراهمده  
بقاواردیادی نیازینه اجتسار ایلرم .

..

— ۵۸ —

خاك پای مراجع پیرای حضرت صدر اعظمی به  
معروض جاریه کینه لریدر که

چهارشنبه جوارنده فلان محله سنده عربلر رفاقده ۳  
نومرولو خانه زوج فلانک بلا ولد و فایله محلول اولوب  
حال بوکه ۱۰۰۰ غروش قیمتده بولان منزل مذکور وقتیه  
اوتده بریده خدمت ایدمرك تدارك ایدم بیلدیکم باره ایله  
آلتمش اولدیغندن و زوج مومالیمک و فایله بویله محلوله کیمشی  
اختیار و قتمده زقاق اورتی لرده قالمقلمی ایجاب ایدوب بوکا  
ایسه مسلم جهانیان اولان مرحمت جناب صدارت اهلیری قائل  
اولیه جفی بدیهی بولندیغندن احوال ضجرت اشماله مرحله  
مذکور کلبه جکک عاجز لرینه احسانیه آخر عمرده دین و دوانه  
دعا ایله دمکنار اولقلمم خصوصنه مساعده جلیله عاطفت  
کستریلرینک رایکان بیورنسینی کمال ابتهال ایله استرحام ایلرم .  
هر حالده امر و فرمان حضرت ولی الامر افندمن کدر .

..

— ۵۹ —

ینه کمال افتخار ایله بر التفاتنامه کزی آلدیم. ارسال بیوریلان  
 «...» عنوانی اثر عالیکزی ده مطالعه ایله محتوی بولندیغی  
 بدایع طبیعتیه حیران قالدیم.

سوز بویله اولور. یوز کره او قودم . هر او قویشده  
 کوکلده بر ذوق دیگر حاصل اولدی .

برشی رجا ایده جکم . بیلم قبول ایدر میسکز؟ معلم مرحومک  
 «ذات النطاقین» ی کبی سزده غزوه بدره دائر بر منظومه  
 یازسه کز خوش اولور .

موضوعنک بیوکلکنه باقوبده غز مکره فتور کتیر میکز .  
 فیوضات محمدیه بی پایندر .

دائما بویله التفاتنامه لر ارسالله داعی کزی مسرور بیور مقدمه  
 اولدیغکزدن طولانی نه قدر تشکر ایتسه م آذرر .

روز و شب ورد زبانم اولان «جناب حق ذات عالیکزی  
 محسود افصل اوله حق صورتده آثار عالیله تألیفنه موفق بیور .  
 سون» دعاسنی بو وسیله ایله ده تکرار ایتکی وجیهه دن عد  
 ایلرم . باقی .

• •

— ۶۰ —

عطو قتلو افندم حضرتلری

ذات خجسته صفات کرامیلری کبی خیر خواهان اودانک

توجهات معالی آیات کرمپوریلری شرمسی اوله رن نائل اولدیغم  
پایه نك تبریکنی حاوی اولان التفاتنامه عالم جتانه نری شرف بخش  
هامه تعظیم اولدی .

حق داعیانه مدده هر بار ساجه آرای افتخار اولان حسن  
توجه سامیلرینك کماله ایفای وظیفه تشکرندن عجزمی اعتراف  
ایله بوبابده کی قصورمک عنو بورلمسی خصوصنی استرحامه  
مسارعت و دمدادم اقبال و عافیتلریک بقا و تزیادی دعا سیله ترین  
اسان و جنان ایتمکده اولدیغمک عرض و بیانه مباشرت ایلرم .  
اول بابده امر واراده افندم حضرتلرینکدر .



— ۶۱ —

محلهمز مختار ثابسی بولان . . . آغانک وقوع استعفا سینه  
مبنی . . . آغانک بواشی هر وجه ایله ایفایه اقتداری کافی کورنش  
ومومی الیه اکثریت آرای اهالی ایله محلهمزه مختار ثانی انتخاب  
قیلنش اولدیغندن نامنه اینجاب ایدن مهر رسمینک حک و اعطاسی  
خصوصنه مساعدت امانتپناهیلری ضمننده اشبو مضبوطه من بالتظیم  
تقدیم حضور عالیء دستور اکر میلری قیلندی . اول بابدم امر  
و فرمان حضرت ولی الامر کدر .



— ۶۲ —

در سعادت جزا محکمه سی مدعی عمومیلکی جانب عالیه  
وقعه نك شاهدلری

فلان دائره اوراق قلمی      فلان دائره مکتوبی قلمی  
کتبه سندن فلان افندی      کتبه سندن فلان افندی

... محله سنده ... زقائنده پوسته خانه دکر مأمورلرندن  
پاپوشچی ... آغانك اوغلی ... افندی ذمتنده آله غم طقوز  
غروش بر صورت مناسبه وادیانه ایله طلب ایلدیکمده در حال حدت  
ایده رك عاجزلرینی فوق العاده ضرب ایتمش و مرقومك شو  
حرکتی حقوق عمومیه یی مستلزم بولتمش اولدیغندن حقنده طرف  
عالیرندن حقوق عمومیه دعواسنك تعقیبنی عدالت و مرحمت  
حصرت خلافتیناهی نامنه اوله رق کمال ابتهال ایله استرحام  
وبو میانده حقوق شخصیه احقرانه مك دخی محافظه سنی نیاز  
ایلرم اول بایده امر و اراده افندم حضرتلرینکدر .

..

— ۶۳ —

اشراف ولایتدن ... زاده ... بك ایله تجاردن ...  
افندی بینلرنده تحدت ایتمش اولان ... محله کائن معلوم الحود  
بر قطعه چیفتلك دعواسنه دائر بدایه ویریلن حکمك اسنینافی

استدعا این مومالیه . . . افسی کوی ادعای و تمه حکم  
ابتدائی بی تصدیقاً جواب رد ویرادیکندن بحث و شکایه استماعی  
معدلت ایتدیکندن بوباده جریان این معاملت سریتاً شعاری  
آمر فی ۳۰ کانون اول سه ۳۰۸ و ۷۵ نومردار امر نافه  
عالی نظارتناهیاری مدرسه پیرای عاجزی اولدی .

مومالیه . . . فلان افندیگ ویردیگی استیفاف استدعاییه  
بوباده کی لایحه می اوزرینه استیفافاً اجرای تدقیقاته ابتدار  
اولمق اوزره علی الاصول طرفینه دعوتناه ارسلال ایداریکی  
حالده یوم معینده مستأنف مومالیه . . . افسی محکمه کدیکی  
کبی طرفندن بر وکیل دخی کوندرمیکمن مستأنف علیک  
طلبنه بناء استیفاف استدعاسنک ردینه قرار ویرمش واعلامی  
دردست تنظیم اولوب قنون دائر مسنده اعتراض وقوعنده  
اقتضاسنک ایفای صیعی بولمش اولدیغک و بو معاملات دخی  
اصول محاکماتک تعریف صریحنه تماییه مطابق وعدل وقانونه  
موافق بولندیغک جواباً عرض و شعارینه مجامرت قیلندی  
اول باده امر وفرمان حضرت من له الامر کدر .

..

— ۶۴ —

سماحتلو افندم حضرتلری  
حقمده دائمی اللعان اولان نیر حسن توجه سمو حیلریک

برنامه جدیدہ کو سترسی و حضور فیض نشور حضرت  
ولی النعمیدہ بالمناسبتہ حق ناچیزانہ مدہ اظہار حسن شہادتہ فطرت  
عالیہ کریمانہ لرنده سرشته اولان شیمہ فاخرہ داعی نوازی  
و عاطفتک بیوکلمکنہ بر دایل جیل دها کو سترمش اولدیغی استخبار  
و استیشار قیلند یغندن بو احسان مرحمت نشان توجهات راسخہ  
عاطفت کستر یلرینک تزیاید اوزره بولندیغنی تبشیر ایله عاجز لرنی  
جداً و جدیداً منتدار ایلدیکندن بوکی الطاف علیہ لرنک آثار  
جلیلہ قریبہ سنی کورمکله ده بر قات دها بختیار اوله جغمه  
امیدوار بولاندیغکم عرض و بیانہ اجتسار ایلرم .

عقیب صلات عید اضحاده اقدم وظائف داعیانہ اولان  
درود فیض نمود حضرت خلافتپناهی یہ تردیفاً ادعیہ خیرہ  
جناب مفتی الانامیلرینی بخلوص البال رفع بارکاه رب متعال  
ایتدیکمک عرض و بیانہ مبادرت و بوزریعہ جمیلہ ایله حق  
عاجزانہ مدہ رایکان بیوریلہ کلن انظار مکارم دثار جناب  
فتوایانہ یلرینک دوام و تزیایدی نیازینہ بحاسرت ایلرم .

.\*.\*

بو کره پیرایہ انامل تکریم اولان احساننامہ گرامیلرینک  
هر جله سی حق داعیانہ مدہ ابداًل بیوریلہ کلن حسن توجهک



استقرار نی مبشر اولدیغندن کوکله نور سرور ایله طوادی .  
 التفات محاسن آیات سموحیلرینه مظهریت هر حالده باعث  
 فیض و منفعت اولدیغندن بویله بر شرف عثمندان حصه دار  
 اولماقغنا قابل شکران بر نعمتدر .

ایفای لازمه رقیتمده واقع اولان قصور مک عنویله هر وقت  
 بویله مظهر التفات بیورماقغنا خصوصنی تمنییه جرأت ایدرم .  
 باقی .

— ۶۶ —

عدلیه نظارت جلیله می مستشار لغی جانب عالیسه

سماحتلو افندم حضرتلری

مأموریت مخصوصه ایله ( ... ) اعزام بیورلمش و بوکره  
 عودت ایتش اولان مستنطق ... افندی بندمرینسک حامل  
 اولدیغی تعلیمات موجنبجه حسن ایفای وظیفه پک کوزل  
 صرف همت ایتش اولدیغنک عرض و بیانی وسیله سیله مدار  
 مباحات عدایده کلدیکم و دوامندن امین بولندیغم توجهات جلیله  
 کر مکاریلرینک تجدد و ازدیادی تمنیات مخصوصه سنه اجتناسار ایله  
 برقات ده کسب افتخار ایلرم. اول بایده امر و فرمان حضرت  
 من له الامر کدر .

— ۶۷ —

خاك پای مكارم احتواى منعمانه لرینه انتساب من كل الوجوه  
 باعث شرف بی حسابدر. بویله بر شرف عالمبایه قطعاً استحقاقی  
 اولمیان داعیلری کی بر عاجزی منسوبین دولتلى عدادینه  
 قبول ایله وایه دار عنایت بیورملری ایسه شکرانی ناقابل بر نعمت  
 بی معادلدر . بونك فريضة تشكرینی کاهی حقها ادادن اعتراف  
 عجز ایدمرك قصور واقعمك عفوینی شیء کریمه عاطفتشعاریلرینه  
 حواله ایله محتاجی بولندیغم انظار محاسن دثار کر مکاریلرینک  
 کاکان ابداليله شادمان بیورلمقلغم خصوصنی نیاز ایدرم .

سعادتلو افندم حضرتلى

\*

— ۶۸ —

خاك پای ولی نعمتلىرینه اولان تدم عبوديته استناداً آره صیره  
 تصدیعه متجاسر اولدیغم کی بوکرده انقضاسنه اوج آی قالمش  
 اولان مدت نیابت عاجزانه مک تمیدی خصوصی همم والای  
 کرم گستریلرندن بکار وشو رجا جعمك اسعافی بابنده دریغ  
 عنایت بیورلیه جغندن امین اولدیغم ایچون عاجزانه شمیدین  
 عرض شکرانه جرأت ایلرم . هر حالده لطف ومروت افندم  
 حضرتلرینکدر .

\*

— ۶۹ —

دولتلو افندم حضرتلى

تسعيد رتبة داعيانه می مشتمل فی ۱۲ ايلول سنه ۳۱۱

تاریخی لطیفانه غایت شعاریلری شرفبخش هامة تکریم اوابی .  
 بونک منظور دیده افتخارا لان عبارات لطیفه می حق عاجزانه سده کی  
 تمایلات قبیله توجه کاریلرینک درجات عالیله سنی متضمن و مبشر  
 بولمغله مجرد شعار مروت کر مکاریلری حکم واقضامی اوله برق  
 اول وجه الیه ابراز بیوریان اثر حسن توجه مکارم پروریلرینه  
 متقابلاً عرض کمال شکران واراده علیه ری اوزره مایلر  
 اموری فلان آغانک واقع اوله حق خصوصاً سده تسهیلات  
 ممکنه نك ایضاً سده بالا افتخار سعی ایدیه حکمی بدیهوتدن بولمغنی  
 علاوه عرض و بیان ایلرم . اول بابده امر و فرمان حضرت  
 ولی الامر کدر .



— ۷۵ —

بوریه کله لی بکر می کون اولدی . هموز یاران باصفادن  
 تنویر دیده مسرت ایده جک بر التفتانیه الهمد . بوقدر چابوق  
 اونودیله جغمی بیلیورد . هله خاک پای حقوق پروریلرندن  
 بویله بر حالک صدورینه بر معنی ویره میورم . غربتده ایکی  
 سطرلق بر مکتوبک نه قدر صفا بخش درون اوله جفنی تقدیر  
 ایتک ذات والای عرفانداهیلری اینجیون اوقدر کوج بر شی  
 اولمدیغنی دوشوندکجه مضطرب اولیورم .

بیکنه چیتدی حیف بنم یار صاندیغم (۱)

دیکه دیلم وارمیور . فقط :

خی بر یاد ایدر یوق یادلرده آشنالرده (۱)

دیه فریاد ایدیورم . بوکا حقم واردر دگلی ؟

هرنه حال ایسه بو عریضه مک جوابسز بر اقامه سنی استرحام

ایدر وکال خلوص بال ایله پدر افندی حضرتلرینک مبارک  
الرندن اوپرم .



— ۷۱ —

معروض داعی قدیملریدر

کفایت عالمپسند نخریرانه لری مقتضای عالیسی اولمق اوزره  
... ریاستنه وقوع بولان مأموریت جلیله لرینی تسعید ذریعه  
جلیله سیله ادعیه مفروضه سموحیلرینی بر معتاد پیرایه لسان صدق  
اعتیاد ایتیکده ووظائف عبودیت داعیانه مدن بولندیغی اوزره  
معیت علیه ریاستپناهیلرنده بولمق شرفنه بدل بوراده برادر  
پاشا حضرتلرینک خدمت مفخرت غایت دولترلرده بولمقده  
اولدیغیمک عرض وبیانه اجتناسار قیلندی . قاطبه احوالده امر  
واراده افندمن کدر .

[۲] بو مصراعده « شیخ الاسلام یحیی » نکدر .

- ۷۲ -

برادر جان برابرم افندم

فی ۲ کانون اول سنه ۳۱۱ تاریخلی کرمساده عالیدرینی کمال  
 مسرت و منتداری ایله آیدم . حق داعیانهمده ابدال بیوریلان  
 حسن توجهه تشکرلر ایدرم . بویه پارلاق پارلاق التفات  
 سامیلرینه نائل اولدقجه افتخار ایدیورم . مشرب عاجخانلری  
 بیلیمش اولسه ایدم بونلرک صمیمی اولدیغجه اعتماد یزدیم . هر حالده  
 بویه احساننامه ر ارمایله تسریر دل عزیزنه عنایت بیورلمسین  
 تمنی ایدرم . باقی اخوت .

- ۷۳ -

سبب حیاتم پدرم افندم حضرتلری  
 پوسته کونلری :

چار چشم ایله پیام یاری کوزلر کوزلرم

مؤداسنجه برات سعادت بیلدیکم التفتانامه ولی نعمتیلرینه  
 وقف دیدم تحسیر ایشکده اولدغیمک عرضمه حاجت کوردم .  
 فقط شوقدر دیه بلیرم که احساننامه رینه دسترس اوله ندیغم پوسته  
 کونلری :

آغلا ای کوزلرم آغلا نه کلیر وار نه کیدر

مصراعنی کویا اولماق امدن کلبور . اضطرابمی احساننامه .  
 لرندن باشقه بر شی تعدیل ایدم من . التفتانامه ریه تویر دیدم  
 افتخار ایتدیکم پوسته کونلری ایسه کوکلده حاصل اولان نور  
 سروری تعریف ایدم . بو باده تعبیرات توصیفه ک غیر کافی

اولاد یعنی ادعا ایقش اولسه ائبات مدعادن عاجز قلام ظن ایدرم .  
روحی تعریف ایتک ممکن ایسه بونی ده تعریف ممکن اوله یلیر ؟  
بو حالی مصور اولق اوزره :

الفاظه صیقشیمور معانی

دیمکدن باشقه چاره یوقدر .

بناء علیه هر پوسته ایکی سطراق بر مکتوب ایله قریرالین  
اولقلم خسر صنه عنایت بیورلسنی تمی ایدرم . البته محزون  
اولقلمه وجدان عالی مرجت پروریلری راضی اولماز .  
احساننامه ار سالیله مسروریت جهتی التزام بیوریلور دگلی ؟



— ۷۴ —

عطوفتلو افندم حضرتلری

قلوب موحدینی انوار احتیاسات ایمانه ایله بر قات دها  
منور ایدن لیلہ رغائب عیمه المواهبک تبریکنی حاوی بولسان  
التفاتنامه سامیلری انمله پیرای داعیانهم اولدی .

مندرجات فیض آیاتی پامال غربت اولان کوکلی معشو .  
قهسنه قاویشان حسرتدیده کبی پر مسرت ایلدیکندن :

التفاتک بنی احیا ایتدی

یاشا ای داور عالی همت

ایلسون کعبه قلبك معمور

حشره دك حضرت رب عزت

نشیده سیه وظیفه شکر نداری به متجاسر اولدم .

سدار افتخاره اولان حسن نظر مکارم اثر گرامیلارینک

دوام و توافرنی رجا و آیین عبودیتده کورلنکده اولان قصور .

لرمک عفووی خصوصنی استدعا ایلرم .

°°

— ۷۵ —

سماحتلو افندم حضرتلری

حسب العبودیه نجم اقبال فاضلانلارینک کوندن کونه

آفاق کیر سعادت اولسی دعای بی ریاسیه اوقتیکذار اولمقده ایکن

فلان مأموریتک عهدۀ استیمال فقیهانلارینه تقویض بیورلدیغنی

بو پوسته ایله کلن اوراقی حوادلندن استبشار ایلدم . همان :

ای شرف بخش سریر علم و فضل و معرفت

یاور اولسون ذاتکده فیض خداوند عظیم


کامران اول سایه شاهانه ده تا حشره دك

نشر احکام ایلیوب بر وفق قرآن کریم

قطعه دعایه سنی زیور لسان اخلاص ایدمک ایضای وظیفه رسم

تبریکه ابتدار و بو وسیله جلیله ایله حق داعیه منده درکار اولان

توجهات مکارم غایات نحریرانه لرینک تمئی دوام و توافرینه اجتسار  
قیلندی .



سماحتلو افندم حضر تلی

حق کترانه مده دائمی الکمال اولان حسن توجهات عواطف  
غایات داعی نوازیلری مقتضای مکارم احتواسی اولمق اوزره  
عاجزلرینک شمیدییه قدر نابلک دارمسنده قالیشمدن تأسفناک  
اولانلرک برنجیسی افندمن اولدقلری غیاباً ووجاهاً کوردیکم  
مأثر الطاف عالیئ بنده پروریلرله مدلل اولدیغندن باب فتواجه  
آچیله جق مهمجه بر خدمت ایچون خاطر معدلت ناشر  
سمو حیلرینه خطورایدنلرک برنجیسی بولنه جغمدن امین ایسه مده  
موقع حاضر مده انتظار عبیدانه خیلجه امتداد ایتش اولمسيله  
تحصل ایدن قلت تمکین واصطبار جنحه تصدیعی اختیاره باعث  
اجتسار اولدی .



معروض داعی دیرینه لریدر

کته عادتاته اطاله دست تعرض ایتکده اولدیغم باشکایتنامه  
خاک پای عدالت احتوا یفتو اناهیلرینه بیلدیرلمش اولمغله بونک  
مقارن حقیقت اولوب اولدیغنک عرض وپساتنی آمر ۹۱



نومرولو و فی ۱۱ شوال سنه ۳۱۲ تاریخلی استعلامنامه جناب  
شیخ الاسلامیلری هامة پیرای داعیانده اولدی .

یکرمی سنه دن بری طریق نیابنده بولنوب بخول الله تعالی  
تهدیه قدر سرمو منهج قویم استقامتدن انحراف ایله باعث  
شر مساری اوله حق بر حرکت و وقوع بولمدیغی باب فتواجه  
معلومدر . شو اسناده سبب ایسه محکمه باش کاتینک کفایتسز .  
لکنه بناءً فلان افندی داعیلرینی مومالیه ترفیق ایدلشمدن .  
بو ایسه محض امور عبادی سورجهیه بر اقامق و هروجه ایله  
مطلوب علی اولان حسن جریان مصالحه خلل کثیرمه دك  
قضیه معتنایه مسکنن ایلری کلدیکنی خالک پای عدالت  
احتوای جناب ولی النعمیلرینه عرض ایله مرحت مسلمة عجزه  
پرورینه دخالت ایلرم . شر حالده امر و فرمان حضرت  
ولی الامر افندمن کدر .

• •

— ۷۸ —

بو کونلرده مشاغ عاجزانده کثرتی اگرچه تجدید  
اختصاص خصوصنده وقوعه گلدیکه اولان قصور عیبانه می نؤد  
عالی حضرت ولی النعمیلرینه قرین عفو جیل ایتدیرمه بله جک  
بر معذرت صحیحه عد اولنه بیلیرسه ده ذات مکارم صفات جناب  
مشختیاهیلرینه شدت تعلق بداهنده بولنان کوکم شو مو فقیتمز لکه

بر تقصیر صحیح نظریله باقده اولدیغندن حلول ایدن لیلله  
 رغائبک تهنیتی وسیله حسنه سیله تلاوتی تسلی بخش درون  
 اولان ادعیه مفروضه مفتی الانامیلرینه مع الافتخار مواظبتدن  
 آیرلدیغیمک وتوجهات جلیله خداوند اکرمیلرینک حق کترانه مده  
 بقاسی عنده متهقق اولوق جهتیه او مجتهد سوز ایرادن  
 انصراف ایله قاعده تأدب رعایتی انست وواقع کوردیکمک  
 عرض و بیاننه مجاسرت ایلرم .

( ختام )

حیات مسلمان بادشاه قدردان و شهساده حاکم و الهی نعمت اقدس  
 حضرت غری و سالرود فی سر آرای شوکت و شان و سانه معارف و علمیه  
 معارف عمده مری غلط نظر ترقیات فراوان و معروف ملک مری غلط احسن  
 جمالت و مدائن و جیمندان و طبی نعمت مشاهده انار عمران آیه انار عمران  
 آمین

## ﴿ فهرس ﴾

|                              |    |
|------------------------------|----|
| مقدمه                        | ۴  |
| عرض شکران                    | ۵  |
| بر مکتوب                     | ۶  |
| بر جوابنامه                  | ۶  |
| تبریکنامه                    | ۷  |
| بودخی                        | ۷  |
| استدعای عاطفی متضمن جوابنامه | ۸  |
| تبریکنامه                    | ۸  |
| بایرام تبریکی                | ۹  |
| بودخی                        | ۱۰ |
| فندیل تبریکی                 | ۱۱ |
| جوابنامه                     | ۱۱ |
| پایه تبریکی                  | ۱۲ |
| بودخی                        | ۱۳ |
| مذکره                        | ۱۳ |
| جوابنامه                     | ۱۴ |
| عریضه                        | ۱۵ |
| رتبه تبریکی                  | ۱۵ |
| بر مکتوب                     | ۱۵ |

( فهرس )

|               |    |
|---------------|----|
| عریضہ خیال    | ۱۶ |
| تشکر نامہ     | ۱۷ |
| مکتوب         | ۱۸ |
| التماس نامہ   | ۱۹ |
| تہریک نامہ    | ۲۰ |
| توصیہ نامہ    | ۲۱ |
| مکتوب         | ۲۱ |
| تہریک نامہ    | ۲۳ |
| عریضہ خیال    | ۲۳ |
| عریضہ         | ۲۴ |
| عریضہ خیال    | ۲۵ |
| عریضہ         | ۲۵ |
| عریضہ خیال    | ۲۶ |
| بایرام تبریکی | ۲۷ |
| استراحت نامہ  | ۲۸ |
| مکتوب         | ۲۹ |
| عریضہ         | ۳۰ |
| بودخی         | ۳۱ |
| عریضہ خیال    | ۳۲ |
| بودخی         | ۳۲ |
| تشکر نامہ     | ۳۳ |

( فهرس )

|               |    |
|---------------|----|
| استعلامه جواب | ۳۴ |
| التاسنامه     | ۳۵ |
| تبریکنامه     | ۳۵ |
| علم و خبر     | ۳۶ |
| بودخی         | ۳۶ |
| استدعا        | ۳۶ |
| عرضحال        | ۳۷ |
| بودخی         | ۳۷ |
| استرمنامه     | ۳۸ |
| بودخی         | ۳۸ |
| بودخی         | ۳۹ |
| عرضحال        | ۴۰ |
| بودخی         | ۴۱ |
| استرحامنامه   | ۴۱ |
| بودخی         | ۴۲ |
| جوابنامه      | ۴۲ |
| تبریکنامه     | ۴۳ |
| عرضحال        | ۴۴ |
| عرض شکران     | ۴۴ |
| عرضحال        | ۴۵ |
| جوابنامه      | ۴۶ |

( فهرس )

|               |    |
|---------------|----|
| بودخی         | ۴۷ |
| علم و خبر     | ۴۷ |
| عر ضحال       | ۴۸ |
| استدعا        | ۴۸ |
| عریضه         | ۵۰ |
| جوابنامه      | ۵۰ |
| التماسنامه    | ۵۱ |
| عریضه         | ۵۲ |
| استرحامنامه   | ۵۲ |
| جوابنامه      | ۵۲ |
| مکتوب         | ۵۳ |
| تیریکننامه    | ۵۴ |
| جوابنامه      | ۵۵ |
| مکتوب         | ۵۵ |
| قنديل تبریکی  | ۵۶ |
| تیریکننامه    | ۵۷ |
| استرحامنامه   | ۵۸ |
| استعلامه جواب | ۵۸ |
| عریضه         | ۵۹ |

مشتريك (حضرت تليزى افندي مدحت اجد مطوفاتو اخبارات)

سنگه  
مدرسه خاطر لهرى  
مجد مظهر بخودى  
حکم الرقاعى  
صايفه سوز  
خرده فروش  
مکتوب لدم  
توبه سخي  
عقارلى شاعرلى  
مجموعه معلم  
اغت كتابى

معلم تاجى افندي حضرت تليزىك [مجموعه معلم] آثارى اداره خانه سنده صايفه مقدمه بولان

(مشتريك)

شويلا بويلا (اخبارات - معلم تاجى افندي حضرت تليزىك  
رأىين (ترجمه ليله براز قارى شيخى مکتوب حكايات حكيمه)  
حكايات اسلاميه (حكايات شيخ سعدى)  
جذبات (مجموعه اشعار)

شيخ وصفي افنديك نشر اولمش سائر آثارى:

پاشى ۴ غروشى



شیخ وصفی

# بدایع

رسمی، ادبی بعض مسوداتی حاویدر

معارف نظارت جلیله سنك رخصتيله

صاحب دناشری: کتابچی آراکل

استانبول

نشان بربریان مطبعه سی - اسکی ضبطیه جاده سی نومرو ۶۱

۱۳۱۰